

સિરિ ઉસાહદેવ સામિસ્સ ણમો । સિરિ ગોડી-જિરાઉલા-સવ્વોદય પાસ ણાહાણ ણમો । ણમોડત્થુ ણ સમણસ્સ ભગવાઓ મહિ મહાવીર વબ્ધમાણ સામિસ્સ । સિરિ-ગોયમ-સોહમ્માઇ સવ્વ ગણહારાણ ણમો । સિરિ સુગુરુ-દેવાણ ણમો । ણમોડત્થુણ સમણસ્સ ભગવાઓ મહિમહાવીરવબ્ધમાણસામિસ્સ ॥ ૫૫૫  
**પંચમગણહરભયવંસિરિસુહ્મમસામિવિરઝયં ચઉત્થમંગસમવાંગસુત્ર ફુફુ** ‘॥ ઓં નમો વીતરાગાય ॥’ ૧ (૧) સુયં મે આઉસં! તેણ ભગવતા એવમક્રખાતં—  
(૨) ઇહ ખલુ સમણેણ ભગવતા મહાવીરેણ આદિકરેણ તિથ્યકરેણ સયંસંબુદ્ધેણ પુરિસોત્તમેણ પુરિસસીહેણ પુરિસવરપુંડરીએણ પુરિસવરંધહત્થિણાલોગોત્તમેણ લોગનાહેણ લોગહિતેણ લોગપિવેણ લોગપજોયગરેણ અભયદાણ ચકુદાણ મગ્ગદાણ સરણદાણ જીવદાણ બોહિદાણ ધ્મમદાણ ધ્મમદેસાણ ધ્મમણાયગેણ ધ્મમસારહિણ ધ્મમવરચાઉરંતચક્રવદ્વિણ અપ્પડિહતવરણાણદસણધરેણ વિઅદૃચ્છુમેણ જિણેણ જાણાણ તિન્નેણ તારાણ બુદ્ધેણ બોહાણ મુત્તેણ મોયગેણ સવ્વણુણા સવ્વદરિસિણ સિવમયલમસ્યમણંતમક્રખયમબાહમપુણરાવત્ય સિદ્ધિગતિણમધેય ઠાણ સંપાવિતકામેણ ઇમે દુવાલસંગે ગળિપિંડગે પણન્તે, તંજહા—આયારે ૧, સૂયગડે ૨, ઠાણે ૩, સમવાએ ૪, વિવાહપણની ૫, ણાયાધ્મમકહાઓ ૬, ઉવાસગદસાતો ૭, અંતગડદસાતો ૮, અણુત્તરોવવાતિયદસાતો ૯, પણહાવાગરણાં ૧૦, વિવાગસુતે ૧૧, દિદ્વિવાએ ૧૨ । તત્થ ણ જે સે ચતુટે અંગે સમવાએ ત્થિ આહિતે તસ્સ ણ અયમદ્દે, તંજહા— (૩) એકે આતા, એકે અણાયા । એગે દંડે, એગે અદંડે । એગા કિરિયા, એગા અકિરિયા । એગે લોએ, એગે અલોએ । એગે ધ્મમે, એગે અધ્મમે । એગે પુણે, એગે પાવે । એગે બંધે, એગે મોક્ખે । એગે આસવે, એગે સંવરે । એગા વેણા, એગા પિંજરા । (૪) જંબુદીબ્વે દીવે એણ જોયણસયસહસ્સં આયામવિક્રખંભેણ પણન્તે । અપઝ્વાણે ણરતે એણ જોયણસયસહસ્સં આયામવિક્રખંભેણ પણન્તે । પાલએ જાણવિમાણે એણ જોયણસયસહસ્સં આયામવિક્રખંભેણ પણન્તે । સવ્વદુસિદ્ધે મહાવિમાણે એણ જોયણસયસહસ્સં આયામવિક્રખંભેણ પણન્તે । (૫) અદ્વાણક્રખતે એગતારે પણન્તે । ચિત્તાણક્રખતે એગતારે પણન્તે । સાતિણક્રખતે એગતારે પણન્તે । (૬) ઇમીસે રયણપ્પભાએ પુઢ્વીએ અથેગતિયાણ ણેરઝ્યાણ એણ પલિતોવમં ઠિતી પણન્તા । ઇમીસે રયણપ્પભાએ પુઢ્વીએ ણેરઝ્યાણ ઉક્કોસેણ એણ સાગરોવમં ઠિતી પણન્તા । દોચ્ચાએ એણ પુઢ્વીએ ણેરતિયાણ જહણ્ણેણ એણ સાગરોવમં ઠિતી પણન્તા । અસુરકુમારાણ દેવાણ અથેગતિયાણ એણ પલિતોવમં ઠિતી પણન્તા । અસુરકુમારાણ દેવાણ ઉક્કોસેણ એણ સાહિયં સાગરોવમં ઠિતી પણન્તા । અસુરકુમારિંદ્વજિયાણ ભોમેજ્જાણ દેવાણ અથેગતિયાણ એણ પલિતોવમં ઠિતી પણન્તા । અસંખેજવાસાઉયસણિપંચિદિયતિરિક્રખજોળિયાણ અથેગતિયાણ એણ પલિતોવમં ઠિતી પણન્તા । અસંખેજવાસાઉયગબ્રમકંતિયસન્નિમણુયાણ અથેગતિયાણ એણ પલિતો, વમં ઠિતી પણન્તા । વાણમંતરાણ દેવાણ ઉક્કોસેણ એણ પલિતોવમં ઠિતી પણન્તા । જોઝિસિયાણ દેવાણ ઉક્કોસેણ એણ પલિતોવમં વાસસયસહસ્સમબહિયં ઠિતી પણન્તા । સોહમ્મે કપ્પે દેવાણ જહણ્ણેણ એણ પલિતોવમં ઠિતી પણન્તા । સોહમ્મે કપ્પે અથેગતિયાણ દેવાણ એણ સાગરોવમં ઠિતી પણન્તા । ઈસાણે કપ્પે દેવાણ જહણ્ણેણ સાતિરેણ [એગા] પલિતોવમં ઠિતી પણન્તા । ઈસાણે કપ્પે દેવાણ અથેગતિયાણ એણ સાગરોવમં ઠિતી પણન્તા । (૭) જે દેવા સાગર સુસાગર સાગરકંતં ભવં મળું માણુસુત્તરં લોગહિયં વિમાણ દેવતાતે ઉવવણા તેસિ એણ દેવાણ ઉક્કોસેણ એણ સાગરોવમં ઠિતી પણન્તા । તે એણ દેવા એગસ્સ અદ્વધમાસસ્સ આણમંતિ વા પાણમંતિ વા ઊસસંતિ વા ણીસસંતિ વા । તેસિ એણ દેવાણ એગસ્સ વાસસહસ્સસ્સ આહારદ્વે સમુપ્પજતિ । (૮) સંતેગતિયા ભવસિદ્ધિયા જીવા જે એગેણ ભવગ્નહણેણ સિજ્જિસ્સંતિ બુજ્જિસ્સંતિ મુચ્ચિસ્સંતિ પરિળિવ્વાઇસ્સંતિ સવ્વદુક્રખાણ અંત કરિસંતિ । [૨] ★★★ (૧) દો દંડા પણન્તા, તંજહા—અદ્વાદંડે ચેવ અણદ્વાદંડે ચેવ । દુવે રાસી પણન્તા, તંજહા—જીવરાસી ચેવ અજીવરાસી ચેવ । દુવિહે બંધણે પણન્તે, તંજહા—રાગબંધણે ચેવ દોસબંધણે ચેવ । (૨) પુબ્વાફળ્ગુણીણક્રખતે દુતારે પણન્તે । ઉત્તરાફળ્ગુણીણક્રખતે દુતારે પણન્તે । પુબ્વાભદ્વવતાણક્રખતે દુતારે પણન્તે । ઉત્તરાભદ્વવતાણક્રખતે દુતારે પણન્તે । (૩) ઇમીસે એણ રયણપ્પભાએ પુઢ્વીએ અથેગતિયાણ ણેરતિયાણ દો પલિતોવમાં ઠિતી પણન્તા । દોચ્ચાએ પુઢ્વીએ એણ અથેગતિયાણ ણેરતિયાણ દો પલિતોવમાતિં ઠિતી પણન્તા । અસુરિંદ્વજિયાણ ભોમેજ્જાણ દેવાણ ઉક્કોસેણ દેસૂણાતિં દો પલિતોવમાતિં ઠિતી પણન્તા । અસંખેજવાસાઉયસણિપંચિદિયતિરિક્રખજોળિયાણ અથેગતિયાણ દો પલિતોવમાતિં ઠિતી

**સૌજન્ય : પ. પૂ. સાધ્વીશ્રી ચારુલતાશ્રીજી મ. સા. ની પ્રેરણાથી મુલું અથલગરણ જૈન સંધના ભાઈખેનો તરફથી**



पण्णता । असंखेजावासाउयसणिमणुस्साणं अथेगतियाणं दो पलितोवमातिं ठिती पण्णता । सोहम्मे कप्पे अथेगतियाणं देवाणं दो पलितोवमातिं ठिती पण्णता । ईसाणे कप्पे देवाणं उक्कोसेण साहियातिं दो सागरोवमातिं ठिती पण्णता । सणंकुमारे कप्पे देवाणं जहणेण दो सागरोवमातिं ठिती पण्णता । माहिंदे कप्पे देवाणं जहणेण साहियातिं दो सागरोवमातिं ठिती पण्णता । (४) जे देवा सुभं सुभकंतं सुभवणं सुभगंधं सुभलेसं सुभफासं सोहम्मवडेसं विमाणं देवताते उववण्णा तेसि णं देवाणं उक्कोसेण दो सागरोवमातिं ठिती पण्णता । ते णं देवा दोणहं अद्भमासाणं आणमंति वा पाणमंति वा ऊससंति वा नीससंति वा । तेसि णं देवाणं दोहिं वाससहस्रेहिं आहारद्वे समुप्पज्जति । (५) अथेगतिया भवसिद्धिया जीवा जे दोहिं भवग्गहणेहिं सिज्जिस्संति बुज्जिस्संति मुच्चिस्संति परिनिव्वाइस्संति सब्बदुक्खाणमंतं करिस्संति । [३]

★☆★ (१) तओ दंडा पण्णता, तंजहा—मणदंडे वयदंडे कायदंडे । तओ गुत्तीओ पण्णताओ, तंजहा—मणगुत्ती वयगुत्ती कायगुत्ती । तओ सल्ला पण्णता, तंजहा—मायासल्ले णं नियाणसल्ले णं मिच्छादंसणसल्ले णं । तओ गारवा पण्णता, तंजहा—इह्वीगारवे रसगारवे सायागारवे । तओ विराहणाओ पण्णताओ, तंजहा—नाणविराहणा दंसणविराहणा चरित्तविराहणा । (२) मिगसिरणक्खते तितारे पण्णते । पुस्सणक्खते तितारे पण्णते । जेड्हाणक्खते तितारे पण्णते । अभीइणक्खते तितारे पण्णते । सवणणक्खते तितारे पण्णते । अस्सिणणक्खते तितारे पण्णते । भरणणक्खते तितारे पण्णते । (३) इमीसे णं रतणप्पभाए पुढवीए अथेगतियाणं ऐरतियाणं तिण्णि पलितोवमातिं ठिती पण्णता । दोच्चाए णं पुढवीए ऐरतियाणं उक्कोस्सेण तिण्णि सागरोवमातिं ठिती पण्णता । तच्चाए णं पुढवीए ऐरतियाणं जहणेण तिण्णि सागरोवमातिं ठिती पण्णता । असुरकुमाराणं देवाणं अथेगतियाणं तिण्णि पलितोवमाइं ठिती पण्णता । असंखेजावासाउयसणिपंचिंदियतिरिक्खजोणियाणं उक्कोसेण तिण्णि पलितोवमाइं ठिती पण्णता । सोहम्मीसाणेसु कप्पेसु अथेगतियाणं देवाणं तिण्णि पलितोवमातिं ठिती पण्णता । सणंकुमार-माहिंदेसु कप्पेसु अथेगतियाणं देवाणं तिण्णि सागरोवमातिं ठिति पण्णता । (४) जे देवा आभंकरं पभंकरं आभंकरपभंकरं चंदं चंदावतं चंदप्पभं चंदकंतं चंदवणं चंदलेसं चंदज्जयं चंदरूवं चंदसिंगं चंदसिद्धं चंदकूडं चंदुत्तरवडेसं विमाणं देवताते उववण्णा तेसि णं देवाणं उक्कोसेण तिण्णि सागरोवमातिं ठिति पण्णता । ते णं देवा तिणहं अद्भमासाणं आणमंति वा पाणमंति वा ऊससंति वा नीससंति वा । तेसि णं देवाणं उक्कोसेण तिहिं वाससहस्रेहिं आहारद्वे समुप्पज्जति । ५(१) संतेगतिया भवसिद्धिया जीवा जे तिहिं भवग्गहणेहिं सिज्जिस्संति जाव सब्बदुक्खाणमंतं करिस्संति । [४]★☆★ (१) चत्तारि कसाया पण्णता, तंजहा—कोहकसाए माणकसाए मायाकसाए लोभकसाए । चत्तारि झाणा पण्णता, तंजहा—अद्वे झाणे, रुद्वे झाणे, धम्मे झाणे सुक्के झाणे । चत्तारि विगहातो पण्णतातो, तंजहा—इत्थिकहा भत्तकहा रायकहा देसकहा । चत्तारि सण्णा पण्णता, तंजहा—आहारसण्णा भयसण्णा मेहुणसण्णा परिग्गहसण्णा । चउव्विहे बंधे पण्णते, तंजहा—पगडिबंधे ठितिबंधे अणुभावबंधे पदेसबंधे । चउगाउए जोयणे पण्णते । (२) अणुराहणक्खते चउतारे पण्णते । पुव्वासाढणक्खते चउतारे पण्णते । उत्तरासाढनक्खते चउतारे पण्णते । (३) इमीसे णं रयणप्पभाए पुढवीए अथेगतियाणं नेरझ्याणं चत्तारि पलितोवमातिं ठिती पण्णता । तच्चाए णं पुढवीए अथेगतियाणं नेरझ्याणं चत्तारि सागरोवमातिं ठिती पण्णता । असुरकुमाराणं देवाणं अथेगतियाणं चत्तारि पलितोवमातिं ठिती पण्णता । सोहम्मीसाणेसु कप्पेसु अथेगतियाणं देवाणं चत्तारि सागरोवमातिं ठिती पण्णता । सणंकुमार-माहिंदेसु कप्पेसु अथेगतियाणं देवाणं चत्तारि सागरोवमातिं ठिती पण्णता । ४. जे देवा किड्हिं सुकिड्हिं किड्हियावतं किड्हिप्पभं किड्हिज्जुतं किड्हिवणं किड्हिलेसं किड्हिज्जयं किड्हिसिंगं किड्हिसिद्धं किड्हिकूडं किड्हुत्तरवडेसं विमाणं देवताते उववण्णा तेसि णं देवाणं उक्कोसेण चत्तारि सागरोवमातिं ठिती पण्णता । ते णं देवा चउणहं अद्भमासाणं आणमंति वा पाणमंति वा ऊससंति वा नीससंति वा । तेसि णं दंवाणं चउहिं वाससहस्रेहिं आहारद्वे समुप्पज्जति । ५. अथेगतिया भवसिद्धिया जीवा जे चउहिं भवग्गहणेहिं सिज्जिस्संति जाव सब्बदुक्खाणं अंतं करेस्संति । [५] ★☆★ (१) पंच किरियातो पण्णतातो, तंजहा—काइया

અહિગરણિયા પાઓસિયા પારિતાવણિયા પાણાતિવાતકિરિયા । પંચ મહૃવ્યા પણન્તા, તંજહા—સવ્વાતો પાણાતિવાતાતો વેરમણ, સવ્વાતો મુસાવાયાતો વેરમણ, સવ્વાતો જાવ પરિગ્રહાઓ વેરમણ । પંચ કામગુણા પણન્તા, તંજહા—સદ્ગ્રા રૂબા રસા ગંધા ફાસા । પંચ આસવદારા પણન્તા, તંજહા—મિચ્છતં અવિરતિ પમાએ કસાએ જોગા । પંચ સંવરદારા પણન્તા, તંજહા—સમ્મતં વિરતિ અપ્પમાદો અકસાયયા અજોગયા । પંચ નિજરદ્વાળા પણન્તા, તંજહા—પાણાતિવાતાતો વેરમણ મુસાવાયાતો વેરમણ અદિણાદાણાતો વેરમણ મેહુણાતો વેરમણ પરિગ્રહાતો વેરમણ । પંચ સમિતીતો પણન્તાઓ, તંજહા—ઇરિયાસમિતી ભાસાસમિતી એસણાસમિતી આયાણભંડનિકરેવણાસમિતી ઊચ્ચાર-પાસવણ-ખેલ-સિંઘાણ- જલ્લપારિદ્વાવણિયાસમિતી । પંચ અત્થિકાયા પણન્તા, તંજહા—ધ્રમત્થિકાએ અધ્રમત્થિકાએ આગાસત્થિકાએ જીવત્થિકાએ પોગલત્થિકાએ । (૨) રોહિણીનક્રખતે પંચતારે પણન્તે । પુણવ્યસૂ નક્રખતે પંચતારે પણન્તે । હથ્યે નક્રખતે પંચતારે પણન્તે । વિસાહાનક્રખતે પંચતારે પણન્તે । ધણિદ્વાનક્રખતે પંચતારે પણન્તે । (૩) ઇમીસે રયણપ્પભાએ પુઢ્વીએ અથેગતિયાણ નેરઝ્યાણ પંચ પલિતોવમાતિં ઠિતી પણન્તા । તચ્ચાએ ણ પુઢ્વીએ અથેગતિયાણ નેરઝ્યાણ પંચ સાગરોવમાતિં ઠિતી પણન્તા । અસુરકુમારાણ દેવાણ અથેગતિયાણ પંચ પલિતોવમાતિં ઠિતી પણન્તા । સોહમીસાણેસુ કપ્પેસુ અથેગતિયાણ દેવાણ પંચ પલિતોવમાતિં ઠિતી પણન્તા । સણંકુમાર-માહિદેસુ કપ્પેસુ અથેગતિયાણ દેવાણ પંચ સાગરોવમાતિં ઠિતી પણન્તા । (૪) જે દેવા વાયં સુવાયં વાતવત્તં વાતપ્પભં વાતકંતં વાતવણં વાતલેસં વાતજ્ઞયં વાતસિંગં વાતસિદ્ધં વાતકૂડં વાઉત્તરવડેંસગં સૂરં સુસૂરં સૂરાવત્તં સૂરપ્પભં સૂરકંતં સૂરવણં સૂરલેસં સૂરજ્ઞયં સૂરસિંગં સૂરસિદ્ધં સૂરકૂડં સૂરૂતરવડેંસગં વિમાણ દેવતાતે ઉવવણા તેસિ ણ દેવાણ ઉકોસેણ પંચ સાગરોવમાતિં ઠિતી પણન્તા । તે ણ દેવા પંચણું અદ્વમાસાણ આણમંતિ વા પાણમંતિ વા ઊસસંતિ વા । તેસિ ણ દેવાણ પંચહિં વાસસહસ્રેહિં આહારદ્વે સમુપ્પજ્ઞતિ । (૫) સંતેગતિયા ભવસિદ્ધિયા જીવા જે પંચહિં ભવગણેહિં સિજિઝસ્સંતિ જાવ અંતં કરેસ્સંતિ । [૬] ★★☆ (૧) છલ્લેસાતો પણન્તાતો, તંજહા—કણહલેસા નીલલેસા કાઉલેસા તેઉલેસા પમ્હલેસા સુક્કલેસા । છજીવનિકાયા પણન્તા, તંજહા—પુઢ્વીકાએ આઉકાએ તેઉકાએ વાઉકાએ વણસ્સતિકાએ તસકાએ । છબ્બિહે બાહ્યે તવોકમ્મે પણન્તે, તંજહા—અણસણે ઓમોદરિયા વિત્તીસંખેવો રસપરિચ્ચાતો કાયકિલેસે સંલીણયા । છબ્બિહે અબ્ભંતરએ તવોકમ્મે પણન્તે, તંજહા—પાયચ્છિત્તં વિણો વૈયાવચ્ચ સજ્જાઓ ઝાણ ઉસ્સણો । છ છાઉમથિયા સમુઘાયા પણન્તા, તંજહા—વેયણાસમુઘાતે કસાયસમુઘાતે મારણંતિયસમુઘાતે વેઉબ્વિયસમુઘાતે તેયસસમુઘાતે આહારસમુઘાતે । છબ્બિહે અથોગહે પણન્તે, તંજહા—સોતેદિયઅથોગહે ચક્રખુંદિયઅથોગહે ઘાણિંદિયઅથોગહે જિભિંદિયઅથોગહે ફાસિંદિયઅથોગહે નોંદિયઅથોગહે । (૨) કત્તિયાનક્રખતે છતારે પણન્તે । અસિલેસાનક્રખતે છતારે પણન્તે । (૩) ઇમીસે ણ રયણપ્પભાએ પુઢ્વીએ અથેગતિયાણ નેરતિયાણ છ પલિતોવમાં ઠિતી પણન્તા । તચ્ચાએ ણ પુઢ્વીએ અથેગતિયાણ નેરતિયાણ છ સાગરોવમાં ઠિતી પણન્તા । અસુરકુમારાણ દેવાણ અથેગતિયાણ છ પલિતોવમાં ઠિતી પણન્તા । સણંકુમાર-માહિદેસુ કપ્પેસુ અથેગતિયાણ દેવાણ છ સાગરોવમાં ઠિતી પણન્તા । (૪) જે દેવા સયંભું સયંભુરમણ ઘોસં સુઘોસં મહાઘોસં કિદ્ધિઘોસં વીરં સુવીરં વીરગતં વીરસેયણિં વીરાવતં વીરપ્પભં વીરકંતં વીરવણં વીરલેસં વીરજ્ઞયં વીરસિદ્ધં વીરકૂડં વીરૂત્તરવડેંસગં વિમાણ દેવતાતે ઉવવણા તેસિ ણ દેવાણ ઉકોસેણ છ સાગરોવમાં ઠિતી પણન્તા । તે ણ દેવા છણું અદ્વમાસાણ આણમંતિ વા પાણમંતિ વા ઊસસંતિ વા નીસસંતિ વા । તેસિ ણ દેવાણ છહિં વાસસહસ્રેહિં આહારદ્વે સમુપ્પજ્ઞતિ । (૫) સંતેગતિયા ભવસિદ્ધિયા જીવા જે છહિં ભવગણેહિં સિજિઝસ્સંતિ જાવ અંતં કરેસ્સંતિ । [૭] ★★☆ (૧) સત્ત ભયદ્વાળા પણન્તા, તંજહા—ઝહલોગભાએ પરલોગભાએ આદાણભાએ અકમ્હાભાએ આજીવભાએ મરણભાએ અસિલોગભાએ । સત્ત સમુઘાતે પણન્તા, તંજહા—વેયણાસમુઘાતે કસાયસમુઘાતે મારણંતિયસમુઘાતે વેઉબ્વિયસમુઘાતે તેયસસમુઘાતે આહારસમુઘાતે કેવલિસમુઘાતે । સમણે ભગવં મહાવીરે સત્ત રયણીતો ઉહુંઉચ્ચતેણ હોત્થા । સત્ત વાસહરપવ્યા પણન્તા, તંજહા—ચુલ્લહિમવંતે મહાહિમવંતે નિસઢે નીલવંતે રૂપી સિહરી મંદરે । સત્ત વાસા પણન્તા, તંજહા—ભરહે હેમવતે હરિવાસે મહાવિદેહે રમ્માએ હેરણવતે એરાવતે । ખીણમોહે ણ ભગવં મોહળિજવજાતો સત્ત કમ્મપગતીઓ વેદેતિ । (૨) મહાનક્રખતે સત્તતારે પણન્તે । પાઠાન્તરેણ અભિયાર્થ્યા સત્ત નક્રખત્તા કત્તિયાદીયા સત્ત નક્રખત્તા પુવ્વદારિયા પણન્તા । મહાદીયા સત્ત નક્રખત્તા દાહિણદારિયા પણન્તા । અણુરાહાઝ્યા



સત્ત નક્ખત્તા અવરદારિયા પણની | ધણિદ્વાઇયા સત્ત નક્ખત્તા ઉત્તરદારિયા પણની | ઇમીસે એં રયણપ્પભાઈ પુઢવીએ અત્થેગતિયાં નેરઝ્યાં સત્ત પલિઓવમાંઇ ઠિતી પણની | તચ્ચાએ એં પુઢવીએ નેરઝ્યાં ઉકોસેણ સત્ત સાગરોવમાંઇ ઠિતી પણની | ચઉત્થીએ એં પુઢવીએ નેરઝ્યાં જહણેણ સત્ત સાગરોવમાંઇ ઠિતી પણની | અસુરકુમારાણ દેવાણ અત્થેગતિયાં સત્ત પલિઓવમાંઇ ઠિતી પણની | સોહમ્મીસાણેસુ કપ્પેસુ અત્થેગતિયાં દેવાણ સત્ત પલિઓવમાંઇ ઠિતી પણની | સણંકુમારે કપ્પે અત્થેગતિયાં દેવાણ ઉકોસેણ સત્ત સાગરોવમાંઇ ઠિતી પણની | માહિંદે કપ્પે દેવાણ ઉકોસેણ સાતિરેગાંસ સત્ત સાગરોવમાંઇ ઠિતી પણની | બંભલોએ કપ્પે દેવાણ જહણેણ સત્ત સાગરોવમાંઇ ઠિતી પણની | (૩) જે દેવા સમં સમપ્પભં મહાપભં પભાસં ભાસરં વિમલં કંચણકૂડં સણંકુમારવડેસંગ વિમાણં દેવતાતે ઉવવળણ તેસિ એં દેવાણ ઉકોસેણ સત્ત સાગરોવમાંઇ ઠિતી પણની | તે એં દેવા સત્તણં અદ્વમાસાણ આણમંતિ વા પાણમંતિ વા ઊસસંતિ વા નીસસંતિ વા | તેસિં એં દેવાણ સત્તહિં વાસસહસ્રેહિં આહારદે સમુપ્પજાતિ | (૪) સંતેગતિયા ભવસિદ્ધિયા જીવા જે સત્તહિં ભવગ્ગહણેહિં સિજિશ્શસંતિ બુજિશ્શસંતિ જાવ અંતં કરેસ્સંતિ | [૮]

★☆★ (૧) અદૃ મયદ્વાણા પણની, તંજહા—જાતિમએ કુલમએ બલમએ રૂવમએ તવમએ સુતમએ લાભમએ ઇસ્સરિયમએ | અદૃ પવયણમાતાઓ પણનીઓ, તંજહા—ઇરિયાસમિઈ ભાસાસમિઈ એસણાસમિઈ આયાણભંડનિકરવેવણાસમિઈ ઉચ્ચાર-પાસવણ-ર્ખેલ-સિંઘાણ-જલ્લપરિદ્વાવળિયાસમિઈ મણગુતી વતિગુતી કાયગુતી | વાણમંતરાણ દેવાણ ચેતિયરૂક્ક્ખા અદૃ જોયણાંસ ઉહુંઉચ્ચતેણ પણની | જંબૂ એં સુદંસણા અદૃ જોયણાંસ ઉહુંઉચ્ચતેણ પણની | કૂડસામલી એં ગરૂલાવાસે અદૃ જોયણાંસ ઉહુંઉચ્ચતેણ પણની | જંબુદ્વીવિયા એં જગતી અદૃ જોયણાંસ ઉહુંઉચ્ચતેણ પણની | અદૃસમદ્વા કેવલિસમુઘાતે પણને, તંજહા—પઢમે સમએ દંડકરેતિ, બીએ સમએ કવાડં કરેતિ, તતિએ સમએ મંથં કરેતિ, ચઉત્થે સમએ મંથંતરાંસ પૂરેતિ, પંચમે સમએ મંથંતરાંસ પડિસાહરતિ, છદ્રે સમએ મંથં પડિસાહરતિ, સત્તમે સમએ કવાડં પડિસાહરતિ, અદૃમે સમએ દંડં પડિસાહરતિ, તતો પચ્છા સરીરત્યે ભવતિ | પાસસ્સ એં અરહતો પુરિસાદાણીયસ્સ અદૃ ગણ અદૃ ગણહરા હોત્થા, તંજહા—સુભે ય સુભધોસે ય વસિદ્વે બંભયારિ ય | સોમે સિરિધરે ચેવ, વીરભદ્રે જસે ઇ ય ||૧|| (૨) અદૃ નક્ખત્તા ચંદેણ સદ્ધિં પમદ્વં જોએંતિ, તંજહા—કત્તિયા૧, રોહિણી ૨, પુણવ્વસૂ ૩, મહા ૪, ચિત્તા ૫, વિસાહા ૬, અણુરાહા ૭, જેદ્વા ૮ | (૩) ઇમીસે એં રયણપ્પહાએ પુઢવીએ અત્થેગતિયાં નેરઝ્યાં અદૃ પલિઓવમાંઇ ઠિતી પણની | ચઉત્થીએ પુઢવીએ અત્થેગતિયાં નેરઝ્યાં અદૃ સાગરોવમાંઇ ઠિતી પણની | અસુરકુમારાણ દેવાણ અત્થેગતિયાં અદૃ પલિઓવમાંઇ ઠિતી પણની | સોહમ્મીસાણેસુ કપ્પેસુ અત્થેગતિયાં દેવાણ અદૃ પલિઓવમાંઇ ઠિતી પણની | બંભલોએ કપ્પે અત્થેગતિયાં દેવાણ અદૃ સાગરોવમાંઇ ઠિતી પણની | (૪) જે દેવા અચ્ચિં અચ્ચિમાલિં વઝરોયણ પભંકરં ચંદાભં સુરાભં સુપતિદ્વાભં અગ્નિચ્છાભં રિદ્વાભં અરુણાભં અરુણુત્તરવડેસંગ વિમાણં દેવતાએ ઉવવળણ તેસિ એં દેવાણ ઉકોસેણ અદૃ સાગરોવમાંઇ ઠિતી પણની | તે એં દેવા અદૃણં અદ્વમાસાણ આણમંતિ વા પાણમંતિ વા ઊસસંતિ વા નીસસંતિ વા | તેસિં એં દેવાણ અદૃહિં વાસસહસ્રેહિં આહારદે સમુપ્પજાતિ | (૫) સંતેગતિયા ભવસિદ્ધિયા જાવ અદૃહિં અંતં કરેસ્સંતિ | [૯] ★☆★ (૧) નવ બંભચેરગુતીઓ પણનીઓ, તંજહા—નો ઇત્થીપસુપંડગસંસત્તાણિ સેજાસણાણિ સેવિત્તા ભવતિ ૧, નો ઇત્થીણં કહં કહિત્તા ભવઇ ૨, નો ઇત્થીણં ઠાણાંસ સેવિત્તા ભવતિ ૩, નો ઇત્થીણં ઇંદિયાંસ મણોહરાંસ મણોરમાંસ આલોએતા નિજિશાએતા [ભવતિ] ૪, નો પણીયરસભોઈ ૫, નો પાણ-ભોયણસ્સ અદ્વમાય આહારઇત્તા ૬, નો ઇત્થીણં પુબ્રયાંસ પુબ્વકીલિઆંસ સુમરઇત્તા ભવઇ ૭, નો સદ્ધાણુવાતી નો રૂવાણુવાતી નો ગંધાણુવાતી નો રસાણુવાતી નો ફાસાણુવાતી નો સિલોગાણુવાતી ૮, નો સાયાસોક્ખપડિબદ્ધે યાવિ ભવતિ ૯ | નવ બંભચેરઅગુતીઓ પણનીઓ, તંજહા—ઇત્થીપસુપંડગસંસત્તાણિ સેજાસણાણિ સેવણયા જાવ સાયાસોક્ખપડિબદ્ધે યાવિ ભવતિ | નવ બંભચેરા પણનીઓ, તંજહા—“સત્થપરિણા લોગવિજાઓ સીઓસણિજં સમ્મતં | આવંતી ધૂતં વિમોહાયણ ઉવહાણસુતં મહપરિણા” ||૨|| પાસે એં અરહા પુરિસાદાણીએ નવ રયણીઓ ઉહુંઉચ્ચતેણ હોત્થા | (૨) અભીજિણક્ખત્તે સાઇરે ણવ મુહુતે ચંદેણ સદ્ધિં જોએંતિ | અભીજિયાઇયા એં ણવ ણક્ખત્તા ચંદસ્સ ઉત્તરેણ જોએંતિ, તંજહા—અભીજિ, સવણો, જાવ ભરણી | ઇમીસે એં રતણપ્પભાઈ પુઢવીએ બહુસમરમણિજાતો ભૂમિભાગાતો નવ જોયણસતે ઉડંદં અબાહાતે ઉવરિલ્લે તારારૂવે ચારં ચરતિ | જંબુદ્વીવે એં દીવે ણવજોયણિયા મચ્છા પવિસિંસુ વા (૩) |

विजयस्स णं दारस्स एगमेगाए बाहाए णव णव भोमा पण्णत्ता । वाणमंतराणं देवाणं सभाओ सुधम्माओ णव जोयणाइं उडंउच्चत्तेणं पण्णत्ताओ । दंसणावरणिज्जस्स णं कम्मस्स णव उत्तरपगडीओ पण्णत्ताओ, तंजहा—णिद्वा पयला णिद्वाणिद्वा पयलापयला थीणिद्वी चक्रखुदंसणावरणे अचक्रखुदंसणावरणे ओहिंदंसणावरणे केवलदंसणावरणे । (३) इमीसे णं रयणप्पभाए पुढीए अत्थेगतियाणं नेरइयाणं नव पलिओवमाइं ठिती पण्णत्ता । चउत्थीए पुढीए अत्थेगतियाणं नेरइयाणं नव सागरोवमाइं ठिती पण्णत्ता । असुरकुमाराणं देवाणं अत्थेगतियाणं नव पलिओवमाइं ठिती पण्णत्ता । सोहम्मीसाणेसु कप्पेसु अत्थेगतियाणं देवाणं नव पलिओवमाइं ठिती पण्णत्ता । बंभलोए कप्पे अत्थेगतियाणं देवाणं नव सागरोवमाइं ठिती पण्णत्ता । (४) जे देवा पम्हं सुपम्हं पम्हावत्तं पम्हप्पभं पम्हकंतं पम्हवणं पम्हलेसं जाव पम्हुत्तरवडेंसंगं सुजं सुसुजं सुजावत्तं सुजप्पभं सुजकंतं जाव सुजुत्तरवडेंसंगं रुतिल्लावत्तं रुतिल्लप्पभं जाव रुतिल्लुत्तरवडेंसंगं विमाणं देवत्ताते उववणा तेसि णं देवाणं 【उक्कोसेण】 ? नव सागरोवमाइं ठिती पण्णत्ता । ते णं देवा नवणं अद्वमासाणं आणमंति वा पाणमंति वा ऊससंति वा नीससंति वा । तेसि णं देवाणं नवहिं वाससहस्सेहिं आहारड्डे समुप्पज्जति । (५) संतेगतिया भवसिद्विया जीवा जे नवहिं भवग्गहणेहिं सिज्जिस्संति जाव सब्बदुकखाणमंतं करेस्संति ॥ [१०] ★★☆ (१) दसविहे समणधम्मे पण्णत्ते, तंजहा—खंती १, मुत्ती २, अज्जवे ३, मद्ववे ४, लाघवे ५, सच्चे ६, संजमे ७, तवे ८, चियाते ९, बंभचेरवासे १० । दस चित्तसमाहिंद्वाणा पण्णत्ता, तंजहा—धम्मचिंता वा से असमुप्पणपुव्वा समुप्पज्जेज्जा सब्बं धम्मं जाणित्तए १, सुमिणदंसणे वा से असमुप्पणपुव्वे समुप्पज्जेज्जा अहातच्चं सुमिणं पासित्तए २, सणिनाणे वा से असमुप्पणपुव्वे समुप्पज्जेज्जा पुव्वभवे सुमरित्तए ३, देवदंसणे वा से असमुप्पणपुव्वे समुप्पज्जेज्जा दिव्वं देविहिं दिव्वं देवजुतिं दिव्वं देवाणुभावं पासित्तए ४, ओहिनाणे वा से असमुप्पणपुव्वे समुप्पज्जेज्जा ओहिणा लोगं जाणित्तए ५, ओहिंदंसणे वा से असमुप्पणपुव्वे समुप्पज्जेज्जा ओहिणा लोगं पासित्तए ६, मणपज्जवनाणे वा से असमुप्पणपुव्वे समुप्पज्जेज्जा मणोगए भावे जाणित्तए ७, केवलनाणे वा से असमुप्पणपुव्वे समुप्पज्जेज्जा केवलं लोगं जाणित्तए ८, केवलदंसणे वा से असमुप्पणपुव्वे समुप्पज्जेज्जा केवलं लोयं पासित्तए ९, केवलिमरणं वा मरेज्जा सब्बदुकखप्पहाणाए १० । मंदरे णं पव्वते मूले दस जोयणसहस्साइं विक्रबंभेणं पण्णत्ते । अरहा णं अरिंदुनेमी दस धणूइं उहुंउच्चत्तेणं होत्था । कण्हे णं वासुदेवे दस धणूइं उहुंउच्चत्तेणं होत्था । रामे णं बलदेवे दस धणूइं उहुंउच्चत्तेणं होत्था । (२) दस नक्खत्ता नाणविद्विकरा पण्णत्ता, तंजहा—मिगसिर अद्वा पूसो, तिणि य पुव्वाइं मूलमस्सेसा । हृथो चिता य तहा, दस विद्विकराइं नाणस्स ॥३॥ अकम्मभूमियाणं मणुयाणं दसविहा रुक्खा उवभोगत्ताते उवत्थिया पण्णत्ता, तंजहा—मत्तंगया य भिंगा, तुडियंगा दीव जोइ चित्तंगा । चित्तरसा मणियंगा, गेहागारा अनियणा य ॥४॥ (३) इमीसे 【णं】 रयणप्पभाए पुढीए अत्थेगतियाणं नेरइयाणं जहणेणं दस वाससहस्साइं ठिती पण्णत्ता । इमीसे णं रयणपभाए पुढीए अत्थेगतियाणं नेरइयाणं दस पलिओवमाइं ठिती पण्णत्ता । चउत्थीए पुढीए दस निरयावाससतसहस्सा पण्णत्ता । चउत्थीए पुढीए 【नेरइयाणं】 उक्कोसेणं दस सागरोवमाइं ठिती पण्णत्ता । पंचमाए पुढीए 【नेरइयाणं】 जहणेणं दस सागरोवमाइं ठिती पण्णत्ता । असुरकुमाराणं देवाणं अत्थेगतियाणं दस पलिओवमाइं ठिती पण्णत्ता । बादरवणप्फतिकाइयाणं उक्कोसेणं दस वाससहस्साइं ठिती पण्णत्ता । वाणमंतराणं देवाणं जहणेणं दस वाससहस्साइं ठिती पण्णत्ता । सोहम्मीसाणेसु कप्पेसु अत्थेगतियाणं देवाणं दस पलिओवमाइं ठिती पण्णत्ता । बंभलोए कप्पे देवाणं उक्कोसेणं दस सागरोवमाइं ठिती पण्णत्ता । लंतए कप्पे देवाणं जहणेणं दस सागरोवमाइं ठिती पण्णत्ता । (४) जे देवा घोसं सुघोसं नंदिघोसं सुस्सरं मणोरमं रम्मं रम्मगं रमणिजं मंगलावतिं बंभलोगवडेंसंगं विमाणं देवत्ताते उववणा तेसि णं देवाणं उक्कोसेणं दस सागरोवमाइं ठिती पण्णत्ता । ते णं देवा दसणं अद्वमासाणं आणमंति वा पाणमंति वा ऊससंति वा नीससंति वा । तेसि णं देवाणं दसहिं वाससहस्सेहिं आहारड्डे समुप्पज्जति । (५) अत्थेगतिया भवसिद्विया जीवा जे दसहिं भवग्गहणेहिं जाव करेस्संति ॥ [११] ★★☆ (१) . एकारस उवासगपडिमातो पण्णत्तातो, तंजहा—दंसणसावए १, कतव्यकम्मे २, सामातियकडे ३, पोसहोववासणिरते ४, दिया बंभयारी, रत्तिं परिमाणकडे

૫, દિઆ વિ રાओ વિ બંભયારી, અસિણાતી, વિઅડભોતી, મોલિકડે ૬, સચિત્તપરિણાતે ૭, આરંભપરિણાતે ૮, પેસપરિણાતે ૯, ઉદ્વિભત્તપરિણાતે ૧૦, સમણભૂતે યાવિ ભવતિ સમણાઉસો ૧૧ । (૨) લોગંતાઓ ણં એકારસહિં એકારેહિં જોયણસતેહિં અબાહાએ જોતિસંતે પણ્ણતે । જંબુદ્ધીવે દીવે મંદરસ્સ પવ્વતસ્સ એકારસહિં એકવીસેહિં જોયણસતેહિં [અબાહાએ] જોતિસે ચારં ચરતિ । સમણસ્સ ણં ભગવતો મહાવીરસ્સ એકારસ ગણહરા હોત્થા તંજહા—ઇંદ્રભૂતી અણ્ણિભૂતી વાયુભૂતી વિયત્તે સુહ્મ્મે મંડિતે મોરિયપુતે અકંપિતે અયલભાયા મેતજે પભાસે । મૂલનકુખતે એકારસતારે પણ્ણતે । હેદ્વિમગેવેજગાણં દેવાણં એકારસુતરં ગેવેજવિમાણસતં ભવતિ ત્તિ મક્કખાયં । મંદરે ણં પવ્વતે ધરળિતલાઓ સિહરતલે એકારસભાગપરિહીણે ઉચ્ચત્તેણ પણ્ણતે । (૩) . ઇમીસે ણં રતણપ્પભાએ પુઢવીએ અથેગતિયાણં નેરઝયાણં એકારસ પલિઓવમાઇં ઠિતી પણ્ણત્તા । પંચમાએ પુઢવીએ [અથેગતિયાણં નેરઝયાણં] એકારસ સાગરોવમાઇં ઠિતી પણ્ણત્તા । અસુરકુમારાણં દેવાણં અથેગતિયાણં એકારસ પલિઓવમાઇં ઠિતી પણ્ણત્તા । સોહ્મ્મીસાણેસુ કપ્પેસુ [અથેગતિયાણં દેવાણં] એકારસ પલિઓવમાઇં ઠિતી પણ્ણત્તા । ૪ . લંતએ કપ્પે અથેગતિયાણં દેવાણં એકારસ સાગરોવમાઇં ઠિતી પણ્ણત્તા । જે દેવા બંભં સુબંભં બંભાવત્તં બંભપ્પભં બંભકંતં બંભવણં બંભલેસં બંભજ્ઞયં બંભસિંગં બંભસિંદું બંભકૂડં બંભુત્તરવડેસંગ વિમાણં દેવતાતે ઉવવણા તેસિ ણં દેવાણં [ઉક્કોસેણ ?] એકારસ સાગરોવમાઇં ઠિતી પણ્ણત્તા । તે ણં દેવા એકારસણ્ણ અદ્વમાસાણં આણમંતિ વા પાણમંતિ વા ઊસસંતિ વા નીસસંતિ વા । તેસિ ણં દેવાણં એકારસણ્ણ વાસસહસ્સાણં આહારદ્વે સમુપ્પજતિ । ૫ . સંતેગતિયા ભવસિદ્ધિયા જીવા જે એકારસહિં ભવગ્ઘણેહિં સિજ્જિસ્સંતિ જાવ સવ્વદુકુખાણં અંતં કરેસસંતિ । [૧૨] ★★☆(૧) . બારસ ભિક્ખુપડિમાતો પણ્ણતાતો, તંજહા—માસિયા [ભિક્ખુપડિમા], દોમાસિયા [ભિક્ખુપડિમા], તેમાસિયા [ભિક્ખુપડિમા], ચાઉમ્માસિયા [ભિક્ખુપડિમા], પંચમાસિયા [ભિક્ખુપડિમા], છમ્માસિયા [ભિક્ખુપડિમા], સત્તમાસિયા [ભિક્ખુપડિમા], પદ્મા સત્તરાતિંદિયા ભિક્ખુપડિમા, દોચ્ચા સત્તરાતિંદિયા ભિક્ખુપડિમા, તચ્ચા સત્તરાતિંદિયા ભિક્ખુપડિમા, અહોરાતિયા ભિક્ખુપડિમા, એકરાતિયા ભિક્ખુપડિમા । દુવાલસવિહે સંભોગે પણ્ણતે, તંજહા—“ઉવહિ સુય ભત્તપાણે અંજલીપગ્નહે તિ ય । દાયણે ય નિકાએ ય, અબ્ધુદ્વાણે તિ યાવરે” ॥૫॥ ‘કિતિકમ્મસ્સ ય કરણે, વૈયાવચ્વકરણે તિ ય । સમોસરણ સન્નિસેજ્જા ય, કહાતે ય પંધણે’ ॥૬॥ ‘દુવાલસાવત્તે કિતિકમ્મે પણ્ણતે, તંજહા— દુઓણયં જહાજાયં, કિતિકમ્મ બારસાવયં । ચઉસિરં તિગુત્તં, દુપવેસં એગનિક્ખમણં’ ॥૭॥ વિજયા ણં રાયધાણી દુવાલસ જોયણસહસ્સાઇં આયમવિકુંભેણં પણ્ણત્તા । રામે ણં બલદેવે દુવાલસ વાસસતાઇં સવ્વાઉયં પાલઇત્તા દેવત્તિ ગએ । મંદરસ્સ ણં પવ્વતસ્સ ચૂલિયા મૂલે દુવાલસ જોયણાઇં વિકુંભેણં પણ્ણત્તા । જંબુદ્ધીવસ્સ ણં દીવરસ્સ વેતિયા મૂલે દુવાલસ જોયણાઇં વિકુંભેણં પણ્ણત્તા । સવ્વજહણિયા રાતી દુવાલસમુહુત્તિયા પણ્ણત્તા । એવં દિવસો વિ ણાયવો । સવ્વદ્વસિદ્ધસ્સ ણં મહાવિમાણસ્સ ઉવરિલ્લાતો થૂભિયગ્નાતો દુવાલસ જોયણાઇં ઉહું ઉપ્પતિતા ઈસિંપબ્ભારા નામં પુઢવી પણ્ણત્તા । ઈસિંપબ્ભારાએ ણં પુઢવીએ દુવાલસ નામધેજ્જા પણ્ણત્તા, તંજહા—ઈસિ ત્તિ વા ઈસિપબ્ભાર ત્તિ વા તણૂ તિ વા તણુયતરિ ત્તિ વા સિદ્ધી ત્તિ વા સિદ્ધાલએ તિ વા મુત્તી તિ વા મુત્તાલએ તિ વા બંભે તિ વા બંભવડેસંગ તિ વા લોકપડિપૂર્ણે તિ વા લોગગાચૂલિયા તિ વા । (૨). ઇમીસે ણં રતણપ્પભાએ પુઢવીએ અથેગતિઆણં નેરઝાણં બારસ પલિઓવમાઇં ઠિતી પણ્ણત્તા । પંચમાએ પુઢવીએ અથેગતિયાણં નેરઝયાણં બારસ સાગરોવમાઇં ઠિતી પણ્ણત્તા । અસુરકુમારાણં દેવાણં અથેગતિયાણં બારસ પલિઓવમાઇં ઠિતી પણ્ણત્તા । લંતએ કપ્પે અથેગતિયાણં દેવાણં બારસ સાગરોવમાઇં ઠિતી પણ્ણત્તા । (૩) . જે દેવા મહિંદ્ર મહિંદ્જ્ઞયં કંબું કંબુણીવં પુંખં સુપુંખં મહાપુંખં પુંદું સુપુંદું મહાપુંદું નરિંદું નરિંદોકંતં નરિંદુત્તરવડેસંગ વિમાણં દેવતાતે ઉવવણા તેસિં ણં દેવાણં ઉક્કોસેણ બારસ સાગરોવમાઇં ઠિતી પણ્ણત્તા । તે ણં દેવા બારસણ્ણ અદ્વમાસાણં આણમંતિ વા પાણમંતિ વા ઊસસંતિ વા નીસસંતિ વા । તેસિ ણં દેવાણં બારસહિં વાસસહસ્સેહિં આહારદ્વે સમુપ્પજતિ । (૪) . અથેગતિયા ભવસિદ્ધિયા જીવા જે બારસહિં ભગ્ઘણેહિં સિજ્જિસ્સંતિ જાવ અંતં કરેસસંતિ । [૧૩] ★★☆(૧) . તેરસ કિરિયદ્વાણા પણ્ણત્તા, તંજહા—અદ્વાદંડે, અણદ્વાદંડે, હિંસાદંડે, અકમ્હાદંડે, દિદ્વિવિપરિયાસિયાદંડે, મુસાવાયવત્તિએ, અદિનાદાણવત્તિએ, અબ્ભ(જ્ઞા ?)ત્થિએ, માણવત્તિએ, મિત્તદોસવત્તિએ, માયાવત્તિએ, લોભવત્તિએ, ઇરિઆવહિએ ણામં તેરસમે

। સોહ્મીસાણેસુ કપ્પેસુ તેરસ વિમાણપત્થડા પણન્તા । સોહ્મમવડેંસગે ણ વિમાણે ણ અબ્દતેરસ જોયણસતસહસ્સાં આયામવિકર્ખંભેણ પણન્તે । એવં ઈસાણવડેંસગે વિ । જલયરપંચેંદ્યતિરિક્ખજોળિયાણ અબ્દતેરસ જાતિકુલકોડીજોળિપમુહસતસહસ્સા પણન્તા । પાણાઉસ્સ ણ પુબ્વસ્સ તેરસ વત્થુ પણન્તા । ગબ્ભવક્રંતિ અપંચેંદ્યતિરિક્ખજોળિયાણ તેરસવિહે પાઓગે પણન્તે, તંજહા—સચ્ચમણપાગે મોસમણપાગે સચ્ચામોસમણપાગે અસચ્ચામોસમણપાગે સચ્ચવતિપાગે મોસવતિપાગે સચ્ચામોસવતિપાગે અસચ્ચામોસવતીપાગે ઓરાલિયસરીરકાયપાગે ઓરાલિયમીસસરીરકાયપાગે વેઉબ્વિયઅસરીરકાયપાગે વેઉબ્વિયમીસસરીરકાયપાગે કમ્મસરીરકાયપાગે । સૂરમંડલે જોયણેણ તેરસહિં એકસદ્વિભાગેહિં જોયણસ્સ ઊળે પણન્તે । (૨) . ઇમીસે ણ રયણપ્પભાએ પુઢવીએ અથ્યેગતિયાણ નેરઝ્યાણ તેરસ પલિઓવમાં ઠિતી પણન્તા । પંચમાએ ણ પુઢવીએ અથ્યેગતિયાણ નેરઝ્યાણ તેરસ સાગરોવમાં ઠિતી પણન્તા । અસુરકુમારાણ દેવાણ અથ્યેગતિયાણ તેરસ પલિઓવમાં ઠિતી પણન્તા । સોહ્મીસાણેસુ કપ્પેસુ અથ્યેગતિયાણ દેવાણ તેરસ પલિઓવમાં ઠિતી પણન્તા । લંતાએ કપ્પે અથ્યેગતિયાણ દેવાણ તેરસ સાગરોવમાં ઠિતી પણન્તા । (૩). જે દેવા વજં સુવજં વજાવત્તં વજપ્પભં વજકંતં વજવણં વજલેસં વજન્દ્ધયં વજસિંગં વજસિદું વજકૂડં વજુત્તરવડેંસગં વિઝર વિઝરવત્તં જાવ વિઝરતરવડેંસગં લોગં લોગાવત્તં લોગપ્પભં જાવ લોગુત્તરવડેંસગં વિમાણં દેવતાતે ઉવવણા તેસિ ણ દેવાણ ઉકોસેણ તેરસ સાગરોવમાં ઠિતી પણન્તા । તે ણ દેવા તેરસહિં અબ્દમાસેહિં આણમંતિ વા પાણમંતિ વા ઊસસંતિ વા નીસસંતિ વા । તેસિ ણ દેવાણ તેરસહિં વાસસહસ્સેહિં આહારદે સમુપ્પજ્ઞતિ । (૪). અથ્યેગતિયા ભવસિદ્ધિયા જીવા જે તેરસહિં ભવગ્ગહણેહિં સિજિઝિસ્સંતિ જાવ સબ્વદુક્ખવાણ અંતં કરેસ્સંતિ । ૧૪ ★★☆ (૧) . ચોદ્રસ ભૂયગ્ગામા પણન્તા, તંજહા—સુહુમા અપજ્ઞત્યા, સુહુમા પજ્ઞત્યા, બાદરા અપજ્ઞત્યા, બાદરાપજ્ઞત્યા, બેઝંદ્યિયા અપજ્ઞત્યા, બેઝંદ્યિયા પજ્ઞત્યા, તેઝંદ્યિયા અપજ્ઞત્યા, તેઝંદ્યિયા અપજ્ઞત્યા, ચતુરિંદ્યિયા અપજ્ઞત્યા, ચતુરિંદ્યિયા પજ્ઞત્યા, પંચિંદ્યિયા અસન્નિઅપજ્ઞત્યા, પંચિંદ્યિયા અસન્નિપજ્ઞત્યા, પંચિંદ્યિયા સન્નિઅપજ્ઞત્યા, પંચિંદ્યિયા સન્નિપજ્ઞત્યા । ચોદ્રસ પુબ્વા પણન્તા, તંજહા—“ઉપ્પાયપુબ્વમગ્ગેળિયં ચ તતિયં ચ વીરિયં પુબ્વં । અત્થીણતિથિપવાયં તત્તો નાણપ્પવાયં ચ” ||૮|| “સચ્ચપ્પવાયપુબ્વ તત્તો આયપ્પવાયપુબ્વં ચ । કમ્મપ્પવાયપુબ્વં પચ્ચક્ખવાણ ભવે નવમં ||૯|| “વિજાઅણુપ્પવાયં અવંદ્ધ પાણાઉ બારસં પુબ્વં । તત્તો કિરિયવિસાલં પુબ્વં તહ બિંદુસારં ચ” ||૧૦|| અગ્ણીયસ્સ ણ પુબ્વસ્સ ચોદ્રસ વત્થુ પણન્તા । સમણસ્સ ણ ભગવતો મહાવીરસ્સ ચોદ્રસ સમણસાહસ્સીઓ ઉકોસ્યા સમણસંપદા હોત્યા । કમ્મવિસોહિમગણ પડુચ્ચ ચોદ્રસ જીવદ્વાણ પણન્તા, તંજહા—મિચ્છદિદ્રી, સાસાયણસમ્મદિદ્રી, સમ્મામિચ્છદિદ્રી, અવિરતસમ્મદિદ્રી, વિરતાવિરતસમ્મદિદ્રી, પમત્તસંજતે, અપ્પમત્તસંજતે, નિયદ્રી, અનિયદ્રીબાયરે, સુહુમસંપરાએ ઉવસામએ વા ખમએ વા, ઉવસંતમોહે, ખીણમોહે, સજોગી કેવલી, અજોગી કેવલી । ભરહેરવયાઓ ણ જીવાઓ ચોદ્રસ ચોદ્રસ જોયણસહસ્સાં ચત્તારિ ય એકુત્તરે જોયણસે છચ્ચ એકૂણવીસિદ્ધાંગે જોયણસ્સ આયામેણ પણન્તે । એગમેગસ્સ ણ રણો ચાઉરંતચક્રવિદ્રુસ્સ ચોદ્રસ રયણ પણન્તા, તંજહા—ઇન્થીરયણે સેણાવતિરયણે ગાહાવતિરયણે પુરોહિતરયણે વહૃઝરયણે આસરયણે હત્થિરયણે અસિરયણે દંડરયણે ચક્રરયણે છત્તરયણે ચમ્મરયણે મળિરયણે કાગળિરયણે । જંબુદ્રીવે ણ દીવે ચોદ્રસ મહાનદીઓ પુબ્વાવરેણ લવણ સમુદ્દ્ર સમપ્પેણે, તંજહા—ગંગા સિંધુ રોહિયા રોહિયંસા હરી હરિકંતા સીતા સીતોદા ણરકંતા ણારિકંતા સુવણ્ણકૂલા રૂપ્પકૂલા રત્તા રત્તવતી । (૨) . ઇમીસે ણ રતણપ્પભાએ પુઢવીએ અથ્યેગતિયાણ નેરઝ્યાણ ચોદ્રસ પલિઓવમાં ઠિતી પણન્તા । સોહ્મીસાણેસુ કપ્પેસુ અથ્યેગતિયાણ દેવાણ ચોદ્રસ પલિઓવમાં ઠિતી પણન્તા । લંતાએ કપ્પે દેવાણ ઉકોસેણ ચોદ્રસ સાગરોવમાં ઠિતી પણન્તા । મહાસુકે કપ્પે દેવાણ જહણેણ ચોદ્રસ સાગરોવમાં ઠિતી પણન્તા । (૩) જે દેવા સિરિકંતં સિરિમહિઅં સિરિસોમણસં લંતયં કાવિદું મહિંદોકંતં મહિંદુત્તરવડેંસગં વિમાણં દેવતાએ ઉવવણા તેસિણ ણ દેવાણ ઉકોસેણ ચોદ્રસ સાગરોવમાં ઠિતી પણન્તા । તે ણ દેવા ચોદ્રસહિં અબ્દમાસેહિં આણમંતિ વા પાણમંતિ વા ઊસસંતિ વા નીસસંતિ વા । તેસિ ણ દેવાણ ચોદ્રસહિં વાસસહસ્સેહિં આહારદે સમુપ્પજ્ઞતિ । (૪) સંતેગતિયા ભવસિદ્ધિયા જીવા જે ચોદ્રસહિં ભવગ્ગહણેહિં સિજિઝિસ્સંતિ જાવ સબ્વદુક્ખવાણ અંતં કરેસ્સંતિ ।

[૧૫] ★★☆ (૧) . પણણરસ પરમાહમ્મિયા પણન્તા, તંજહા— અંબે અંબરિસી ચેવ, સામે સબલે ત્તિ યાવરે । રુદ્રોવરુદ્ર કાલે ય, મહાકાલે ત્તિ યાવરે ॥૧૧॥ અસિપત્તે

ધણુ કુમ્ભે વાલુએ વેયરણી તિ ય । ખરસ્સરે મહાગોસે એતે પણ્ણરસાહિયા ॥ ॥૧૨॥ ણમી ણં અરહા પણ્ણરસ ધણૂંં ઉદ્દૂંચ્વત્તેણ હોત્થા । ધુવરાહૂ ણં બહુલપક્ખસ્સ પાડિવયં પન્નરસતિભાગં પન્નરસતિભાગેણ ચંદ્રસ્સ લેસં આવરેત્તા ણં ચિદૃતિ, તંજહા—પઢમાએ પઢમં ભાગં જાવ પન્નરસેસુ પન્નરસમં ભાગં । તં ચેવ સુક્પક્ખસ્સ ઉવદંસેમાળે ઉવદંસેમાળે ચિદૃતિ, તંજહા—પઢમાએ પઢમં ભાગં જાવ પન્નરસેસુ પન્નરસમં ભાગં । ૨. છણણક્ખત્તા પન્નરસમુહૃત્તસંજુત્તા પણ્ણત્તા, તંજહા— સતભિસય ભરણિ અહ્ના, અસિલેસા સાઇ તહ ય જેદ્વા ય । એતે છણણક્ખત્તા, પણ્ણરસમુહૃત્તસંજુત્તા ॥ ૧૩॥ ચેત્તાસોએસુ માસેસુ પન્નરસમુહૃત્તો દિવસો ભવતિ, સઝ પણ્ણરસમુહૃત્તા રાતી ભવતિ । અણુપ્પવાયસ્સ ણં પુબ્વસ્સ પન્નરસ વત્થૂ પણ્ણત્તા । મણૂસાણં પણ્ણરસવિહે પાઓગે પણ્ણત્તે, તંજહા—સચ્ચમણપાગો, એવં મોસમણપાગો, સચ્ચામોસમણપાગો, અસચ્ચામોસમણપાગો, એવં સચ્ચવતીપાગો, મોસવતીપાગો, સચ્ચામોસવતીપાગો, અસચ્ચામોસવતીપાગો, ઓરાલિયસરીરકાયપાગો, ઓરાલિયમીસસરીરકાયપાગો, વેઉબ્વિયસરીરકાયપાગો, વેઉબ્વિયમીસસરીરકાયપાગો, આહારયસરીરકાયપ્પાગો, આહારયમીસસરીરકાયપ્પાગો કમ્મયસરીરકાયપાગો । (૩). ઇમીસે ણં રયણપભાએ પુઢવીએ **[અથેગતિયાણ નેરઝાણાં]** પણ્ણરસ પલિઓવમાંં ઠિતી પણ્ણત્તા । પંચમાએ ણં પુઢવીએ અથેગતિયાણ નેરઝાણાં પણ્ણરસ સાગરોવમાંં ઠિતી પણ્ણત્તા । અસુરકુમારાણ દેવાણ અથેગતિયાણ પણ્ણરસ પલિઓવમાંં ઠિતી પણ્ણત્તા । સોહમ્મીસાણેસુ કપ્પેસુ અથેગતિયાણ દેવાણ પણ્ણરસ પલિઓવમાંં ઠિતી પણ્ણત્તા । (૪). જે દેવા ણંદં સુણંદં ણંદાવત્તં ણંદપ્પભં ણંદકંતં ણંદવળ્ણં ણંદલેસં જાવ ણંદુત્તરવડેસગં વિમાણં દેવત્તાએ ઉવવળણ તેસિ ણં દેવાણ ઉકોસેણ પણ્ણરસ સાગરોવમાંં ઠિતી પણ્ણત્તા । તે ણં દેવા પણ્ણરસણં અદ્ભુતાસાણં આણમંતિ વા પાણમંતિ વા ઊસસંતિ વા નીસસંતિ વા । તેસિ ણં દેવાણ પણ્ણરસહિં વાસસહસ્સેહિં આહારદ્વે સમુપ્પજ્ઞતિ । (૫). અથેગતિયા ભવસિદ્ધ્યા જીવા જે પન્નરસહિં ભવગ્ગહણેહિં સિજ્જિસ્સંતિ જાવ અંતં કરેસસંતિ । [૧૬] **★☆☆** (૧). સોલસ ય ગાહાસોલસગા પણ્ણત્તા, તંજહા—સમએ ૧, વેયાલિએ ૨, ઉવસગપરિણા ૩, ઇથ્થિપરિણા ૪, નિરયવિભત્તી ૫, મહાવીરથુર્દુ ૬, કુસીલપરિભાસિએ ૭, વીરિએ ૮, ધમ્મે ૯, સમાહી ૧૦, મજ્જે ૧૧, સમોસરણે ૧૨, અહાતહિએ ૧૩, ગંધે ૧૪, જમતીતે ૧૫, ગાહા ૧૬ । સોલસ કસાયા પણ્ણત્તા, તંજહા—અણંતાણુબંધી કોહે, એવં માણે, માયા, લોભે । અપચ્વક્ખવાણકસાએ કોહે, એવં માણે માયા, લોભે । પચ્વક્ખવાણવરણે કોહે, એવં માણે, માયા, લોભે । સંજલણે કોહે, એવં માણે, માયા, લોભે । મંદરસ્સ ણં પવ્વતસ્સ સોલસ નામધેજા પણ્ણત્તા, તંજહા— મંદર ૧ મેરુ ૨ મણોરમ ૩ સુદંસણ ૪ સયંપભે ૫ ય ગિરિરાયા ૬ । રયણુચ્ચય ૭ પિયદંસણ ૮ મજ્જે લોગસ્સ ૯ નાભી ૧૦ ય ॥ ૧૪॥ અથે ય ૧૧ સૂરિયાવત્તે ૧૨ સૂરિયાવરણે ૧૩ તિ ય । ઉત્તરે ય ૧૪ દિસાઈ ય ૧૫ વડેંસે ૧૬ ઇ ય સોલસે ॥ ૧૫॥ (૨). પાસસ્સ ણં અરહતો પુરિસાદાણીયસ્સ સોલસ સમણસાહસ્સીઓ ઉકોસિયા સમણસંપદા હોત્થા । આયપ્પવાયસ્સ ણં પુબ્વસ્સ સોલસ વત્થૂ પણ્ણત્તા । ચમર-બલીણ ઓવારિયાલેણે સોલસ જોયણસહસ્સાં આયામવિક્ખંભેણ પણ્ણત્તે । લવણે ણં સમુદ્રે સોલસ જોયણસહસ્સાં ઉસ્સેહપરિવુઢીએ પણ્ણત્તે । ઇમીસે ણં રયણપભાએ પુઢવીએ અથેગતિયાણ નેરઝાણાં સોલસ પલિઓવમાંં ઠિતી પણ્ણત્તા । પંચમાએ પુઢવીએ અથેગતિયાણ નેરઝાણાં સોલસ સાગરોવમાંં ઠિતી પણ્ણત્તા । સોહમ્મીસાણેસુ કપ્પેસુ અથેગતિયાણ દેવાણ સોલસ પલિઓવમાંં ઠિતી પણ્ણત્તા । મહાસુક્રે કપ્પે અથેગતિયાણ દેવાણ સોલસ સાગરોવમાંં ઠિતી પણ્ણત્તા । (૩). જે દેવા આવત્ત વિયાવત્ત નંદિયાવત્ત મહાણંદિયાવત્ત અંકુસં અંકુસપલંબં ભદ્રં સુભદ્રં મહાભદ્રં સબ્વાઓભદ્રં ભદ્રુત્તરવડેસગં વિમાણં દેવત્તાતે ઉવવળણ તેસિ ણં દેવાણ ઉકોસેણ સોલસ સાગરોવમાંં ઠિતી પણ્ણત્તા । તે ણં દેવા સોલસણં અદ્ભુતાસાણં આણમંતિ વા પાણમંતિ વા ઊસસંતિ વા નીસસંતિ વા । તેસિ ણં દેવાણ સોલસહિં વાસસહસ્સેહિં આહારદ્વે સમુપ્પજ્ઞતિ । (૪). સંતેગતિયા ભવસિદ્ધ્યા જીવા જે સોલસહિં ભવગ્ગહણેહિં સિજ્જિસ્સંતિ જાવ અંતં કરેસસંતિ । [૧૭] **★☆☆** (૧). સત્તરસવિહે અસંજમે પણ્ણત્તે, તંજહા—પુઢવિકાઇયઅસંજમે આઉકાઇયઅસંજમે તેઉકાઇયઅસંજમે વાઉકાઇયઅસંજમે વણસ્સિકાઇયઅસંજમે બેઝેદિયઅસંજમે તેઝેદિયઅસંજમે ચઉરિંદિયઅસંજમે પંચિંદિયઅસંજમે અજીવકાયઅસંજમે પેહાઅસંજમે ઉપેહાઅસંજમે અવહૃઅસંજમે અપમજણાઅસંજમે મણઅસંજમે વતિઅસંજમે કાયઅસંજમે ।

સત્તરસવિહે સંજમે પણતે, તંજહા—પુઢવીકાયસંજમે એવં જાવ કાયસંજમે | માણસુત્તરે ણ પવતે સત્તરસ એકવીસે જોયણસતે ઉહુંઉચ્ચતેણ પણતે | સવેસિં પિ ણ વેલંધર-અણુવેલંધરણાગરાઈણ આવાસપવ્યા સત્તરસ એકવીસાઇં જોયણસયાઇં ઉહુંઉચ્ચતેણ પણત્તા | લવણે ણ સમુદ્રે સત્તરસ જોયણસહસ્સાઇં સવ્વગ્રોણ પણત્તે | ઇમીસે ણ રતણપ્પભાએ પુઢવીએ બહુસમરમણિજ્ઞાતો ભૂમિભાગાતો સાતિરેગાઇં સત્તરસ જોયણસહસ્સાઇં ઉહું ઉપ્પતિત્તા તતો પચ્છા ચારણાણ તિરિયં ગતી પવત્તતી | ચમરસ્સ ણ અસુરિંદ્સ્સ અસુરરણો તિગિંછિકૂડે ઉપ્પાતપવતે સત્તરસ એકવીસાઇં જોયણસયાઇં ઉહુંઉચ્ચતેણ પણત્તા | બલિસ્સ ણ અસુરિંદ્સ્સ અસુરરણો રુયગિદે ઉપ્પાતપવતે સત્તરસ જોયણસયાઇં સાતિરેગાઇં ઉહુંઉચ્ચતેણ પણત્તા | સત્તરસવિહે મરણે પણત્તે, તંજહા—આવીઝિમરણે ઓહિમરણે આયંતિયમરણે વલાતમરણે વસદૃમરણે અંતોસલ્લમરણે તબ્યમરણે બાલમરણે પંડિતમરણે બાલપંડિતમરણે છુટમત્થમરણે કેવલિમરણે વેહાસમરણે ગદ્વપદુમરણે ભત્પચ્ચક્રવાણમરણે ઇંગિણમરણે પાઓવગમણમરણે | સુહુમસંપરાએ ણ ભગવં સુહુમસંપરાયભાવે વદ્વમાણે સત્તરસ કમ્મપગડીઓ ણિબંધતિ, તંજહા—આભિણિબોહિયણાણાવરણે, એવં સુતોહિ-મણ-કેવલ [ણાણાવરણે] | ચક્રવુદ્ધસણાવરણં, એવં અચક્રખુ-ઓહી-કેવલદંસણાવરણં | સાયાવેયણિજ્ઞ, જસોકિત્તિનામં, ઉચ્ચાગોતં | દાણંતરાઇયં, એવં લાભ-ભોગ-ઉવભોગ-વીરિયઅંતરાઇયં | (૨) ઇમીસે ણ રતણપ્પભાએ પુઢવીએ અથેગતિયાણ નેરઝયાણ સત્તરસ પલિઓવમાઇં ઠિતી પણત્તા | પંચમાએ પુઢવીએ નેરઝયાણ ઉકોસેણ સત્તરસ સાગરોવમાઇં ઠિતી પણત્તા | અસુરકુમારાણ દેવાણ અથેગતિયાણ સત્તરસ પલિઓવમાઇં ઠિતી પણત્તા | સોહમ્મીસાણેસુ કપ્પેસુ અથેગતિયાણ દેવાણ સત્તરસ પલિઓવમાઇં ઠિતી પણત્તા | મહાસુક્રે કપ્પે દેવાણ ઉકોસેણ સત્તરસ સાગરોવમાઇં ઠિતી પણત્તા | સહસ્સારે કપ્પે દેવાણ જહણેણ સત્તરસ સાગરોવમાઇં ઠિતી પણત્તા | (૩) જે દેવા સામાણ સુસામાણ મહાસામાણ પઉમં મહાપઉમં કુમુદં મહાકુમુદં નલિણં મહાણલિણ પોંડરિયં મહાપોંડરિયં સુક્રે મહાસુક્રે સીહં સીહોકંતં સીહવિયં ભાવિયં વિમાણ દેવતાતે ઉવવણા તેસિ ણ દેવાણ ઉકોસેણ સત્તરસ સાગરોવમાઇં ઠિતી પણત્તા | તે ણ દેવા સત્તરસહિં અદ્ભુમાસેહિં આણમંતિ વા પાણમંતિ વા ઊસસંતિ વા નીસસંતિ વા | તેસિ ણ દેવાણ સત્તરસહિં વાસસહસ્સેહિં આહારદે સમુપ્પજતિ | ૪ સંતેગતિયા ભવસિદ્ધિયા જીવા જે સત્તરસહિં ભવગગહણેહિં સિજિઝિસ્સંતિ જાવ સવ્વદુક્રવાણ અંતં કરેસ્સંતિ | [૧૮] ★★☆(૧) અદ્વારસવિહે બંભે પણત્તે, તંજહા—ઓરાલિએ કામભોગે ણેવ સયં મળેણ સેવઙ્સ, નો વિ અણણ મળેણ સેવાવેઙ્સ, મળેણ સેવંતં પિ અણણ ન સમણુજાણિઃ, ઓરાલિએ કામભોગે ણેવ સયં વાયાએ સેવતિ, નો વિ અણણ વાયાએ સેવાવેઙ્સ, વાયાએ સેવંતં પિ અણણ ન સમણુજાણિઃ, ઓરાલિએ કામભોગે ણેવ સયં કાયેણ સેવાવેઙ્સ, કાએણ સેવંતં પિ અણણ ન સમણુજાણતિ, દિબ્બે કામભોગે ણેવ સયં મળેણ સેવતિ, તહ ચેવ ણવ આલાવગા | અરહતો ણ અરિદુનેમિસ્સ અદ્વારસ સમણસહસ્સીઓ ઉકોસિયા સમણસંપદા હોત્થા | સમળેણ ભગવતા મહાવીરેણ સમણાણ ણિગંથાણ સર્વખુદ્યવિયત્તાણ અદ્વારસ ઠાણા પણત્તા, તંજહા—વયછક્ક ૬ કાયછક્ક ૧૨, અકપો ૧૩ ગિહિભાયણ ૧૪ | પલિયંક ૧૫ નિસિજ્ઞા ય, ૧૬ સિણાણ ૧૭ સોભવજણ ૧૮ ||૧૬|| આયારસ્સ ણ ભગવતો સચૂલિયાગરસ્સ અદ્વારસ પયસહસ્સાઇં પયગ્રોણ પણત્તાઇં | બંભીએ ણ લિવીએ અદ્વારસવિહે લેખવિહાણે પણત્તે, તંજહા—બંભી જવણાલિયા દાસઊરિયા ખરોદ્વિયા પુક્રવરસાવિયા પહારાઇયા ઉચ્ચતરિયા અક્રખરપુદ્વિયા ભોગવયતા વેણતિયા ણિષ્ણિયા અંકલિવિ ગણિયલિવિ ગંધ્વબ્લિવિ આદંસલિવિ માહેસરલિવિ દમિડલિવિ પોલિંદિ [લિવિ] | અન્યિણત્થિપ્પવાયરસ્સ ણ પુવ્વસ્સ અદ્વારસ વત્થુ પણત્તા | ધૂમપ્પભા ણ પુઢવી અદ્વારસુત્તર જોયણસયસહસ્સં બાહલ્લેણ પણત્તા | પોસાસાઢેસુ ણ માસેસુ સઝ ઉકોસેણ અદ્વારસમુહુતે દિવસે ભવતિ, સઝ ઉકોસેણ અદ્વારસ મુહુતા રાતી [ભવઙ્સ] | (૨) ઇમીસે ણ રયણપ્પભાએ પુઢવીએ અથેગતિયાણ નેરઝયાણ અદ્વારસ પલિઓવમાઇં ઠિતી પણત્તા | છદ્વીએ પુઢવીએ અથેગતિયાણ નેરઝયાણ અદ્વારસ સાગરોવમાઇં ઠિતી પણત્તા | અસુરકુમારાણ દેવાણ અથેગતિયાણ અદ્વારસ પલિઓવમાઇં ઠિતી પણત્તા | સોહમ્મીસાણેસુ કપ્પેસુ અથેગતિયાણ દેવાણ અદ્વારસ પલિઓવમાઇં ઠિતી પણત્તા | સહસ્સારે કપ્પે દેવાણ ઉકોસેણ અદ્વારસ સાગરોવમાઇં ઠિતી પણત્તા | આણએ કપ્પે દેવાણ જહણેણ અદ્વારસ સાગરોવમાઇં ઠિતી પણત્તા | (૩) જે દેવા કાલં સુકાલં મહાકાલં અંજણ રિદું સાલં સમાણ દુમં મહાદુમં વિસાલં સુસાલં પઉમં

પઉમગુમ્મં કુમુદં કુમુદગુમ્મં નલિણગુમ્મં પુંડરીયગુમ્મં સહસ્રારવડેંસગં વિમાણં દેવતાતે ઉવવણા તેસિં ણ દેવાણ [ઉકોસેણ] અદ્વારસ સાગરોવમાં ઠિતી પણ્ણતા | તે ણ દેવા અદ્વારસહિં અદ્વમાસેહિં આણમંતિ વા પાણમંતિ વા ઊસસંતિ વા નીસસંતિ વા | તેસિ ણ દેવાણ અદ્વારસહિં વાસસહસ્રસેહિં આહારદ્વે સમુપ્પજ્જતિ | (૪) સંતેગતિયા [ભવસિદ્ધિયા જીવા જે અદ્વારસહિં ભવગ્ગહણેહિં સિજ્જિસ્સસંતિ] જાવ અંતં કરેસ્સંતિ | [૧૯] ★★★ (૧). એકૂણવીસં ણાયજ્જયણ પણ્ણતા, તંજહા—“ઉક્ખિચ્છતણાએ ૧ સંઘાડે ૨, અંડે ૩ કુમ્મે ય ૪ સેલયે ૫ | તુંબે ય ૬ રોહિણી ૭ મલ્લી ૮, માગંદી ૯ ચંદ્રિમા તિ ય ૧૦” ||૧૭|| “દાવદ્વે ૧૧ ઉદગણાતે ૧૨ મંડુકે ૧૩ તેતલી ૧૪ ઇય | નંદિફલે ૧૫ અવરકંકા ૧૬ આઇણે ૧૭ સુંસમા તિ ય ૧૮” ||૧૮|| અવરે ય પુંડરીએ ણાએ એગ્રૂણવીસિઝે ૧૯ | જંબૂદ્રીવે ણ દીવે સૂરિયા ઉકોસેણ એગ્રૂણવીસં જોયણસતાં ઉછૃમહો તવંતિ | સુકે ણ મહંગહે અવરેણ ઉદિએ સમાણે એગ્રૂણવીસં ણકુખતાં સમં ચારં ચરિતા અવરેણ અત્થમણં ઉવાગચ્છતિ | જંબૂદ્રીવસ્સ ણ દીવસ્સ કલાઓ એગ્રૂણવીસં છેયણાઓ પણ્ણતાઓ | એગ્રૂણવીસં તિત્વયરા અગારમજ્જાવસિતા મુંડે ભવિતા ણ અગારાઓ અણગારિયં પવ્વઇયા | (૨). ઇમીસે ણ રયણપ્પભાએ પુઢવીએ અથેગતિયાણ નેરઇયાણ એગ્રૂણવીસં પલિઓવમાં ઠિતી પણ્ણતા | છંદ્રીએ પુઢવીએ અથેગતિયાણ નેરઇયાણ એગ્રૂણવીસં સાગરોવમાં ઠિતી પણ્ણતા | અસુરકુમારાણ દેવાણ અથેગતિયાણ એગ્રૂણવીસં પલિઓવમાં ઠિતી પણ્ણતા | સોહમ્મીસાણેસુ કપ્પેસુ અથેગતિયાણ દેવાણ એગ્રૂણવીસં પલિઓવમાં ઠિતી પણ્ણતા | (૩). જે દેવા આણતં પાણતં ણતં વિણતં ઘણં સુસિરં ઇંદ્ર ઇંદોકંતં ઇંદુત્તરવડેંસગં વિમાણં દેવતાતે ઉવવણા તેસિ ણ દેવાણ ઉકોસેણ એગ્રૂણવીસં સાગરોવમાં ઠિતી પણ્ણતા | તે ણ દેવા એગ્રૂણવીસાએ અદ્વમાસાણ આણમંતિ વા પાણમંતિ વા ઊસસંતિ વા નીસસંતિ વા | તેસિ ણ દેવાણ એગ્રૂણવીસાએ વાસસહસ્રસેહિં આહારદ્વે સમુપ્પજ્જતિ | (૪) અથેગતિયા ભવસિદ્ધિયા જીવા જે એગ્રૂણવીસાએ ભવગ્ગહણેહિં સિજ્જિસ્સસંતિ જાવ સબ્વદુકુખાણ અંતં કરેસ્સંતિ | [૨૦] ★★★ (૧). વીસં અસમાહિદ્રાણ પણ્ણતા, તંજહા—દવદવચારિ યાવિ ભવતિ ૧, અપમજ્જિતચારિ યાવિ ભવતિ ૨, દુપ્પમજ્જિતચારિ યાવિ ભવતિ ૩, અતિરિત્સેજાસણે ૪, રાતિણિયપરિભાસી ૫, થેરોવધાતિએ ૬, ભૂઓવધાતિએ ૭, સંજલણે ૮, કોથળે ૯, પિટ્રિમંસિએ ૧૦, અભિકુખણ અભિકુખણ ઓધારઇતા ભવતિ ૧૧, ણવાણ અધિકરણાણ અણુપ્પણણાણ ઉપ્પાએતા ભવતિ ૧૨, પોરણાણ અધિકરણાણ ખામિતવિઓસવિયાણ પુણો ઉર્દેરેતા ભવતિ ૧૩, સસરકુખપાણિપાએ ૧૪, અકાલસજ્જાયકારએ યાવિ ભવતિ ૧૫, કલહકરે ૧૬, સદ્કરે ૧૭, ઝંઝકરે ૧૮, સૂરપ્પમાણભોઈ ૧૯, એસણાડસમિતે યાવિ ભવતિ ૨૦ | મુણિસુબ્વતે ણ અરહા વીસં ધણૂંં ઉહુંઉચ્ચતેણ હોત્થા | સવ્વે વિ ણ ઘણોદહી વીસં જોયણસહસ્સાં બાહલ્લેણ પણ્ણતા | પાણયસ્સ ણ દેવિંદ્સસ દેવરણો વીસં સામાણિયસાહસ્સીઓ પણ્ણતાઓ | ણપુંસયવેયપિજસ્સ ણ કમમસ્સ વીસં સાગરોવમકોડાકોડીઓ બંધાં બંધદ્વિતી પણ્ણતા | પચ્કખાણસ્સ ણ પુવ્વસ્સ વીસં વત્થૂ પણ્ણતા | ઉસપ્પિણિ-ઓસપ્પિણિમંડલે વીસં સાગરોવમકોડાકોડીઓ કાલે પણ્ણતે | (૨) ઇમીસે ણ રયણપ્પભાએ પુઢવીએ અથેગતિયાણ નેરઇયાણ વીસં પલિઓવમાં ઠિતી પણ્ણતા | છંદ્રીએ પુઢવીએ અથેગતિયાણ નેરઇયાણ વીસં સાગરોવમાં ઠિતી પણ્ણતા | અસુરકુમારાણ દેવાણ અથેગતિયાણ વીસં પલિઓવમાં ઠિતી પણ્ણતા | સોહમ્મીસાણેસુ કપ્પેસુ અથેગતિયાણ દેવાણ વીસં પલિઓવમાં ઠિતી પણ્ણતા | પાણતે કપ્પે દેવાણ ઉકોસેણ વીસં સાગરોવમાં ઠિતી પણ્ણતા | આરણે કપ્પે દેવાણ જહણોણ વીસં સાગરોવમાં ઠિતી પણ્ણતા | (૩). જે દેવા સાતં વિસાતં સુવિસાય સિદ્ધત્થં ઉપ્પલં રૂતિલં તિગિચ્છં દિસાસોવથ્યિયં વદ્વમાણાણ પલંબં પુપ્ફં સુપુપ્ફં પુપ્ફાવત્તં પુપ્ફપભં પુપ્ફકંતં પુપ્ફવણં પુપ્ફલેસં પુપ્ફજ્જયં પુપ્ફસિંગ પુપ્ફસિદ્ધં પુપ્ફકૂં પુપ્ફત્તરવડેંસગં વિમાણં દેવતાતે ઉવવણા તેસિ ણ દેવાણ ઉકોસેણ વીસં સાગરોવમાં ઠિતી પણ્ણતા | તે ણ દેવા વીસાએ અદ્વમાસાણ આણમંતિ વા પાણમંતિ વા ઊસસંતિ વા નીસસંતિ વા | તેસિં ણ દેવાણ વીસાએ વાસસહસ્રસેહિં આહારદ્વે સમુપ્પજ્જતિ | (૪) સંતેગતિયા ભવસિદ્ધિયા જીવા જે વીસાએ ભવગ્ગહણેહિં સિજ્જિસ્સસંતિ [જાવ સબ્વદુકુખાણમંતિ કરેસ્સંતિ] | [૨૧] ★★★ (૧). એક્રવીસં સબલા પણ્ણતા, તંજહા—હૃથકમ્મં કરેમાણે સબલે ૧, મેહુણ પડિસેવમાણે સબલે ૨, રાતીભોયણ ભુંજમાણે [સબલે] ૩, આહાકમ્મં ભુંજમાણે [સબલે] ૪, સાગારિયં પિંડ ભુંજમાણે સબલે ૫, ઉદેસિયં કીતમાહદુ જાવ અભિકુખણ અભિકુખણ સીતોદયવિયડવગધારિયપાણિણા અસણ વા પાણ વા ખાઇમં વા સાઇમં વા પદિગાહિતા ભુંજમાણે સબલે

। पियद्विबादरस्स णं खवितसत्तयस्स मोहणिज्जस्स एक्वीसं कम्मंसा संतकम्मं पण्णत्ता, तंजहा—अपच्चक्खाणकसाए कोहे, एवं माणे माया लोभे । पच्चक्खाणकसाए कोहे, एवं माणे माया लोभे । संजलणे कोधे, एवं माणे माया लोभे । इत्थिवेदे, पुमवेदे, णपुंसयवेदे, हासे अरति, रति, भय, सोके, दुगुंछा । एक्मेक्काए णं ओसप्पिणीए पंचम-छट्टीतो समातो एक्वीसं वाससहस्साइं कालेणं पण्णत्तातो, तंजहा—दूसमा, दूसमदूसमा य । एगमेगाए णं उस्सप्पिणीए पढम-बितियातो समातो एक्वीसं एक्वीसं वाससहस्साइं कालेणं पण्णत्तातो, तंजहा—दुसमदूसमा, दूसमा य । (२) . इमीसे णं रयणप्पभाए पुढवीए अथेगतियाणं नेरइयाणं एक्वीसं पलिओवमाइं ठिती पण्णत्ता । छट्टीए पुढवीए अथेगतियाणं नेरइयाणं एक्वीसं सागरोवमाइं ठिती पण्णत्ता । असुरकुमाराणं देवाणं अथेगतियाणं एक्वीसं पलिओवमाइं ठिती पण्णत्ता । सोहम्मीसाणेसु कप्पेसु अथेगतियाणं देवाणं एक्वीसं पलिओवमाइं ठिती पण्णत्ता । आरणे कप्पे देवाणं उक्कोसेणं एक्वीसं सागरोवमाइं ठिती पण्णत्ता । अच्चुते कप्पे देवाणं जहणेणं एक्वीसं सागरोवमाइं ठिती पण्णत्ता । (३) . जे देवा सिरिवच्छं सिरिदामगंडं मल्लं किद्वं चावोण्णतं आरणवडेंसंगं विमाणं देवत्ताते उववण्णा तेसि णं देवाणं एक्वीसाए वाससहस्सेहिं आहारद्वे समुप्पज्जति । (४) . संतेगतिया भवसिद्धिया [जीवा जे एक्वीसाए भवग्गहणेहिं सिज्जस्संति] जाव सब्बदुक्खाणमंतं करेस्संति ॥[२२] ★★★ (१) बावीसं परीसहा पण्णत्ता, तंजहा—दिगिंछापरीसहे १, पिवासापरीसहे २, सीतपरीसहे ३, उसिणपरीसहे ४, दंसमसगफासपरीसहे ५, अचेलपरीसहे ६, अरतिपरीसहे ७, इत्थिपरीसहे ८, चरियापरीसहे ९, पिसीहियापरीसहे १०, सेज्जापरीसहे ११, अक्कोसपरीसहे १२, वधपरीसहे १३, जायणपरीसहे १४, अलाभपरीसहे १५, रोगपरीसहे १६, तणपरीसहे १७, जल्लपरीसहे १८, सक्कारपुरक्कारपरीसहे १९, अण्णाणपरीसहे २० दंसणपरीसहे २१, पण्णापरीसहे २२ । दिद्विवायस्स णं बावीसं सुत्ताइं छिन्नछेयणयियाइं ससमयसुत्तपरिवाडीए, बावीसं सुत्ताइं अच्छिन्नछेयणयियाइं आजीवियसुत्तपरिवाडीए, बावीसं सुत्ताइं तिकणइयाइं तेरासियसुत्तपरिवाडीए, बावीसं सुत्ताइं चउक्कणइयाइं ससमयसुत्तपरिवाडीए । बावीसतिविधे पोग्गलपरिणामे पण्णत्ते, तंजहा—कालयवण्णपरिणामे, नीलवण्णपरिणामे, लोहियवण्णपरिणामे, हालिद्ववण्णपरिणामे, सुक्किलवण्णपरिणामे । सुब्मिंगंधपरिणामे, एवं दुब्मिंगंधे वि । तित्तरसपरिणामे, एवं पंच वि रसा । कक्खडफासपरिणामे मउयफासपरिणामे, गुरुफासपरिणामे, लहुफासपरिणामे, सीतफासपरिणामे, उसिणफासपरिणामे, पिद्धफासपरिणामे, लुक्खफासपरिणामे, गरुयलहुयपरिणामे, अगरुयलहुयपरिणामे । (२) इमीसे णं रयणप्पभाए पुढवीए अथेगतियाणं नेरइयाणं बावीसं सागरोवमाइं ठिती पण्णत्ता । अहेसत्तमाए णं पुढवीए नेरइयाणं जहणेणं बावीसं सागरोवमाइं ठिती पण्णत्ता । असुरकुमाराणं देवाणं अथेगतियाणं बावीसं पलिओवमाइं ठिती पण्णत्ता । सोहम्मीसाणेसु कप्पेसु अथेगतियाणं देवाणं बावीसं पलिओवमाइं ठिती पण्णत्ता । अच्चुते कप्पे देवाणं उक्कोसेणं बावीसं सागरोवमाइं ठिती पण्णत्ता । हेद्विमहेद्विमगेवेज्जाणं देवाणं जहणेणं बावीसं सागरोवमाइं ठिती पण्णत्ता । (३) जे देवा महितं विस्सुतं विमलं पभासं वणमालं अच्चुतवडेंसंगं विमाणं देवत्ताते उववण्णा तेसि णं देवाणं [उक्कोसेण ?] बावीसं सागरोवमाइं ठिती पण्णत्ता । ते णं देवा बावीसं अद्भुमासाणं आणमंति वा पाणमंति वा ऊससंति वा नीससंति वा । तेसि णं देवाणं बावीसाए वाससहस्सेहिं आहारद्वे समुप्पज्जति । (४) संतेगतिया भवसिद्धिया जीवा जे बावीसाए भवग्गहणेहिं सिज्जस्संति जाव सब्बदुक्खाणं अंतं करेस्संति ॥[२३] ★★★ (१) . तेवीसं सूयगडज्जयणा पण्णत्ता, तंजहा—समए १, वेतालिए२, उवसग्गपरिणा ३, थीपरिणा ४, नरयविभत्ती ५, महावीरथुई ६, कुसीलपरिभासिते ७, वीरिए ८, धम्मे ९, समाही १०, मग्गे ११, समोसरणे १२, आहत्तहिए १३, गंथे १४, जमतीते १५, गाथा १६, पुंडरीए १७, किरियद्वाणे १८, आहारपरिणा १९, पच्चक्खाणकिरिया २०, अणगारसुतं २१, अद्भुज्जं २२, णालंदतिज्जं २३ । (२) . जंबुद्वीवे णं दीवे भारहे वासे इमीसे ओसप्पिणीए तेवीसाए जिणाणं सूरग्गमणमुहुतंसि केवलवरनाणदंसणे समुप्पणे । जंबुद्वीवे णं दीवे इमीसे ओसप्पिणीए तेवीसं तित्थकरा पुव्वभवे एक्कारसंगिणो होत्था, तंजहा—अजित संभव अभिणंदण जाव पासो वद्धमाणो य । उसभे णं अरहा कोसलिए

ચોહસપુબ્રી હોત્થા । જંબુદ્વીવે ણ દીવે ઇમીસે ઓસપ્પિણીએ તેવીસં તિત્થકરા પુબ્વભવે મંડલિયરાયાણો હોત્થા, તંજહા—અજિત સંભવ જાવ વદ્ધમાણો ય । ઉસભે ણ અરહા કોસલિએ ચક્કવદ્વી હોત્થા । ઇમીસે ણ રયણપ્પભાએ પુઢવીએ અથેગતિયાણ નેરઝ્યાણ તેવીસં પલિઓવમાં ઠિતી પણન્તા । અહેસત્તમાએ ણ પુઢવીએ અથેગતિયાણ નેરઝ્યાણ તેવીસં સાગરોવમાં ઠિતી પણન્તા । અસુરકુમારાણ દેવાણ અથેગતિયાણ તેવીસં પલિઓવમાં ઠિતી પણન્તા । સોહમીસાણેસુ કપ્પેસુ અથેગતિયાણ દેવાણ તેવીસં પલિઓવમાં ઠિતી પણન્તા । (૩) . જે દેવા હેટ્ટિમહેટ્ટિમગેવેજ્યવિમાણેસુ દેવતાતે ઉવવણા તેસિ ણ દેવાણ ઉકોસેણ તેવીસં સાગરોવમાં ઠિતી પણન્તા । તે ણ દેવા તેવીસાએ અદ્વમાસેહિં આણમંતિ વા પાણમંતિ વા ઊસસંતિ વા નીસસંતિ વા । તેસિ ણ દેવાણ તેવીસાએ વાસસહસ્સેહિં આહારદે સમુપ્પજ્જતિ । (૪) સંતેગતિયા ભવસિદ્ધિયા જીવા જે તેવીસાએ ભવગ્નહણેહિં સિજ્ઞિસ્સસંતિ જાવ સબ્વદુક્ખવાણ અંત કરેસંતિ ॥ [૨૪] ★★★ (૧) ચઉવીસં દેવાહિદેવા પણન્તા, તંજહા—ઉસભ અજિત જાવ વદ્ધમાણે । ચુલ્લાહિમવંત-સિહરીણ વાસહરપવ્વયાણ જીવાઓ ચઉવીસં ચઉવીસં જોયણસહાસ્સાં ણવ બતીસે જોયણસતે એં ચ અદૃતીસભાં જોયણસ્સ કિંચિવિસેસાહિતાઓ આયામેણ પણન્તાઓ । ચઉવીસંદેવદ્વાણ સંદંદ્યા પણન્તા । સેસા અહમિંદા અણિંદા અપુરોહિતા । ઉત્તરાયણગતે ણ સૂરિએ ચઉવીસંગુનિએ પોરિસીછાય ણિવ્વત્તિઝ્તા ણ ણિયદૃતિ । ગંગા-સિંધૂઓ ણ મહાણદીઓ પવહે સાતિરેગે ચઉવીસં કોસે વિત્થારેણ પણન્તાઓ । રત્ત-રત્તવતીઓ ણ મહાણદીઓ પવહે સાતિરેગે ચઉવીસં કોસે વિત્થારેણ પણન્તાતો । (૨) ઇમીસે ણ રયણપ્પભાએ પુઢવીએ અથેગતિયાણ ણેરઝ્યાણ ચઉવીસં પલિઓવમાં ઠિતી પણન્તા । અહેસત્તમાએ પુઢવીએ અથેગતિયાણ નેરઝ્યાણ ચઉવીસં સાગરોવમાં ઠિતી પણન્તા । અસુરકુમારાણ દેવાણ અથેગતિયાણ ચઉવીસં પલિઓવમાં ઠિતી પણન્તા । સોહમીસાણેસુ કપ્પેસુ અથેગતિયાણ દેવાણ ચઉવીસં પલિઓવમાં ઠિતી પણન્તા । હેટ્ટિમહેટ્ટિમગેવેજ્યવિમાણેસુ દેવતાતે ઉવવણા તેસિ ણ દેવાણ ઉકોસેણ ચઉવીસં સાગરોવમાં ઠિતી પણન્તા । તે ણ દેવા ચઉવીસાએ અદ્વમાસાણ આણમંતિ વા પાણમંતિ વા ઊસસંતિ વા નીસસંતિ વા । તેસિ ણ દેવાણ ચઉવીસાએ વાસસહસ્સાણ આહારદે સમુપ્પજ્જતિ । ૪ સંતેગતિયા ભવસિદ્ધિયા જીવા જે ચઉવીસાએ ભવગ્નહણેહિં સિજ્ઞિસ્સસંતિ [જાવ સબ્વદુક્ખવાણ અંત કરેસંતિ] ॥ [૨૫] ★★★ (૧) પુરિમપચ્છિમતાણ તિત્થગરાણ પંચજામસ્સ પણુવીસં ભાવણાઓ પણન્તાઓ, તંજહા—ઇરિયાસમિતિ, મણગુત્તી, વિઝુત્તી, આલોયભાયણભોયણ, આદાણભંડનિક્ખેવણાસમિતિ ૫, અણુવીતિભાસણયા, કોહવિવેગે, લોભવિવેગે, ભયવિવેગે, હાસવિવેગે ૧૦, ઉગ્ઘઅણુણવણતા, ઉગ્ઘસીમજાણણતા, સયમેવ ઉગ્ઘઅણુગેણહણતા, સાહ્મિયઉગ્ઘઅણુણવિય પરિભુંજણતા, સાહારણભત્તપાણ અણુણવિય પરિભુંજણતા ૧૫, ઇથી-પસુ-પંડગસંસત્તસયણાસણવજણતા, ઇથીકહવિવજણયા, ઇથીએ ઇંદ્રિયાણમાલોયણવજણતા, પુબ્વરત-પુબ્વકીલિયાણ અણણુસરણતા, પણીતાહારવિવજણતા ૨૦, સોઝિંદિયરાગોવરતી, એવં પંચ વિ ઇંદ્રિયા ૨૫ । મલ્લી ણ અરહા પણુવીસં ધણૂતિ ઉહુંઉચ્ચતેણ હોત્થા । સબ્વે વિ ણ દીહવેયહૃપવ્વયા પણુવીસં પણુવીસં જોયણાણિ ઉહુંઉચ્ચતેણ, પણુવીસં પણુવીસં ગાઉયાણિ ઉબ્બેધેણ પણન્તા । દોચ્ચાએ ણ પુઢવીએ પણુવીસં ણિરયાવાસસયવસહસ્સા પણન્તા । આયરસ્સ ણ ભગવતો સચૂલિયાયસ્સ પણુવીસં અજીવીણા પણન્તા । મિછાદિટ્ટિવિગલિંદિએ ણ અપજ્જન્તએ સંકિલિટ્ટપરિણામે ણામસ્સ કમ્મસ્સ પણુવીસં ઉત્તરપગડીઓ ણિબંધતિ, તંજહા—તિરિયગતિણામં, વિયલિંદિયજાતિણામં, ઓરાલિયસરીરણામં, તેયગસરીરણામં, કમ્મગસરીરણામં, હુંડસંઠાણણામં, ઓરાલિયસરીરંગોવંગણામં, સેવદુસંઘયણણામં, વણનામં, ગંધણામં, રસણામં, ફાસણામં, તિરિયાણપુબ્વિણામં, અગરૂલહુનામં, ઉવધાતણામં, તસણામં, બાદરણામં, અપજ્જતયણામં, પત્તેયસરીરણામં, અથિરણામં, અસુભણામં, દુભણામં, અણાદેજણામં, અજસોકિતીણામં, નિમ્માણણામં ૨૫ । ગંગા-સિંધૂઓ ણ મહાણદીઓ પણુવીસં ગાઉયાણિ પુહતેણ દુહતો ઘડમુહપવત્તિએણ મુત્તાવલિહારસંઠિટેણ પવાતેણ પવડંતિ । રત્તા-રત્તવતીઓ ણ મહાણદીઓ પણુવીસં ગાઉયાણિ પુહતેણ જાવ પવાતેણ પવડંતિ । લોગબિંદુસારસ્સ ણ પુબ્વસ્સ પણુવીસં વત્થુ પણન્તા । (૨) ઇમીસે ણ રત્તણપ્પભાએ પુઢવીએ અથેગતિયાણ નેરઝ્યાણ પણુવીસં પલિઓવમાં ઠિતી પણન્તા । અહેસત્તમાએ પુઢવીએ અથેગતિયાણ નેરઝ્યાણ પણુવીસં સાગરોવમાં ઠિતી

પણન્તા | અસુરકુમારાણ દેવાણ અત્થેગતિયાણ પણુવીસં પલિઓવમાં ઠિતી પણન્તા | સોહમ્મીસાણેસુ કપ્પેસુ અત્થેગતિયાણ દેવાણ પણુવીસં પલિઓવમાં ઠિતી પણન્તા | મજ્જિમહેદ્વિમગેવેજ્જાણ દેવાણ જહણેણ પણુવીસં સાગરોવમાં ઠિતી પણન્તા | (૩) જે દેવા હેદ્વિમતવરિમગેવેજગવિમાણેસુ દેવતાતે ઉવવણા તેસિ ણ દેવાણ [ઉકોસેણ ?] પણુવીસં સાગરોવમાં ઠિતી પણન્તા | તે ણ દેવા પણુવીસાએ અદ્વમાસેહિં આણમંતિ વા પાણમંતિ વા ઊસસંતિ વા નીસસંતિ વા | તેસિ ણ દેવાણ પણુવીસાએ વાસસસેહિં આહારદ્વે સમુપ્પજતિ | (૪) સંતેગતિયા ભવસિદ્ધિયા જીવા જે પણુવીસાએ [ભવગ્ગહણેહિં સિજ્જિસ્સંતિ જાવ અંત કરેસ્સંતિ |] [૨૬.]

★☆☆ (૧) છબ્બીસં દસ-કપ્પ-વવહારાણ ઉદ્દેસણકાલા પણન્તા, તંજહા—દસ દસાણ, છ કપ્પસ્સ, દસ વવહારસ્સ | અભવસિદ્ધિયાણ જીવાણ મોહણિજસ્સ કમ્મસ્સ છબ્બીસં કમ્મસા સંતકમ્મા પણન્તા, તંજહા—મિચ્છતમોહણિજં, સોલસ કસાયા, ઇન્થીવેદે પુરિસવેદે, નપુંસકવેદે, હાસં, અરતિ, રતિ, ભયં, સોગો, દુગુંછા | (૨) ઇમીસે ણ ર્યણપ્પભાએ પુઢવીએ અત્થેગતિયાણ નેરઝયાણ છબ્બીસં પલિઓવમાં ઠિતી પણન્તા | અહેસત્તમાએ પુઢવીએ અત્થેગતિયાણ નેરઝયાણ છબ્બીસં સાગરોવમાં ઠિતી પણન્તા | અસુરકુમારાણ દેવાણ અત્થેગતિયાણ છબ્બીસં પલિઓવમાં ઠિતી પણન્તા | સોહમ્મીસાણેસુ કપ્પેસુ અત્થેગતિયાણ દેવાણ છબ્બીસં પલિઓવમાં ઠિતી પણન્તા | મજ્જિમમજ્જિમગેવેજ્જયાણ દેવાણ જહણેણ છબ્બીસં સાગરોવમાં ઠિતી પણન્તા | (૩) જે દેવા મજ્જિમહેદ્વિમગેવેજ્જયવિમાણેસુ દેવતાતે ઉવવણા તેસિ ણ દેવાણ ઉકોસેણ છબ્બીસં સાગરોવમાં ઠિતી પણન્તા | તે ણ દેવા છબ્બીસાએ અદ્વમાસેહિં આણમંતિ વા પાણમંતિ વા ઊસસંતિ વા નીસસંતિ વા | તેસિ ણ દેવાણ છબ્બીસાએ વાસસહસ્સેહિં આહારદ્વે સમુપ્પજતિ | (૪) સંતેગતિયા ભવસિદ્ધિયા જીવા જે છબ્બીસાએ ભવગ્ગહણેહિં [સિજ્જિસ્સંતિ] જાવ અંત કરેસ્સંતિ | [૨૭.] ★☆☆ (૧) સત્તાવીસં અણગારગુણા પણન્તા, તંજહા—પાણાતિવાતવેરમણે, એવં પંચ વિ | સોતિંદિયનિંગહે જાવ ફાસિંદિયનિંગહે | કોધવિવેગે જાવ લોભવિવેગે | ભાવસચ્ચે, કરણસચ્ચે, જોગસચ્ચે, ખમા, વિરાગતા, મણસમાહરણતા, વતિસમાહરણતા, કાયસમાહરણતા, ણાણસંપણણયા, દંસણસંપણણયા, ચરિત્તસંપણણયા, વેયણઅધિયાસણતા, મારણંતિયઅહ્યાસણયા | જંબુદ્ધીવે દીવે અભિઇવજેહિં સત્તાવીસાએ ણકુખતેહિં સંવહારે વદૃતિ | એગમેગે ણ ણકુખત્તમાસે સત્તાવીસં રાતિંદિયાં રાતિંદિયગેણ પણતે | સોહમ્મીસાણેસુ કપ્પેસુ વિમાણપુઢવી સત્તાવીસં જોયણસતાં બાહલ્લેણ પણન્તા | વેયગસમ્મત્તબંધોવરયસ્સ ણ મોહણિજસ્સ કમ્મસ્સ સત્તાવીસં ઉત્તરપગડીઓ સતકમ્મસા પણન્તા | સાવણસુદ્ધસત્તમીએ ણ સૂરિએ સત્તાવીસંગુલિયં પોરિસિચ્છાયં ણિવ્વતિઝ્તા ણ દિવસખેતં નિવહેમાણે રયણિખેતં અભિણિવહેમાણે ચારં ચરતિ | (૩) ઇમીસે ણ ર્યણપ્પભાએ પુઢવીએ અત્થેગતિયાણ નેરઝયાણ સત્તાવીસં પલિઓવમાં ઠિતી પણન્તા | અહેસત્તમાએ પુઢવીએ અત્થેગતિયાણ નેરઝયાણ સત્તાવીસં પલિઓવમાં ઠિતી પણન્તા | સોહમ્મીસાણેસુ કપ્પેસુ અત્થેગતિયાણ દેવાણ સત્તાવીસં પલિઓવમાં ઠિતી પણન્તા | મજ્જિમતવરિમગેવેજ્જયાણ દેવાણ જહણેણ સત્તાવીસં સાગરોવમાં ઠિતી પણન્તા | (૩) જે દેવા મજ્જિમમજ્જિમગેવેજ્જયવિમાણેસુ દેવતાતે ઉવવણા તેસિ ણ દેવાણ ઉકોસેણ સત્તાવીસં સાગરોવમાં ઠિતી પણન્તા | તે ણ દેવા સત્તાવીસાએ અદ્વમાસેહિં આણમંતિ વા પાણમંતિ વા ઊસસંતિ વા | તેસિ ણ દેવાણ સત્તાવીસાએ વાસસહસ્સેહિં આહારદ્વે સમુપ્પજતિ | (૪) સંતેગતિયા ભવસિદ્ધિયા જીવા જે સત્તાવીસાએ ભવગ્ગહણેહિં [સિજ્જિસ્સંતિ] જાવ અંત કરેસ્સંતિ | [૨૮.] ★☆☆ (૧) અદ્વાવીસતિવિહે આયારપકપે પણતે, તંજહા—માસિયા આરોવણા, સપંચરાયમાસિયા આરોવણા, સદસરાતમાસિયા આરોવણા, સપણણરસરાતમાસિયા આરોવણા, સવીસતિરાયમાસિયા આરોવણા, સપંચવીસરાતમાસિયા આરોવણા, એવં ચેવ દોમાસિયા આરોવણા, સપંચરાતદોમાસિયા આરોવણા, એવં તેમાસિયા આરોવણા, ચતુમાસિયા આરોવણા, ઉઘાતિયા આરોવણા, અણગાતિયા આરોવણા, કસિણા આરોવણા, અકસિણા આરોવણા | ઇત્તાવ તાવ આયારપકપે, ઇત્તાવતાવ આયરિયબે | ભવસિદ્ધિયાણ જીવાણ અત્થેગતિયાણ મોહણિજસ્સ કમ્મસ્સ અદ્વાવીસં કમ્મસા સંતકમ્મં પણન્તા, તંજહા—સમ્મત્તવેયળિજં, મિચ્છતવેયળિજં સમ્મમિચ્છતવેયળિજં, સોલસ કસાયા, ણવ ણોકસાયા | આભિણિબોહિયણે અદ્વાવીસતિવિહે પણતે, તંજહા—સોતિંદિયત્થોગહે, ચક્રિંદિયત્થોગહે, ઘાણિંદિયત્થોગહે, જિબિંદિયત્થોગહે, ફાસિંદિયત્થોગહે, ણોંદિયત્થોગહે,

सोतिंदियवंजणोग्गहे, घाणिंदियवंजणोग्गहे, जिभिंदियवंजणोग्गहे, फासिंदियवंजणोग्गहे, सोतिंदियईहा जाव फासिंदियईहा, पोइंदियईहा, सोतिंदियावाते णोइंदियअवाते, सोइंदियधारणा जाव पोइंदियधारणा । ईसाणे णं कप्पे अट्टावीसं विमाणावाससयसहस्रा पण्णत्ता । जीवे णं देवगति निबंधमाणे नामस्स कम्मस्स अट्टावीसं उत्तरपगडीओ णिबंधति, तंजहा— देवगतिनामं, पंचेंदियजातिनामं, वेउव्वियसरीरनामं, तेययसरीरनामं, कम्मयसरीरनामं, समचउरंससंठाणणामं, वेउव्वियसरीरंगोवंगणामं, वणणामं, गंधणामं, रसणामं, फासणामं, देवाणुपुव्वीणामं, अगरुयलहुअनामं, उवधायनामं, पराधायनामं, ऊसासनामं, पसत्थविहायगइणामं, तसनामं, बायरणामं, पज्जतनामं, पत्तेयसरीरनामं, थिराथिराणं दोणहु अण्णयरं एगनामं णिबंधति, सुभासुभाणं दोणहमण्णयरं एगनामं निबंधइ, सुभगणामं, सुस्सरणामं, आएज्ज-अणाएज्जनामाणं दोणहमण्णयरं एगनामं निबंधइ, जसकित्तिनामं, निम्माणनामं । (२) इमीसे णं रतणप्पभाए पुढीवीए अत्थेगतियाण नेरइयाणं अट्टावीसं पलिओवमाइं ठिती पण्णत्ता । अहेसत्तमाए पुढीवीए अत्थेगतियाण नेरइयाणं अट्टावीसं सागरोवमाइं ठिती पण्णत्ता । असुरकुमाराणं देवाणं अत्थेगतियाणं अट्टावीसं पलिओवमाइं ठिती पण्णत्ता । सोहम्मीसाणेसु कप्पेसु देवाणं अथेगतियाणं अट्टावीसं पलिओवमाइं ठिती पण्णत्ता । उवरिमहेट्टिमगेवेज्याणं देवाणं जहणेणं अट्टावीसं सागरोवमाइं ठिती पण्णत्ता । (३) जे देवा मज्जिमउवरिमगेवेज्जएसु विमाणेसु देवत्ताते उववण्णा तेसि णं देवाणं उक्कोसेणं अट्टावीसं सागरोवमाइं ठिती पण्णत्ता । ते णं देवा अट्टावीसाए अद्वमासेहिं आणमंति वा पाणमंति वा ऊससंति वा नीससंति वा । तेसि णं देवाणं अट्टावीसाए वाससहस्रसेहिं आहारड्डे समुप्पज्जति । (४) संतेगतिया भवसिद्धिया जीवा जे अट्टावीसाए भवग्गहणेहिं सिज्जिस्संति जाव सब्बदुकखाणं अंतं करेस्संति । [२९] ★★★ (१) . एगूणतीसातिविहे पावसुतपसंगे पण्णत्ते, तंजहा— भोमे, उप्पाए, सुमिणे, अंतलिकखे, अंगे, सरे, वंजणे, लकखणे । भोमे तिविहे पण्णत्ते, तंजहा—सुत्तं, वित्ती, वत्तिए । एवं एकेकं तिविहं । विकहाणुयोगे, विजाणुजोगे, मंताणुजोगे, जोगाणुजोगे, अण्णतित्थियपवत्ताणुजोगे । आसाढे णं मासे एगूणतीसं रातिंदियाइं रातिंदियगेणं पण्णत्ते । भद्वते णं मासे [एगूणतीसं रातिंदियाइं रातिंदियगेणं पण्णत्ते] । कत्तिए णं [मासे एगूणतीसं रातिंदियाइं रातिंदियगेणं पण्णत्ते] । पोसे णं मासे [एगूणतीसं रातिंदियाइं रातिंदियगेणं पण्णत्ते] । फग्गुणे णं [मासे एगूणतीसं रातिंदियाइं रातिंदियगेणं पण्णत्ते] । वइसाहे णं मासे [एगूणतीसं रातिंदियाइं रातिंदियगेणं पण्णत्ते] । चंददिणे णं एकूणतीसं मुहुत्ते सातिरेगे मुहुत्तगेणं पण्णत्ते । जीवे णं पसत्थज्ञवसाणजुते भविए सम्मद्विद्वी तिथकरनामसहिताओ णामस्स णियमा एगूणतीसं उत्तरपगडीओ णिबंधत्ता वेमाणिएसु देवेसु देवत्ताए उववज्जति । (२) इमीसे णं रतणप्पभाए पुढीवीए अत्थेगतियाण नेरइयाणं एगूणतीसं पलिओवमाइं ठिती पण्णत्ता । असुरकुमाराणं देवाणं अत्थेगतियाणं एगूणतीसं पलिओवमाइं ठिती पण्णत्ता । सोहम्मीसाणेसु कप्पेसु अथेगतियाणं देवाणं एगूणतीसं पलिओवमाइं ठिती पण्णत्ता । उवरिममज्जिमगेवेज्याणं देवाणं जहणेणं एगूणतीसं सागरोवमाइं ठिती पण्णत्ता । (३) जे देवा उवरिमहेट्टिमगेवेज्यविमाणेसु देवत्ताते उववण्णा तेसि णं देवाणं उक्कोसेणं एगूणतीसं सागरोवमाइं ठिती पण्णत्ता । ते णं देवा एगूणतीसाए अद्वमासेहिं आणमंति वा पाणमंति वा ऊससंति वा नीससंति वा । तेसिं णं देवाणं एगूणतीसाए वाससहस्रसेहिं आहारड्डे समुप्पज्जति । (४) संतेगतिया भवसिद्धिया जीवा जे एगूणतीसाए भवग्गहणेहिं सिज्जिस्संति [जाव सब्बदुकखाणं अंतं करेस्संति] । [३०] ★★★ (१) तीसं मोहणिज्जठाणा पण्णत्ता, तंजहा— जे यावि तसे पाणे वारिमज्जे विगाहिया । उदएणक्रम्म मारेति महामोहं पकुब्बति ॥१९॥ सीसावेडेण जे केर्ई आवेडेति अभिकखणं । तिव्वासुभसमायरे महामोहं पकुब्बति ॥२०॥ पाणिणा संपिहित्ताणं सोयमावरिय पाणिणं । अंतो नदंतं मारेइ महामोहं पकुब्बइ ॥२१॥ जायतेयं समारब्भ बहुं ओरुंभिया जणं । अंतोधूमेण मारेइ महामोहं पकुब्बइ ॥२२॥ सीसम्मि जे पहणइ उत्तमंगम्मि चेयसा । विभज मत्थयं फाले महामोहं पकुब्बति ॥२३॥ पुणो पुणो पणिहीए हणित्ता उवहसे जणं । फलेण अदुव दंडेण महामोहं पकुब्बइ ॥२४॥ गूढायारी निगूहेज्जा मायं मायाए छायए । असच्चवाई पिणहाई महामोहं पकुब्बइ ॥२५॥ धंसेइ जो अभूएणं




अकम्मं अत्तकम्मुणा । अदुवा तुममकासि त्ति महामोहं पकुब्बव ॥२६॥ जाणमाणो परिसओ सच्चामोसाणि भासति । अकर्वीणझंझे पुरिसे महामोहं पकुब्बति ॥२७॥ अणायगस्स नयवं दारे तस्सेव धंसिया । विउलं विकखोभइत्ताणं किच्चा णं पडिबाहिरं ॥२८॥ उवगसंतं पि झंपित्ता पडिलोमाहिं वग्गौहिं । भोगभोगे वियरेति महामोहं पकुब्बति ॥२९॥ अकुमारभूए जे केइ कुमारभूए त्ति हं वए । इत्थीहिं गिछ्वे वसए महामोहं पकुब्बति ॥३०॥ अबंभयारी जे केइ बंभयारि त्ति हं वए । गढ्बेव गवं मज्जे विस्सरं नदई नदं ॥३१॥ अप्पणो अहिए बाले मायामोसं बहुं भसे । इत्थीविसयगेहीए महामोहं पकुब्बव ॥३२॥ जं निस्सिए उव्वहती जससा अहिगमेण वा । तस्स लुब्बम्म वित्तम्मि महामोहं पकुब्बव ॥३३॥ इस्सरेण अदुवा गामेण अणिस्सरे इस्सरीकए । तस्स संपण्णहीयस्स सिरी अतुलमागया ॥३४॥ ईसादोसेण आइट्टे कलुसाविलचेयसे । जे अंतरायं चेएइ महामोहं पकुब्बति ॥३५॥ सप्पी जहा अंडउं भत्तारं जो विहिंसइ । सेणावइं पसत्थारं महामोहं पकुब्बव ॥३६॥ जे नायगं व रुद्धस्स नेयारं निगमस्स वा । सेट्टिं बहुरवं हंता महामोहं पकुब्बति ॥३७॥ बहुजणस्स येयारं दीवं ताणं च पाणिणं । एयारिसं नरं हंता महामोहं पकुब्बति ॥३८॥ उवद्धियं पडिविरयं संजयं सुतवस्सियं । वोकम्म धम्मओ भंसे महामोहं पकुब्बति ॥३९॥ तहेवाणंतणाणीणं जिणाणं वरदंसिणं । तेसिं अवणिमं बाले महामोहं पकुब्बति ॥४०॥ नेयाउयस्स मग्गस्स दुट्टे अवयरई बहुं । तं तिप्पयंतो भावेति महामोहं पकुब्बति ॥४१॥ आयरियउवज्ञाएहिं सुयं विणयं च गाहिए ते चेव खिंसती बाले महामोहं पकुब्बति ॥४२॥ आयरियउवज्ञायाणं सम्मं नो पडितप्पइ । अप्पडिपूयए थब्बे महामोहं पकुब्बति ॥४३॥ अबहुस्सुए य जे केइ सुएण पविकत्थई । सज्ज्ञायवायं वयति महामोहं पकुब्बति ॥४४॥ अतवस्सिए य जे केइ तवेण पविकत्थइ । सब्बलोयपरे तेणे महामोहं पकुब्बति ॥४५॥ साहारणट्टा जे केइ गिलाणम्मि उवद्धिए । पभू ण कुणई किच्चं मज्जं पि से न कुब्बति ॥४६॥ सढे नियडिपण्णाणे कलुसाउलचेयसे । अप्पणो य अबोहीए महामोहं पकुब्बति ॥४७॥ जे कहाहिगरणाइं संपउंजे पुणो पुणो । सब्बतित्थाण भेयाय महामोहं पकुब्बति ॥४८॥ जे य आहम्मिए जोए संपउंजे पुणो पुणो । साहाहेउं सहीहेउं महामोहं पकुब्बति ॥४९॥ जे य माणुस्सए भोए अदुवा पारलोइए । तेऽतिप्पयंतो आसयति महामोहं पकुब्बति ॥५०॥ इही जुती जसो वणो देवाणं बलवीरियं । तेसिं अवणिमं बाले महामोहं पकुब्बति ॥५१॥ अपस्समाणो पस्सामि देवे जकखे य गुज्जगे । अणाणी जिणपूयट्टी महामोहं पकुब्बति ॥५२॥ थेरे णं मंडियपुत्ते तीसं वासाइं सामण्णपरियागं पाउणित्ता सिद्धे बुद्धे जाव सब्बदुक्खप्पहीणे । एगमेगे णं अहोरस्ते तीसं मुहुत्ता मुहुत्तगेणं पण्णन्ते । एतेसि णं तीसाए मुहुत्ताणं तीसं नामधेज्जा पण्णत्ता, तंजहा—रोहे, सेते, मित्ते, वाऊ, सुपीए ५, अभियंदे, माहिदे, बलवं, बंभे, सच्चे १०, आणंदे, विजए, वीससेणे, पायावच्चे, उवसमे १५, ईसाणे, तट्टे, भावियप्पा, वेसमणे, वरुणे २०, सतरिसभे, गंधव्वे, अग्निवेसायणे, आतवं, आवत्तं २५, तट्टवं, भूमहं, रिसभे, सब्बदुसिद्धे, रक्खसे ३० । अरे णं अरहा तीसं धण्डूँ उड्हुंउच्चत्तेणं होत्था । सहस्सारस्स णं देविंदस्स देवरण्णो तीसं सामाणियसाहस्सीतो पण्णत्ताओ । पासे णं अरहा तीसं वासाइं अगारमज्ज्ञावसित्ता अगारातो अणगारियं पव्वतिते । समणे भगवं महावीरे तीसं वासाइं अगार जाव पव्वतिते । रयणप्पभाए णं पुढवीए तीसं निरयावाससतसहस्सा पण्णत्ता । (२) इमीसे णं रतणप्पभाए पुढवीए अत्येगतियाणं नेरइयाणं तीसं पलिओवमाइं ठिती पण्णत्ता । अहेसत्तमाए पुढवीए अत्येगतियाणं नेरइयाणं तीसं सागरोवमाइं ठिती पण्णत्ता । असुरकुमाराणं देवाणं अत्येगतियाणं तीसं पलिओवमाइं ठिती पण्णत्ता । 【सोहम्मीसाणेसु कप्पेसु अत्येगतियाणं देवाणं तीसं पलिओवमाइं ठिती पण्णत्ता ?】 उवरिम् [उवरिम्] गेवेज्याणं देवाणं जहणेणं तीसं सागरोवमाइं ठिती पण्णत्ता । (३) जे देवा उवरिममज्ज्ञमगेवेजाएसु विमाणेसु देवत्ताते उववण्णा तेसिं णं देवाणं उक्कोसेणं तीसं सागरोवमाइं ठिती पण्णत्ता । ते णं देवा तीसाए अब्दमासेहिं आणमंति वा पाणमंति वा ऊससंति वा नीससंति वा जाव तीसाए वाससहस्सेहिं आहारट्टे [समुप्पज्जति] । (४) संतेगतिया भवसिद्धिया जीवा जे तीसाए भवग्गहणेहिं सिज्जिस्संति जाव सब्बदुक्खाणं अंतं करेस्संति । [३१] ☆☆☆(१) एकतीसं सिद्धाइगुणा पण्णत्ता, तंजहा—खीणे आभिणिबोहियणाणावरणे, सुयणाणावरणे, ओहिणाणावरणे, मणपञ्जवणाणावरणे, खीणे केवलणाणावरणे, एवं अचक्खुदंसणावरणे, ओहिदंसणावरणे निद्धा, णिद्धाणिद्धा, पयला, पयलापयला, खीणे थिणगिद्धी । खीणे सातावेयणिज्जे, खीणे असायावेयणिज्जे । खीणे दंसणमोहे, खीणे चरित्तमोहणिज्जे । खीणे नेरइयाउए, तिरियाउए, माणुसाउए, देवाउए । खीणे उच्चागोए, खीणे निच्चागोए, एवं सुभणामे

असुभणामे । खीणे दाणंतराए, एवं लाभ-भोग-उवभोग-वीरियंतराए ३१ । मंदरे णं पव्वते धरणितले एक्तीसं जोयणसहस्साइं छ्व तेवीसे जोयणसते किंचिदेसूपे परिक्खेवेण पण्णते । जया सूरिए सब्बाहिरयं मंडलं उवसंकमित्ता णं चारं चरति तया णं इहगयस्स मणूसस्स एक्तीसाए जोयणसहस्सेहिं अद्वहि य एक्तीसेहिं जोयणसतेहिं सीसाए सद्विभागेहिं जोयणस्स सूरिए चक्रखुफासं हव्वमागच्छति । अभिवह्विए णं मासे एक्तीसं सातिरेगाणि रातिंदियाणि रातिंदियगेणं पण्णते । आइच्चे णं मासे एक्तीसं रातिंदियाणि किंचिविसेसूपाणि रातिंदियगेणं पण्णते । (२) इमीसे णं रयणप्पभाए पुढवीए अथेगतियाणं नेरइयाण एक्तीसं पलिओवमाइं ठिती पण्णता । अहेसत्तमाए पुढवीए अथेगतियाणं नेरइयाण एक्तीसं सागरोवमाइं ठिती पण्णता । असुरकुमाराणं देवाणं अथेगतियाणं एक्तीसं पलिओवमाइं ठिती पण्णता । सोहमीसाणेसु कप्पेसु अथेगतियाणं देवाणं एक्तीसं पलिओवमाइं ठिती पण्णता । विजय-वेजयंत-जयंत-अपराजिताणं देवाणं जहणेणं एक्तीसं सागरोवमाइं ठिती पण्णता । (३) जे देवा उवरिमउवरिमगेज्यविमाणेसु देवत्ताते उववण्णा तेसि णं देवाणं उक्कोसेणं एक्तीसं सागरोवमाइं ठिती पण्णता । ते णं देवा एक्तीसाए अद्वमासेहिं आणमंति वा पाणमंति वा ऊससंति वा नीससंति वा । तेसि णं देवाणं एक्तीसाए वाससहस्सेहिं आहारद्वे समुप्पज्जति । संतेगतिया भवसिद्धिया जीवा जे एक्तीसाए भवग्गहणेहिं सिज्जिस्संति जाव सब्बदुक्खाणं अंतं करेस्संति । [३२] ★★★ (१) बत्तीसं जोगसंगहा पण्णता, तंजहा—आलोयणा १ निरवलावे २, आवतीसु दढधम्मया ३ । अणिस्सितोवहाणे य ४, सिक्खा ५ निप्पडिकम्मया ६ ॥५३॥ अण्णातता ७ अलोभे य ८, तितिक्खा ९ अज्जवे १० सुई ११ । सम्मद्विटी १२ समाही य १३, आयारे १४ विणओवे १५ ॥५४॥ धितीमती य १६ संवेगे १७, पणिही १८ सुविहि १९ संवरे २० । अत्तदोसोवसंहारे २१, सब्बकामविरत्तया २२ ॥५५॥ पच्चक्खाणे २४-२४ विओसग्गे २५, अप्पमादे २६ लवालवे २७ । झाणसंवरजोगे य २८, उदए मारणंतिए २९ ॥५६॥ संगाणं च परिण्णा य ३०, पायच्छित्तकरणे ति य ३१ । आराहणा य मरणंते ३२, बत्तीसं जोगसंगहा ॥५७॥ बत्तीसं देविंदा पण्णता, तंजहा—चमरे, बलि, धरणे, भूयाणंदे, जाव घोसे, महाघोसे, चंदे, सूरे, सक्के, ईसाणे, सणंकुमारे जाव पाणते, अच्चुते । कुंथुस्स णं अरहओ बत्तीसं जिणा बत्तीसं जिणसया होत्था । सोहम्मे कप्पे बत्तीसं विमाणावाससतसहस्सा पण्णता । रेवतिणक्खते बत्तीसतितारे पण्णते । बत्तीसतिविहे णद्वे पण्णते । (२) इमीसे णं रयणप्पभाए पुढवीए अथेगतियाणं नेरइयाण बत्तीसं पलिओवमाइं ठिती पण्णता । असुरकुमाराणं देवाणं अथेगतियाणं बत्तीस पलिओवमाइं ठिती पण्णता । सोहमीसाणेसु कप्पेसु अथेगतियाणं देवाणं बत्तीसं पलिओवमाइं ठिती पण्णता । (३) जे देवा विजय-वेजयंत-जयंत-अपराजितविमाणेसु देवत्ताते उववण्णा तेसि णं देवाणं अथेगतियाणं बत्तीसं सागरोवमाइं ठिती पण्णता । ते णं देवा बत्तीसाए अद्वमासेहिं आणमंति वा पाणमंति वा ऊससंति वा नीससंति वा । तेसि णं देवाणं बत्तीसाए वाससहस्सेहिं आहारद्वे समुप्पज्जति । (४) संतेगतिया भवसिद्धिया जीवा जे बत्तीसाए भवग्गहणेहिं सिज्जिस्संति जाव सब्बदुक्खाणं अंतं करेस्संति । [३३] ★★★ (१) तेत्तीसं आसायणातो पण्णतातो, तंजहा—सेहे रातिणियस्स आसन्नं गंता भवति, [आसायणा सेहस्स] १, सेहे राइणियस्स पुरतो गंता भवति, [आसायणा सेहस्स २], सेहे राइणियस्स [स?] पक्खं गंता भवति, आसायणा सेहस्स ३, सेहे रातिणियस्स आसन्नं ठिच्चा भवति, आसायणा सेहस्स ४, जाव रातिणियस्स आलवमाणस्स तत्थगते चिय पडिसुणेति, [आसायणा सेहस्स] ३३, इति खलु एतातो तेत्तीसं आसायणातो । चमरस्स णं असुरिंदस्स असुररण्णो चमरचंचाए रायहाणीए एक्कमेके बारे तेत्तीसं तेत्तीसं भोमा पण्णता । महाविदेहे णं वासे तेत्तीसं जोयणसहस्साइं सातिरेगाइं विक्खंभेण पण्णताइं । जया णं सूरिए बाहिराणंतरं तच्च मंडलं उवसंकमित्ता णं चारं चरति तया णं इहंगतस्स पुरिसस्स तेत्तीसाए जोयणसहस्सेहिं किंचिविसेसूपेहिं चक्रखुफासं हव्वमागच्छति । (२) इमीसे णं रयणप्पभाए पुढवीए अथेगतियाणं नेरइयाण तेत्तीसं पलिओवमाइं ठिती पण्णता । अहेसत्तमाए पुढवीए काल-महाकाल-रोस्य-महारोस्येसु नेरइयाण उक्कोसेणं तेत्तीसं सागरोवमाइं ठिती पण्णता । अप्पतिद्वाणे नरए नेरइयाण अजहणमणुक्कोसेणं तेत्तीसं सागरोवमाइं ठिती पण्णता । असुरकुमाराणं देवाणं अथेगतियाणं तेत्तीसं पलिओवमाइं ठिती पण्णता । सोहमीसाणेसु कप्पेसु अथेगतियाणं देवाणं

તેતીસં પલિઓવમાં ઠિતી પણત્તા । વિજય-વેજયંત-જયંત-અપરાજિતેસુ વિમાણેસુ ઉકોસેણ તેતીસં સાગરોવમાં ઠિતી પણત્તા । (૩) જે દેવા સવ્વદૃસિદ્ધં મહાવિમાણ દેવતાતે ઉવવળણ તેસિ ણ દેવાણ અજહણમણુકોસેણ તેતીસં સાગરોવમાં ઠિતી પણત્તા । તે ણ દેવા તેતીસાએ અદ્વમાસેહિં આણમંતિ વા પાણમંતિ વા ઊસસંતિ વા નીસસંતિ વા । તેસિ ણ દેવાણ તેતીસાએ વાસસહસ્સેહિં આહારદ્વે સમુપ્પજતિ । (૪) સંતેગતિયા ભવસિદ્ધિયા જીવા જે તેતીસાએ ભવગ્ગહણેહિં સિજ્જિસ્સંતિ [જાવ સવ્વદુક્કખાણ અંતં કરેસ્સંતિ] । [૩૪.] ★★★ ચોતીસં બુદ્ધાતિસેસા પણત્તા, તંજહા—અવદ્વિતે કેસુ-મંસુ-રોમ-ણહે ૧, નિરામયા નિરુવલેવા ગાયલદ્વી ૨, ગોર્કીરપંહુરે મંસસોળિતે ૩, પઉમુપ્પલગંધિએ ઉસ્સાસનિસ્સાસે ૪, પચ્છને આહારનીહારે અદિસ્સે મંસચક્કખુણા ૫, આગાસગયં ચક્કં ૬, આગાસગં છત્તં ૭, આગાસિયાઓ સેયવરચામરાતો ૮, આગાસફાલિયામયં સપાયપીઢં સીહાસણં ૯, આગાસગતો કુડભીસહસ્સપરિમંડિયાભિરામો ઇંદ્જઝાઓ પુરતો ગચ્છતિ ૧૦, જત્થ જત્થ વિ ય ણ અરહંતા ભગવંતો ચિદ્વંતિ વા નિસીયંતિ વા તત્થ તત્થ વિ ય ણ તક્કખણાદેવ સંછ્ચપત્તપુષ્પપલ્લવસમાઉલો સંચ્છતો સજ્જાઓ સંઘંટો સપઢાતો અસોગવરપાયવો અભિસંજાયતિ ૧૧, ઈસિ પિદ્વાઓ મઉડ્વાણમ્મિ તેયમંડલં અભિસંજાયતિ, અંધકારે વિ ય ણ દસ દિસાતો પભાસેતિ ૧૨, બહુસમરમળિજે ભૂમિભાગે ૧૩, અહોસિરા કંટયા ભવંતિ ૧૪, ઉડુ અવિવરીયા સુહફાસા ભવંતિ ૧૫, સીતલેણ સુહફાસેણ સુરભિણા મારુણં જોયણપરિમંડલં સવ્વાઓ સમંતા સંપમજ્જિજ્જિત્તિ ૧૬, જુત્તફુસિએણ ય મેહેણ નિહયરયરેણું કજતિ ૧૭, જલથલયભાસુરપભૂતેણ વિંટ્ટાઙ્ગણ દસદ્વવણેણ કુસુમેણ જાણુસ્સેહપ્પમાણમેતે પુષ્પોવયારે કજતિ ૧૮, અમણુણાણં સદ્વ-ફરિસ-રસ-રૂવ-ગંધાણ અવકરિસો ભવતિ ૧૯, મણુણાણં સદ્વ-ફરિસ-રસ-રૂવ-ગંધાણ પાઉબાવો ભવતિ ૨૦, પચ્ચાહરતો વિ ય ણ હિયયગમણીઓ જોયણનીહારીસરો ૨૧, ભગવં ચ ણ અદ્વમાગધાએ ભાસાએ ધમ્મમાતિકખતિ ૨૨, સા વિ ય ણ અદ્વમાગધા ભાસા ભાસિજમાણી તેસિ સવ્વેસિં આરિયમણારિયાણ દુપ્પય-ચઉપ્પયમિય-પસુ-પક્ખિખ-સિરીસિવાણ અપ્પપળો હિતસિવસુહદા ભાસત્તાએ પરિણમતિ ૨૩, પુવ્વબદ્વવેરા વિ ય ણ દેવાસુર-નાગ-સુવણ-જક્કખ-રક્કખસ-કિંનર-કિંપુરિસ-ગરુલ-ગંધબ્વ-મહોરગા અરહતો પાયમૂલે પસંતચિત્તમાણસા ધમ્મં નિસામેતિ ૨૪, અણતિત્થિયપાવયણી વિ ય ણ આગયા વંદંતિ ૨૫, આગયા સમાણા અરહો પાયમૂલે નિપ્પદિવયણાભવંતિ ૨૬, જતો જતો વિ ય ણ અરહંતા ભગવંતો વિહરંતિ તતો તતો વિ ય ણ જોયણપણુવીસાએણ ઈંતી ન ભવતિ ૨૭, મારી ન ભવતિ ૨૮, સચક્કં ન ભવતિ ૨૯, પરચક્કં ન ભવતિ ૩૦, અતિવુદ્વી ન ભવતિ ૩૧, અણાવુદ્વી ન ભવતિ ૩૨, દુભિકખં ન ભવતિ ૩૩, પુવ્વપ્પણા વિ ય ણ ઉપ્પાતિયા વાહી ખિપ્પામેવ ઉવસમંતિ ૩૪ । જંબુદ્વીવે ણ દીવે ચ઱તીસં ચક્કવદ્વિવિજયા પણત્તા, તંજહા—બત્તીસં મહાવિદેહે ભરહે, એરવએ । જંબુદ્વીવે ણ દીવે ચોતીસં દીહવેયહ્વા પણત્તા । જંબુદ્વીવે ણ દીવે ઉકોસેપદે ચોતીસં તિત્થકરા સમુપ્પજંતિ । ચમરસ્સ ણ અસુરિંદસ્સ અસુરરણો ચોતીસં ભવણાવાસસતસહસ્સા પણત્તા । પઢમ-પંચમ-છદ્વી-સત્તમાસુ ચતુસુ પુઢવીસુ ચોતીસં નિરયાવાસસતસહસ્સા પણત્તા । [૩૫]. ★★★ પણતીસં સચ્વવયણાઇસેસા પણત્તા । કુંથૂ ણ અરહા પણતીસં ધણૂં ઉહુંઉચ્ચતેણ હોત્થા । દત્તે ણ વાસુદેવે પણતીસં ધણૂં ઉહુંઉચ્ચતેણ હોત્થા । નંદળે ણ બલદેવે પણતીસં ધણૂં ઉહુંઉચ્ચતેણ હોત્થા । સોહમ્મે કાપે સભાએ સોહમ્માએ માણવએ ચેતિયકખંભે હેઢ્વા ઉવરિં ચ અદ્વતેરસ અદ્વતેરસ જોયણાણ વજેત્તા મજ્જો પણતીસાએ જોયણેસુ વતિરામએસુ ગોલવદૃસમુગ્ગતેસુ જિણસકહાતો પણત્તાતો । બિતિય-ચઉત્થીસુ દોસુ પુઢવીસુ પણતીસં નિરયાવાસસયસહસ્સા પણત્તા । [૩૬]. ★★★ છતીસં ઉત્તરજ્જયણ પણત્તા, તંજહા—વિણયસું ૧, પરીસહા ૨, ચાઉરંગિજ્જ ૩, અસંખયં ૪, અકામમરણિજ્જ ૫, પુરિસવિજા ૬, ઉરબિમજ્જ ૭, કાવિલિજ્જ ૮, નમિપવ્વજા ૯, દુમપત્તયં ૧૦, બહુસુતપુજ્જા ૧૧, હરિતેસિજ્જ ૧૨, ચિત્તસંભૂયં ૧૩, ઉસુકારિજ્જ ૧૪, સભિકખુંગ ૧૫, સમાહિદ્વાણાં ૧૬, પાવસમણિજ્જ ૧૭, સંજહ્જં ૧૮, મિયચારિતા ૧૯, અણાહપવ્વજા ૨૦, સમુદ્ધપાલિજ્જ ૨૧, રહનેમિજ્જ ૨૨, ગોતમકેસિજ્જ ૨૩, સમિતીઓ ૨૪, જણતિજ્જ ૨૫, સામાયારી ૨૬, ખલુંકિજ્જ ૨૭, મોક્કખમગ્ગતી ૨૮, અપ્પમાતો ૨૯, તવોમગ્ગો ૩૦, ચરણવિહી ૩૧, પમાયદ્વાણાં ૩૨, કમ્મપગડિ ૩૩, લેસજ્જયણ ૩૪, અણગારમગ્ગો ૩૫, જીવાજીવવિભતી ય ૩૬ । ચમરસ્સ ણ અસુરિંદસ્સ અસુરરણો સભા સુધમ્મા છતીસં જોયણાં ઉહુંઉચ્ચતેણ હોત્થા । સમણસ્સ ણ ભગવતો મહાવીરસ્સ છતીસં અજાણ સાહસ્સીતો હોત્થા । ચેતાસોએસુ ણ માસેસુ સતિ

છત્તીસંગુલિયં સૂરિએ પોરિસિચ્છાયં નિવ્વત્તતિ । [૩૭] ★★★. કુંથુસ્સ ણ અરહતો સત્તતીસં ગણ સત્તતીસં ગણહરા હોત્થા । હેમવય-હેરણવતિયાતો ણ જીવાતો સત્તતીસં સત્તતીસં જોયણસહસ્સાઇં છચ્ચ ચોવત્તરે જોયણસતે સોલસ ય એકૂણવીસિભાએ જોયણસ્સ કિંચિવિસેસ્યુણાતો આયામેણ પણન્તાતો । સવાસુ ણ વિજય-વેજયંત-જયંત-અપરાજિતાસુ રાયધારીસુ પાગારા સત્તતીસં સત્તતીસં જોયણાઇં ઉહુંઉચ્ચતેણ પણન્તા । ખુદ્ધિયાએ ણ વિમાણપ્પવિભતીએ પઢ્મે વગે સત્તતીસં ઉદ્દેસણકાલા પણન્તા । કત્તિયબહુલસત્તમીએ ણ સૂરિએ સત્તતીસંગુલિયં પોરિસિચ્છાયં નિવ્વત્તિઝત્તા ણ ચારં ચરતિ । [૩૮]★★★. પાસસ્સ ણ અરહતો પુરિસાદારીયસ્સ અદૃતીસં અજીઆસાહસ્સીતો ઉકોસિયા અજીયાસંપયા હોત્થા । હેમવતેરણવતિયાણ જીવાણ ધણૂવદ્વા અદૃતીસં અદૃતીસં જોયણસહસ્સાઇં સત્ત ય ચત્તાલે જોયણસતે દસ એગૂણવીસતિભાગે જોયણસ્સ કિંચિવિસેસ્યુણા પરિક્ખેવેણ પણન્તા । અત્થસ્સ ણ પબ્બયરણો બિતિએ કંડે અદૃતીસં જોયણસહસ્સાઇં ઉહુંઉચ્ચતેણ પણન્તે । ખુદ્ધિયાએ ણ વિમાણપ્પવિભતીએ બિતિએ વગે અદૃતીસં ઉદ્દેસણકાલા પણન્તા । [૩૯]★★★ નમિસ્સ ણ અરહતો એગૂણચત્તાલીસં આહોહિયસયા હોત્થા । સમયખેતે ણ એકૂણચત્તાલીસં કુલપબ્બયા પણન્તા, તંજહા—તીસં વાસહરા, પંચમંદરા, ચત્તારિ ઉસુકારા । દોચ્ચ-ચતુથ્થ-પંચમ-છદ્ધ-સત્તમાસુ ણ પંચસુ પુઢવીસુ એકૂણચત્તાલીસં નિરયાવાસસતસહસ્સા પણન્તા । નાણાવરણિજસ્સ મોહણિજસ્સ ગોત્તસ્સ આઉસ્સ વિ એતાસિ ણ ચુણં કમ્પપગડીણ એકૂણચત્તાલીસં ઉત્તરપગડીતો પણન્તાઓ । [૪૦]★★★ અરહતો ણ અરિદુનેમિસ્સ ચત્તાલીસં અજીયાસાહસ્સીતો હોત્થા । મંદરચૂલિયા ણ ચત્તાલીસં જોયણાઇં ઉહુંઉચ્ચતેણ પણન્તા । સંતી અરહા ચત્તાલીસં ઘણૂં ઉહુંઉચ્ચતેણ હોત્થા । ભૂયાંદસ્સ ણ ણાગિંદસ્સ ? નાગરણો ચત્તાલીસં ભવણાવાસસયસહસ્સા પણન્તા । ખુદ્ધિયાએ ણ વિમાણપ્પવિભતીએ તતિએ વગે ચત્તાલીસં ઉદ્દેસણકાલા પણન્તા । ફળુણપુણિમાસિણીએ ણ સૂરિએ ચત્તાલીસંગુલિયં પોરિસિચ્છાયં નિવ્વદ્ધિઝત્તા ણ ચારં ચરતિ । એવં કત્તિયાએ વિ પુણિમાએ । મહાસુકે કપ્પે ચત્તાલીસં વિમાણાવાસસહસ્સા પણન્તા । [૪૧]★★★ નમિસ્સ ણ અરહતો એકુણચત્તાલીસં અજીયાસાહસ્સીઓ હોત્થા । ચુસુ પુઢવીસુ એકુણચત્તાલીસં નિરયાવાસસયસહસ્સા પણન્તા, તંજહા—રયણપ્પભાએ પંકપ્પભાએ તમાએ તમતમાએ । મહલિયાએ ણ વિમાણપ્પવિભતીએ પઢ્મે વગે એકુણચત્તાલીસં ઉદ્દેસણકાલા પણન્તા । [૪૨]★★★ સમણે ભગવં મહાવીરે બાયલીસં વાસાઇં સાહિયાઇં સામણણપરિયાં પાઉણિત્તા સિદ્ધે જાવ પ્પહીણે । જંબુદ્ધીવસ્સ ણ દીવસ્સ પુરત્થિમિલાઓ ચરિમંતાઓ ગોશુભસ્સ ણ આવસપબ્વતસ્સ પચ્ચત્થિમિલ્લે ચરિમંતે એસ ણ બાતાલીસં જોયણસહસ્સાઇં અબાહાતે અંતરે પણન્તે । એવં ચતુદ્વિસિં પિ દાઓભાસે સંખે દયસીમે ય । કાલોએ ણ સમુદ્રે બાયલીસં ચંદા જોતિસુ વા જોઇંતિ વા જોતિસંતિ વા । બાયલીસં સૂરિયા પભાસિસુ વા પભાસિંતિ વા પભાસિસંતિ વા । સંમુચ્છિમભૂયપરિસપ્પાણ ઉકોસેણ બાયલીસં વાસસહસ્સાઇં ઠિરી પણન્તા । નામે ણ કમ્પે બાયલીસિવિહૈ પણન્તે, તંજહા—ગતિણામે જાતિણામે સરીરણામે સરીરંગોવંગણામે સરીરબંધણણામે સરીરસંધાયણણામે સંઘયણણામે સંઠાણણામે વણણણામે ગંધણામે રસનામે ફાસણામે અગરુલહૃયણામે ઉવધાયણામે પરાધાતણામે આણુપુન્નીણામે ઉસ્સાસણામે આતવણામે ઉજ્જોયણામે વિહણગતિણામે તસણામે થાવરણામે સુહુમણામે બાદરણામે પજત્તણામે અપજત્તણામે સાધારણસરીરણામે પત્તેયસરીરણામે થિરણામે અથિરણામે સુભણામે અસુભણામે સુભગણામે દુબ્ભગણામે સુસરણામે દુસ્સરણામે આદેજણામે અણાદેજણામે જસોકિત્તિણામે અજસોકિત્તિણામે નિમ્માણણામે તિત્થકરણામે । લવણે ણ સમુદ્રે બાયલીસં નાગસાહસ્સીઓ અભિમંતરિયં વેલેં ધારેંતિ । મહાલિયાએ ણ વિમાણપ્પવિભતીએ બિતિએ વગે બાયલીસં ઉદ્દેસણકાલા પણન્તા । એગેનાએ ણ ઓસપ્પિણીએ પંચમ-છદ્ધીતો સમાતો બાયલીસં વાસસહસ્સાઇં કાલેણ પણન્તાતો । એગેનાએ ણ ઉસ્સપ્પિણીએ પઢ્મ-બિતિયાતો સમાતો બાયલીસં વાસસહસ્સાઇં કાલેણ પણન્તાતો । [૪૩]★★★ તેતાલીસં કમ્પવિવાગજ્ઞયણ પણન્તા । પઢ્મ-ચતુથ્થ-પંચમાસુ તીસુ પુઢવીસુ તેતાલીસં નિરયાવાસસયસહસ્સા પણન્તા । જંબુદ્ધીવસ્સ ણ દીવસ્સ પુરત્થિમિલાઓ ચરિમંતાઓ ગોશુભસ્સ ણ આવસપબ્વતસ્સ પુરત્થિમિલ્લે ચરિમંતે એસ ણ તેયાલીસં જોયણસહસ્સાઇં અબાહાએ અંતરે પણન્તે । એવં ચતુદ્વિસિં પિ દાઓભાસે સંખે દયસીમે । મહાલિયાએ ણ વિમાણપ્પવિભતીએ તતિએ વગે તેતાલીસં ઉદ્દેસણકાલા પણન્તા । [૪૪] ★★★ ચોતાલીસં અજીયણા ઇસિભાસિયા દિયલોગચુતાભાસિયા પણન્તા । વિમલસ્સ ણ અરહતો ચોતાલીસં પુરિસજુગાઇં અણુપદ્વિસિદ્ધાઇં જાવ પ્પહીણાઇં



। धरणस्स णं नागिंदस्स नागरणो चोत्तालीसं भवणावाससयसहस्सा पण्णत्ता । महालियाए णं विमाणपविभत्तीए चउत्थे वग्गे चोत्तालीसं उद्देसणकाला पण्णत्ता । [४५] ★★★ समयखेते णं पणतालीसं जोयणसतसहस्साइं आयामविकखंभेणं पण्णत्ते । सीमंतए णं नरए पणतालीसं जोयणसतसहस्साइं आयामविकखंभेणं पण्णत्ते । एवं उदुविमाणे पण्णत्ते । ईसिपब्बारा णं पुढ्वी पण्णत्ता एवं चेव । धम्मे णं अरहा पणतालीसं धण्डूइं उहुंउच्चत्तेण होत्था । मंदरस्स णं पव्वतस्स चउद्दिसिं पि पणतालीसं पणतालीसं जोयणसहस्साइं अबाहाते अंतरे पण्णत्ते । सब्बे वि णं दिवहुखेत्तिया नकखता पणतालीसं मुहुते चंदेण सद्धिं जोगं जोएंसु वा जोएंति वा जोइस्संति वा—“तिन्नेव उत्तराइं, पुणव्वसू रोहिणी विसाहा य । एते छन्नकखता, पणतालमुहुत्तसंजोगा” ॥५८॥ महालियाए णं विमाणपविभत्तीए पंचमे वग्गे पणतालीसं उद्देसणकाला पण्णत्ता । [४६] ★★★ दिट्ठिवायस्स णं छायालीसं माउयापया पण्णत्ता । बंभीए णं लिवीए छायालीसं माउयकखरा पण्णत्ता । पभंजणस्स णं वातकुमारिंदस्स छायालीसं भवणावाससतसहस्सा पण्णत्ता । [४७] ★★★ जया णं सूरिए सव्वब्भंतरं मंडलं उवसंकमिता णं चारं चरति तथा णं इहगतस्स मणूसस्स सत्तचत्तालीसं जोयणसहस्सेहिं दोहि य तेवद्देहिं जोयणसतेहिं एकवीसाए य सट्ठिभागेहिं जोयणस्स सूरिए चकखुफासं हव्वमागच्छति । थेरे णं अग्निभूती सत्तचत्तालीसं वासाइं अगारमज्ञावसिता मुंडे भविता णं अगारातो अणगारियं पव्वझते । [४८] ★★★ एगमेगस्स णं रन्नो चाउरंतचक्कवट्ठिस्स अडयालीसं पद्धुणसहस्सा पण्णत्ता । धम्मस्स णं अरहतो अडयालीसं गणा अडयालीसं गणहरा होत्था । सूरमंडले णं अडयालीसं एकसट्ठिभागे जोयणस्स विकखंभेणं पण्णत्ते । [४९] ★★★ सत्तसत्तमिया णं भिकखुपडिमा एकूणपण्णाए रातिंदिएहिं छण्णउएण भिकखासतेण अहासुतं आराहिया भवइ । देवकुरु-उत्तरकुरासु णं मणुया एकूणपण्णाए रातिंदिएहिं संपत्तजोव्वणा भवंति । तेइंदियाणं उक्कोसेणं एकूणपण्णं रातिंदिया ठिती पण्णत्ता । [५०] ★★★ मुणिसुव्ययस्स णं अरहतो पंचासं अज्जियासाहस्सीतो होत्था । अणंती णं अरहा पण्णासं धण्डूइं उहुंउच्चत्तेण होत्था । पुरिसोत्तमे णं वासुदेवे पण्णासं धण्डूइं उहुंउच्चत्तेण होत्था । सब्बे वि णं दीहवेयह्ना मूले पण्णासं २ जोयणाणि विकखंभेणं पण्णत्ता । लंतए कप्पे पण्णासं विमाणावाससहस्सा पण्णत्ता । सव्वातो णं तिमिसगुहा-खंडगप्पवातगुहातो पण्णासं २ जोयणाइं आयामेणं पण्णत्तातो । सब्बे वि णं कंचणगपव्वया सिहरतले पण्णासं २ जोयणाइं विकखंभेणं पण्णत्ता । [५१] ★★★ नवण्हं बंभचेराणं एकावण्णं उद्देसणकाला पण्णत्ता । चमरस्स णं असुरिंदस्स असुररन्नो सभा सुधम्मा एकावण्णखंभसतसन्निविट्ठा पण्णत्ता । एवं चेव बलिस्स वि । सुप्पभे णं बलदेवे एकावण्णं वाससतसहस्साइं परमाउ पालइता सिद्धे बुद्धे जाव प्पहीणे । दंसणावरण-नामाणं दोण्हं कम्माणं एकावण्णं उत्तरपगडीतो पण्णत्तातो । [५२] ★★★ मोहणिज्जस्स णं कम्मस्स बावण्णं नामधेज्जा पण्णत्ता, तंजहा—कोहे कोवे रोसे दोसे अखमा संजलणे कलहे चंडिके भंडणे विवाए १०, माणे मदे दप्पे थंभे अन्तुक्कोसे गव्वे परपरिवाए उक्कोसे अवकोसे उण्णते उण्णामे २१, माया उवही नियडी वलए गहणे णूमे कक्के कुरुते दंभे कूडे झिम्मे किब्बिसिए आवरणया गूहणया वंचणया पलिकुंचणया सातिजोगे ३८, लोभे इच्छा मुच्छा कंखा गेही तण्हा भिज्जा अभिज्जा कामासा भोगासा जीवितासा मरणासा नंदी रागे ५२ । गोथुभस्स णं आवासपव्वतस्स पुरत्थिमिल्लातो चरिमंतातो वलयामुहस्स महापायालस्स पच्चत्थिमिले चरिमंते एस णं बावण्णं जोयणसहस्साइं अबाहाते अंतरे पण्णत्ते । दओभासस्स णं [आवासपव्वतस्स दाहिणिल्लातो चरिमंतातो] केउगस्स [महापायालस्स उत्तरिल्ले चरिमंते एस णं बावण्णं जोयणसहस्साइं अबाहाते अंतरे पण्णत्ते] । संखस्स [णं आवासपव्वतस्स पच्चत्थिमिल्लातो चरिमंतातो] जुयकस्स [महापायालस्स पुरत्थिमिले चरिमंते एस णं बावण्णं जोयणसहस्साइं अबाहाते अंतरे पण्णत्ते] । दगसीमस्स णं आवासपव्वतस्स उत्तरिल्लातो चरिमंतातो ईसरस्स महापायालस्स दाहिणिल्ले चरिमंते एस णं बावण्णं जोयणसहस्साइं अबाहाते अंतरे पण्णत्ते । नाणावरणिज्जस्स नामस्स अंतरातियस्स एतेसि णं तिण्हं कम्मपगडीणं बावण्णं उत्तरपगडीतो पण्णत्तातो । सोहम्म-सांकुमार-माहिवेसु तिसु कप्पेसु बावण्णं विमाणावाससतसहस्सा पण्णत्ता । [५३] ★★★ देवकुरु-उत्तरकुरियातो णं जीवातो तेवण्णं २, जोयणसहस्साइं साइरेगाइं आयामेणं पण्णत्तातो । महाहिमवंत-रुपीणं वासहरपव्वयाणं जीवातो तेवण्णं २, जोयणसहस्साइं नव य एकतीसे जोयणसते छच्च एकूणवीसतिभाए जोयणस्स आयामेणं

पण्णतातो । समणस्स णं भगवतो महावीरस्स तेवण्णं अणगारा संवच्छरपरियाया पंचसु अणुत्तरेसु महतिमहालएसु महाविमाणेसु देवताते उववन्ना । संमुच्छिमउरगपरिसप्पाणं उक्कोसेणं तेवण्णं वाससहस्साइं ठिती पण्णता । [५४] ★★★ भरहेरवएसु णं वासेसु एगमेगाए उस्सप्पिणीए एगमेगाए ओसप्पिणीए चउप्पण्णं २ उत्तमपुरिसा उप्पजिंसु वा उप्पजंति वा उप्पजिस्संति वा, तंजहा—चउवीसं तित्थकरा, बारस चक्रवट्टी, णव बलदेवा, णव वासुदेवा । अरहा णं अरिहुनेमी चउप्पण्णं रातिंदियाइं छउमत्थपरियागं पाउणित्ता जिणे जाए केवली सब्बण्णू सब्बभावदरिसी । समणे भगवं महावीरे एगदिवसेणं एगनिसेज्जाते चउप्पण्णं वागरणाइं वागरित्था । अणंतइस्स णं अरहतो चउप्पण्णं गणा चउप्पण्णं गणहरा होत्था । [५५] ★★★ मल्ली णं अरहा पणपञ्च वाससहस्साइं परमाउं पालइत्ता सिद्धे बुद्धे जाव प्पहीणे । मंदरस्स णं पब्बतस्स पच्चत्थिमिल्लातो चरिमंतातो विजयबारस्स पच्चत्थिमिल्ले चरिमंते एस णं पणपण्णं जोयणसहस्साइं अबाहाए अंतरे पण्णते । एवं चउद्दिसिं पि वेजयंतं जयंत अपराजियं ति । समणे भगवं महावीरे अंतिमरातियंसि पणपण्णं अज्ज्ययणाइं कल्लाणफलविवागाइं पणपण्णं अज्ज्ययणाणि पावफलविवागाणि वागरेत्ता सिद्धे बुद्धे जाव प्पहीणे । पढम-बितियासु दोसु पुढवीसु पणपण्णं निरयावाससतसहस्सा पण्णता । दंसणावरणिज्ज-णामाऽउयाणं तिण्हं कम्मपगडीणं पणपण्णं उत्तरपगडीतो पण्णतातो । [५६] ★★★ जंबुद्वीवे णं दीवे छप्पण्णं नक्खत्ता चंदेण सद्धिं जोगं जोएंसु वा ३ । विमलस्स णं अरहतो छप्पण्णं गणा छप्पण्णं गणहरा होत्था । [५७] ★★★ तिण्हं गणिपिडगाणं आयारचूलियवज्जाणं सत्तावण्णं अज्जीणा पण्णता, तंजहा—आयारे सूतगडे ठाणे । गोथुभस्स णं आवासपब्बतस्स पुरत्थिमिल्लातो चरिमंतातो वलयामुहस्स महापातालस्स बहुमज्जदेसभाए एस णं सत्तावण्णं जोयणसहस्साइं अबाहाए अंतरे पण्णते । एवं दओभासस्स केउकस्स य, संखस्स जुयकस्स य, दयसीमस्स ईसरस्स य । मल्लिस्स णं अरहतो सत्तावण्णं मणपज्जवनाणिसता होत्था । महाहिमवंत-रुप्पीणं वासधरपब्बयाणं जीवाणं धणुपट्टा सत्तावण्णं २ जोयणसहस्साइं दोणिं य तेणउते जोयणसते दस य एकूणवीसतिभाए जोयणस्स परिकखेवेणं पण्णता । [५८] ★★★ पढम-दोच्च-पंचमासु तीसु पुढवीसु अद्वावण्णं उत्तरपगडीतो पण्णतातो । गोथुभस्स णं आवासपब्बतस्स पच्चत्थिमिल्लातो चरिमंतातो वलयामुहस्स महापायालस्स बहुमज्जदेसभाए एसं णं अद्वावण्णं जोयणसहस्साइं अबाहाए अंतरे पण्णते । एवं चउद्दिसिं पि नेतव्वं । [५९] ★★★ चंदस्स णं संवच्छरस्स एगमेगे उदू एगूणसद्धिं रातिंदियग्गेणं पण्णते । संभवे णं अरहा एकूणसद्धिं पुव्वसतसहस्साइं अगारमज्जो वसित्ता मुंडे जाव पब्बतिते । मल्लिस्स णं अरहतो एगूणसद्धिं ओहिणाणिसता होत्था । [६०] ★★★ एगमेगे णं मंडले सूरिए सद्वीए सद्वीए मुहुत्तेहिं संघाएइ । लवणस्स णं समुद्रस्स सद्धिं नागसाहस्सीओ अग्गोदयं धारेंति । विमले णं अरहा सद्धिं धणूइं उहुंउच्चतेणं होत्था । बलिस्स णं वझरोयणिंदस्स सद्धिं सामाणियसाहस्सीतो पण्णतातो । बंभस्स णं देविंदस्स देवरण्णो सद्धिं सामाणियसाहस्सीतो पण्णतातो । सोहम्मीसाणेसु दोसु कप्पेसु सद्धिं विमाणावाससतसहस्सा पण्णता । [६१] ★★★ पंचसंवच्छरियस्स णं जुगस्स रिदुमासेणं मिज्जमाणस्स एगसद्धिं उदुमासा पण्णता । मंदरस्स णं पब्बतस्स पढमे कंडे एगसद्धिं जोयणसहस्साइं उहुंउच्चतेणं पण्णते । चंदमंडले णं एगसद्धिविभागभतिए समंसे पण्णते । एवं सूरस्स वि । [६२] ★★★ पंचसंवच्छरिए णं जुगे बावद्धिं पुणिमातो बावद्धिं अमावासातो [पण्णतातो] । वासुपुजस्स णं अरहतो बावद्धिं गणा बावद्धिं गणहरा होत्था । सुक्कपक्खस्स णं चंदे बावद्धिं बावद्धिं भागे दिवसे दिवसे परिवह्वति, ते चेव बहुलपक्खे दिवसे दिवसे परिहायति । सोहम्मीसाणेसु कप्पेसु पढमे पत्थडे पढमावलियाए एगमेगाए दिसाए बावद्धिं बावद्धिं विमाणा पण्णता । सब्बे वेमाणियाणं बावद्धिं विमाणपत्थडा पत्थडग्गेणं पण्णता । [६३] ★★★ उसभे णं अरहा कोसलिए तेवद्धिं पुव्वसतसहस्साइं महारायवासमज्जावसित्ता मुंडे भवित्ता णं अगारातो अणगारियं पब्बडते । हरिवास-रम्मयवासेसु मणूसा तेवद्वीए रातिंदिएहिं संपत्तजोब्बणा भवंति । निसद्धे णं पब्बते तेवद्धिं सूरोदया पण्णता । एवं नीलवंते वि । [६४] ★★★ अद्वुमिया णं भिक्खुपडिमा चउसद्वीए रातिंदिएहिं दोहि य अद्वासीतेहिं भिक्खासतेहिं अहासुत्तं जाव भवति । चउसद्धिं असुरकुमारावाससतसहस्सा पण्णता । चमरस्स णं रण्णो चउसद्धिं सामाणियसाहस्सीतो पण्णतातो । सब्बे वि णं दधिमुहपब्बया पल्लासंठाणसंठिता सब्बत्थ समा विक्खंभुस्सेहेणं चउसद्धिं चउसद्धिं जोयणसहस्साइं

# 乐府诗集

卷之三

पण्णता । सोहम्मीसाणेसु बंभलोए य तीसु कप्पेसु चउसद्विं विमाणावाससतसहस्सा पण्णता । सब्बस्स वि य णं रणो चाउरंतचक्कवट्टिस्स चउसद्वीलट्टीए महग्ये मुत्तामणिमए हारे पण्णते । [६५] ★★★ जंबुद्दीवे णं दीवे पणसद्विं सूरमंडला पण्णता । थेरेण मोरियपुत्ते पणसद्विं वासाइं अगारमज्जे वसित्ता मुंडे भवित्ता णं अगारातो अणगारियं पब्बतिते । सोहम्मवडेंसयस्स णं विमाणस्स एगमेगाए बाहाए पणसद्विं पणसद्विं भोमा पण्णता । [६६] ★★★ दाहिणहुमणुस्सखेत्ता णं छावद्विं चंदा पभासिंसु वा ३, छावद्विं सूरिया तवइंसु वा ३ । उत्तरहुमणुस्सखेत्ता णं छावद्विं चंदा पभासिंसु वा ३ । छावद्विं सूरिया तवइंसु वा ३ । सेजंसस्स णं अरहतो छावद्विं गणा छावद्विं गणहरा होत्था । आभिणिबोहियनाणस्स णं उक्कोसेण छावद्विं सागरोवमाइं ठिती पण्णता । [६७] ★★★ पंचसंवच्छरियस्स णं जुगस्स नक्खत्तमासेण मिज्जमाणस्स सत्तसद्विं नक्खत्तमासा पण्णता । हेमवतेरण्णवतियातो णं बाहातो सत्तसद्विं सत्तसद्विं जोयणसत्ताइं पणपण्णाइं तिण्णि य भागा जोयणस्स आयामेणं पण्णत्तातो । मंदरस्स णं पब्बतस्स पुरित्थमिल्लातो चरिमंतातो गोयमदीवस्स णं दीवस्स पुरित्थमिल्ले चरिमंते एस णं सत्तसद्विं जोयणसहस्साइं अबाधाते अंतरे पण्णते । सब्बेसिं पि णं नक्खत्ताणं सीमाविक्खंभे णं सत्तसद्विंभागभइते समंसे पण्णते । [६८] ★★★ धायझसंडे णं दीवे अद्वसद्विं चक्कवट्टिविजया अद्वसद्विं रायधाणीतो पण्णत्ताओ । उक्कोसपदे अद्वसद्विं अरहंता समुप्पज्जिंसु वा ३ । एवं चक्कवट्टी बलदेवा वासुदेवा । पुक्खरवरदीवहे णं अद्वसद्विं विजया एवं चेव जाव वासुदेवा । विमलस्स णं अरहतो अद्वसद्विं समणसाहस्सीतो उक्कोसिया समणसंपदा होत्था । [६९] ★★★ समयखेत्ते णं मंदरवज्जा एकूणसत्तरिं वासा वासधरपब्बत्ता पण्णता, तंजहा—पणतीसं वासा, तीसं वासहरा, चत्तारि उसुयारा । मंदरस्स पब्बतस्स पच्छत्थमिल्लातो चरिमंतातो गोतमदीवस्स पच्छत्थमिल्ले चरिमंते एस णं एकूणसत्तरिं जोयणसहस्साइं अबाधाए अंतरे पण्णते । मोहणिज्जवज्जाणं सत्तण्ह कम्पफगडीणं एकूणसत्तरिं उत्तरपगडीतो पण्णत्तातो । [७०] ★★★ समणे भगवं महावीरे वासाणं सवीसतिराते मासे वीतिक्कंते सत्तरीए रातिंदिएहिं सेसेहिं वासावासं पज्जोसविते । पासे णं अरहा पुरिसादाणीए सत्तरिं वासाइं बहुपडिपुण्णाइं सामण्णपरियाणं पाउणिता सिद्धे बुद्धे जाव प्पहीणे । वासुपुज्जे णं अरहा सत्तरिं धण्डूं उहुंउच्चतेणं होत्था । मोहणिज्जस्स णं कम्मस्स सत्तरिं सागरोवमकोडाकोडीओ अबाहूणिया कम्मद्विती कम्मणिसेगे पण्णते । माहिंद्रस्स णं देविंदस्स देवरण्णो सत्तरिं सामाणियसाहस्सीतो पण्णत्तातो । [७१] ★★★ चउत्थस्स णं चंदसंवच्छरस्स हेमंताणं एक्सत्तरीए राइंदिएहिं वीतिक्कंतेहिं सब्बबाहिरातो मंडलातो सूरिए आउद्विं करेति । वीरियपुव्वस्स णं पुव्वस्स एक्सत्तरिं पाहुडा पण्णता । अजिते णं अरहा एक्सत्तरिं पुव्वसतसहस्साइं अगारमज्जे वसित्ता मुंडे भवित्ता जाव पब्बतिते । एवं सगरे वि राया चाउरंतचक्कवट्टी एक्सत्तरिं पुव्व जाव पब्बतिते । [७२] ★★★ बावत्तरिं सुवण्णकुमारावाससतसहस्सा पण्णता । लवणस्स समुद्रस्स बावत्तरिं नागसाहस्सीतो बाहिरियं वेलं धारेंति । समणे भगवं महावीरे बावत्तरिं वासाइं सब्बाउयं पालयित्ता सिद्धे बुद्धे जाव प्पहीणे । थेरे णं अयलभाया बावत्तरिं वासाइं सब्बाउयं पालयित्ता सिद्धे जाव प्पहीणे । अब्भंतरपुक्खरब्दे णं बावत्तरिं चंदा पभासिंसुवा पभासंति वा पभासिस्संति वा, बावत्तरिं सूरिया तवइंसु वा तवइंति वा तवइस्संति वा । एगमेगस्स णं रणो चाउरंतचक्कवट्टिस्स बावत्तरिं पुरवरसाहस्सीतो पण्णत्तातो । बावत्तरिं कलातो पण्णत्तातो, तंजहा—लेहं १, गणितं २, रुवं ३, नहुं ४, गीयं ५, वाइतं ६, सरगयं ७, पुक्खरगयं ८, समतालं ९, जूयं १०, जाणवयं ११, पोरेकव्वं १२, अद्वावयं १३, दयमद्वियं १४, अण्णविधिं १५, पाणविधिं १६, लेणविहिं १७, सयणविहिं १८, अज्जं १९, पहेलियं २०, मागधियं २१, गाधं २२, सिलोगं २३, गंधजुत्ति २४, मधुसित्यं २५, आभरणविहिं २६, तरुणीपडिकम्मं २७, इत्थीलक्खणं २८, पुरिसलक्खणं २९, हयलक्खणं ३०, गयलक्खणं ३१, गोणलक्खणं ३२, कुक्कुडलक्खणं ३३, मेंढयलक्खणं ३४, चक्कलक्खणं ३५, छत्तलक्खणं ३६, दंडलक्खणं ३७, असिलक्खणं ३८, मणिलक्खणं ३९, काकणिलक्खणं ४०, चम्मलक्खणं ४१, चंदचरियं ४२, सूरचरितं ४३, राहुचरितं ४४, गहचरितं ४५, सोभाकरं ४६, दोभाकरं ४७, विजागतं ४८, मंतगयं ४९, रहस्सगयं ५०, सभासं ५१, चारं ५२, पडिचारं ५३, वूहं ५४, पडिवूहं ५५, खंधावारमाणं ५६, नगरमाणं ५७, वथुमाणं ५८, खंधावारनिवेसं ५९, नगरनिवेसं ६०, वथुनिवेसं ६१, ईस्त्यं ६२, छसुपगयं ६३, आससिक्खं ६४, हत्थिसिक्खं ६५, घणुव्वेयं ६६, हिरण्णवायं, सुवण्णवायं, मणिपागं, धाउपागं ६७, बाहुजुब्दं, दंडजुब्दं, मुद्विजुब्दं, अद्विजुब्दं, जुब्दं, निजुब्दं, जुब्दातिजुब्दं ६८, सुत्तखेड्डं, नालियाखेड्डं, वद्वखेड्डं, धम्मखेड्डं ६९,

પતચ્છેજ્જં, કડગચ્છેજ્જં, પતગચ્છેજ્જં ૭૦, સજીવં ૭૧, સઉણરુતમિતિ ૭૨। સંમુચ્છિમખહયરપંચેદિયતિરિકખજોળિયાં ઉકોસેણ બાવત્તરિં વાસસહસ્રાંદિનાં થિતી પણતા । [૭૩]★☆★ હરિવસ્સ-રમ્મયવસ્સિયાતો ણ જીવાતો તેવત્તરિં ૨ જોયણસહસ્રાંદિન નવ ય એકુત્તરે જોયણસતે સત્તરસ ય એકૂણવીસતિભાગે જોયણસ્સ અદ્ભુતાં ચ આયામેણ પણતાતો । વિજયે ણ બલદેવે તેવત્તરિં વાસસયસહસ્રાંદિન સ્વવાઉયં પાલઇત્તા સિદ્ધે જાવ પ્રહીણે । [૭૪]★☆★ થેરે ણ અગિભૂતી ચોવત્તરિં વાસાંદિન સ્વવાઉયં પાલઇત્તા સિદ્ધે જાવ પ્રહીણે । નિસભાતો ણ વાસહરપવ્વતાતો તિગિંચ્છિદ્ધાતો ણ દહાતો સીતોતા મહાનદી ચોવત્તરિં જોયણસત્તાંદિન સહિયાંદિન ઉત્તરાહૃતી પવહિત્તા વતિરામતિયાએ જિબ્મિયાએ ચઉજોયણાયામાએ પણાસજોયણવિક્રંભાએ વફરતલે કુંડે મહતા ઘડમુહપવત્તિએણ મુત્તાવલિહારસંઠાણસંઠિતેણ પવાતેણ મહયા સદેણ પવડતિ । એવં સીતા વિ દક્ખિણાહૃતી ભાળિયબ્વા । ચઉત્થવજાસુ છસુ પુઢવીસુ ચોવત્તરિં નિરયાવાસસયસહસ્રાંદિન પણતા । [૭૫]★☆★ સુવિહિસ્સ ણ પુપ્ફદંતસ્સ અરહતો પણત્તરિં જિણા પણત્તરિં જિણસતા હોત્થા । સીતલે ણ અરહા પણત્તરિં પુબ્વસહસ્રાંદિન અગારમજ્જ્વે વસિત્તા મુંડે ભવિત્તા જાવ પવ્વતિતે । સંતી ણ અરહા પણત્તરિં વાસસહસ્રાંદિન અગારવાસમજ્જાવસિત્તા જાવ પવ્વતિતે । [૭૬]★☆★ છાવત્તરિં વિજુકુમારાવાસસતસહસ્રાંદિન પણતા । એવં—દીવ-દિસા ઉદહીણં વિજુકુમારિંદ-થળિયમગીણં । છણહં પિ જુગલયાણ છાવત્તરિં મો સતસહસ્રાંદિન ॥૫૯॥ [૭૭]★☆★ ભરહે રાયા ચાઉરંતચક્રવર્ણી સત્તરિં પુબ્વસતસહસ્રાંદિન કુમારવાસમજ્જાવસિત્તા મહરાયાભિસેય પત્તે । અંગવંસાતો ણ સત્તરિં રાયાણો મુંડે જાવ પવ્વિયા । ગદ્ધતોય-તુસિયાણ દેવાણ સત્તરિં દેવસહસ્રાંદિન પરિવારો પણતા । એગમેગે ણ મુહુતે સત્તરિં લવે લવગ્નેણ પણત્તે । [૭૮]★☆★ સક્રસ્સ ણ દેવિંદસ્સ દેવરણો વેસમણે મહરાયા અદૃસત્તરીએ સુવળણકુમાર-દીવકુમારાવાસસતસહસ્રાણ આહેવચ્ચ પોરેવચ્ચ ભદ્રિત્તં સામિત્ત મહરાયત્તં આણાઈસરસેણાવચ્ચ કારેમાણે પાલેમાણે વિહરતિ । થેરે ણ અકંપિતે અદૃતરિં વાસાંદિન સ્વવાઉયં પાલયિત્તા સિદ્ધે જાવ સવ્વદુકુખપ્રહીણે । ઉત્તરાયણનિયદ્વે ણ સૂરિએ પઢમાતો મંડલાતો એગૂણચત્તાલીસિઝે મંડલે અદૃતરિં એગસદ્વિભાએ દિવસખેતસ્સ નિવુદ્ધેતા રયણિખેતસ્સ અભિનિવુદ્ધેતા ણ ચારં ચરતિ, એવં દક્ખિણાયણનિયદ્વે વિ । [૭૯]★☆★ વલયામુહસ્સ ણ પાતાલસ્સ હેટ્ટિલાતો ચરિમંતાતો ઇમીસે ણ રયણપ્પભાએ પુઢવીએ હેટ્ટિલે ચરિમંતે એસ ણ એકૂણાસીતિ જોયણસહસ્રાંદિન અબાહાએ અંતરે પણત્તે । એવં કેઉસ્સ વિ જુયયસ્સ વિ ઈસરસ્સ વિ । છદ્રીએ ણ પુઢવીએ બહુમજ્જદેસભાયાઓ છદ્રુસ્સ ઘણોદહિસ્સ હેટ્ટિલે ચરિમંતે એસ ણ એકૂણાસીતિં જોયણસહસ્રાંદિન અબાહાએ અંતરે પણત્તે । જંબુદીવસ્સ ણ દીવસ્સ બારસ્સ ય બારસ્સ ય એસ ણ એગૂણાસીઝ જોયણસહસ્રાંદિન સાઇરેગાંદિન અબાહાએ અંતરે પણત્તે । [૮૦]★☆★ સેજંસે ણ અરહા અસીતિં ધણૂંદિન ઉદ્ધુંચ્વત્તેણ હોત્થા । તિવિદ્વું ણ વાસુદેવે અસીતિં ધણૂંદિન ઉદ્ધુંચ્વત્તેણ હોત્થા । અયલે ણ બલદેવે અસીતિં ધણૂંદિન ઉદ્ધુંચ્વત્તેણ હોત્થા । તિવિદ્વું ણ વાસુદેવે અસીતિં વાસસતસહસ્રાંદિન મહરાયા હોત્થા । આઉબહુલે ણ કંડે અસીતિં જોયણસહસ્રાંદિન બાહલ્લેણ પણત્તે । ઈસાણસ્સ ણ દેવિંદસ્સ દેવરણો અસીતિં સામાણિયસાહસ્સીતો પણત્તરાતો । જંબુદીવે ણ દીવે અસીઉત્તરં જોયણસતં ઓગાહેતા સૂરિએ ઉત્તરકદ્રોવગતે પઢમં ઉદ્યં કરેતી । [૮૧]★☆★ નવનવમિયા ણ ભિક્રુપદિમા એકાસીતિએ રાતિંદિએહિં ચતુહિ ય પંચુત્તરેહિં ભિક્રુખાસતેહિં અહાસુત્તં જાવ આરાહિતા [યાવિ ભવતિ] । કુંથુસ્સ ણ અરહતો એકાસીતિં મણપજ્જવણાળિયા હોત્થા । વિયાહપળણતીએ એકાસીતિં મહાજુમ્મસયા પણતા । [૮૨]★☆★ જંબુદીવે દીવે બાસીતં મંડલસતં જં સૂરિએ દુકુખુતો સંકમિત્તા ણ ચારં ચરતિ, તંજહા—નિક્રમમાણે ય પવિસમાણે ય । સમણે ભગવં મહાવીરે બાસીતીએ રાતિંદિએહિં વીતિકંતેહિં ગબ્ભાતો ગબ્ભં સાહરિતે । મહાહિમવંતસ્સ ણ વાસહરપવ્વયસ્સ અવરિલ્લાઓ ચરિમંતાઓ સોગંધિયસ્સ કંડસ્સ હેટ્ટિલે ચરિમંતે એસ ણ બાસીઝ જોયણસયાંદિન અબાહાએ અંતરે પણત્તે । એવં રૂપ્પિસ્સ વિ । [૮૩]★☆★ સમણે ભગવં મહાવીરે બાસીતીએ રાતિંદિએહિં વીતિકંતેહિં તેયાસીઝે રાતિંદિએ વદ્રુમાણે ગબ્ભાતો ગબ્ભં સાહરિતે । સીતલસ્સ ણ અરહતો તેસીતિ ગણ તેસીતિ ગણધરા હોત્થા । થેરે ણ મંડિયપુત્તે તેસીતિ વાસાંદિન સ્વવાઉયં પાલઇત્તા સિદ્ધે બુદ્ધે જાવ પ્રહીણે । ઉસભે ણ અરહા કોસલિએ ચઉરાસીઝ પુબ્વસતસહસ્રાંદિન સ્વવાઉયં પાલઇત્તા સિદ્ધે બુદ્ધે જાવ [પ્રહીણે] । એવં ભરહે બાહુબલિ બંભિ સુંદરિ । સેજંસે ણ અરહા

ચઉરાસીનું વાસસયસહસ્રાં સબ્વાઉં પાલિત્તા સિદ્ધે જાવ પ્રહીણે । તિવિદ્વાણ વાસુદેવે ચઉરાસીનું વાસસયસહસ્રાં પરમાઉં પાલયિત્તા અપ્પતિદ્વાણે નરએ નેરઝ્યત્તાતે ઉવવને । સક્રસ્સ ણ દેવિંદસ્સ દેવરણો ચઉરાસીતિં સામાણિયસાહસ્રીતો પણન્તાતો । સબ્વે વિ ણ બાહિરયા મંદરા ચઉરાસીતિં ચઉરાસીતિં જોયણસહસ્રાં ઉહુંઉચ્ચત્તેણ પણન્તા । હરિવસ્સ-રમ્મયવાસિયાણ જીવાણ ધણુપ્રદ્વા ચઉરાસીતિં ચઉરાસીતિં જોયણસહસ્રાં સોલસ જોયણાં ચત્તારિ ય ભાગ જોયણસ્સ પરિક્રખેવેણ પણન્તા । પંકબહુલસ્સ ણ કંડસ્સ ઉવરિલ્લાતો ચરિમંતાતો હેંદ્રિલે ચરિમંતે એસ ણ ચઉરાસીતિં જોયણસહસ્રાં અબાધાએ અંતરે પણન્તે । વિયાહપણન્તીએ ણ ભગવતીએ ચઉરાસીતિં પદસહસ્રા પદગ્રોણ પણન્તા । ચઉરાસીતિં નાગકુમારાવાસસતસહસ્રા પણન્તા । ચઉરાસીતિં પદ્ધણગસહસ્રા પણન્તા । ચઉરાસીતિં જોળિપ્પમુહસતસહસ્રા પણન્તા । પુન્વાઇયાણ સીસપહેલિયપજ્જવસાણાણ સદ્વાણદ્વાણંતરાણ ચઉરાસીતિએ ગુણકારે પણન્તે । ઉસભસ્સ ણ અરહતો કોસલિયસ્સ ચઉરાસીતિં ગણ ચઉરાસીતિં ગણધરા હોત્થા । ઉસભસ્સ ણ અરહતો કોસલિયસ્સ ઉસભસેણપામોકખાતો ચઉરાસીતિં સમણસાહસ્રીઓ હોત્થા । ચઉરાસીતિં વિમાણાવાસસયસહસ્રા સત્તાણતું ચ સહસ્રા તેવીસં ચ વિમાણ ભવંતીતિ મક્કાયા । [૮૫]★★★ આયારસ્સ ણ ભગવતો સચૂલિયાગસ્સ પંચાસીતિં ઉદેસણકાલા પણન્તા । ધાયઇસંડસ્સ ણ મંદરા પંચાસીતિં જોયણસહસ્રાં સબ્વગ્રોણ પણન્તા । રુયએ ણ મંડલિયપવ્વએ પંચાસીતિં જોયણસહસ્રાં સબ્વગ્રોણ પણન્તે । નંદણવણસ્સ ણ હેંદ્રિલ્લાતો ચરિમંતાતો સોગંધિયસ્સ કંડસ્સ હેંદ્રિલે ચરિમંતે એસ ણ પંચાસીતિં જોયણસયાં આબાહાતે અંતરે પણન્તે । [૮૬]★★★ સુવિહિસ્સ ણ પુપ્ફદંતસ્સ અરહો છલસીતિં ગણ છલસીતિં ગણહરા હોત્થા । સુપાસસ્સ ણ અરહતો છલસીતિં વાઇસયા હોત્થા । દોચ્ચાએ ણ પુઢ્વીએ બહુમજન્નદેસભાગાઓ દોચ્ચસ્સ ઘણોદહિસ્સ હેંદ્રિલ્લે ચરિમંતે એસ ણ છલસીતિં જોયણસહસ્રાં અબાહાએ અંતરે પણન્તે । [૮૭]★★★ મંદરસ્સ ણ પવ્વતસ્સ પુરત્થિમિલ્લાતો ચરિમંતાતો ગોશુભસ્સ આવાસપવ્વયસ્સ પવ્વત્થિમિલ્લે ચરિમંતે એસ ણ સત્તાસીતિં જોયણસહસ્રાં અબાહાએ અંતરે પણન્તે । મંદરસ્સ [ણ પવ્વયસ્સ] દક્ખિણિલ્લાતો ચરિમંતાતો દાઓભાસસ્સ આવાસપવ્વતસ્સ ઉત્તરિલ્લે ચરિમંતે એસ ણ સત્તાસીતિં જોયણસહસ્રાં અબાહાએ અંતરે પણન્તે । એવં મંદરસ્સ પવ્વત્થિમિલ્લાતો ચરિમંતાતો સંખસ્સ આવાસપવ્વતસ્સ પુરત્થિમિલ્લે ચરિમંતે એવં ચેવ । એવં મંદરસ્સ [ણ પવ્વતસ્સ] ઉત્તરિલ્લાતો ચરિમંતાતો દગસીમસ્સ આવાસપવ્વતસ્સ દાહિણિલ્લે ચરિમંતે એસ ણ સત્તાસીતિં જોયણસહસ્રાં અબાહાએ અંતરે પણન્તે । છણં કમ્મપગડીણ આતિમઉવરિલ્લવજાણ સત્તાસીતિં ઉત્તરપગડીટો પણન્તાતો । મહાહિમવંતકૂડસ્સ ણ ઉવરિલ્લાતો ચરિમંતાતો સોગંધિયસ્સ કંડસ્સ હેંદ્રિલે ચરિમંતે એસ ણ સત્તાસીતિં જોયણસયાં અબાહાએ અંતરે પણન્તે । એવં રૂપીકૂડસ્સ વિ । [૮૮]★★★ એગમેગસ્સ ણ ચંદિમસૂરિયસ્સ અદ્વાસીતિં અદ્વાસીતિં મહગહા પરિવારો પણન્તો । દિંદ્રિવાયસ્સ ણ અદ્વાસીતિં સુત્તાં પણન્તાં, તંજહા—ઉજ્જુસુયં, પરિણતાપરિણતં, એવં અદ્વાસીતિં સુત્તાણિ ભાણિયવાણિ જહા ણંદીએ । મંદરસ્સ ણ પવ્વતસ્સ પુરત્થિમિલ્લાતો ચરિમંતાતો ગોશુભસ્સ આવાસપવ્વતસ્સ પુરત્થિમિલ્લે ચરિમંતે એસ ણ અદ્વાસીતિં જોયણસહસ્રાં અબાધાએ અંતરે પણન્તે । એવં ચઉસુ વિ દિસાસુ ણાતબ્વં । બાહિરાઓ ઉત્તરાતો ણ કદ્વાતો સૂરિએ પઢમં છ્માસં અયમીણે ચોયાલીસિંમે મંડલગતે અદ્વાસીતિ એકસંદ્રિભાગે મુહુત્તસ્સ-દિવસખેત્તસ્સ ણિવુહેતા રયણિખેત્તસ્સ અભિણવુહેતા સૂરિએ ચારં ચરતીતિ । દક્ખિણકદ્વાતો ણ સૂરિએ દોચ્ચં છ્માસં અયમીણે ચોયાલીસિતિમે મંડલગતે અદ્વાસીતિં એગસંદ્રિભાગે મુહુત્તસ્સ રયણિખેત્તસ્સ ણિવુહેતા દિવસખેત્તસ્સ અભિણવુહેતા ણ સૂરિએ ચારં ચરતિ । [૮૯]★★★ ઉસભે ણ અરહા કોસલિએ ઇમીસે ઓસપ્પણીએ તત્તિયા સમાએ પચ્છિમે ભાગે એકૂણણઉઝી અદ્વામાસેહિં સેસેહિં કાલગતે જાવ સબ્વદુક્રખપ્પહીણે । હરિસેણે ણ રાયા ચાઉરંતચક્રવરીએગ્રૂણનઉર્દ્વ વાસસયાં મહારાયા હોત્થા । સંતિસ્સ ણ અરહતો એગ્રૂણનઉર્દ્વ અજાસાહસ્રીટો ઉકોસિયા અજાસંપદા હોત્થા । [૯૦] ★★★ સીયલે ણ અરહા ણઉં ધણું ઉહુંઉચ્ચત્તેણ હોત્થા । અજિયસ્સ ણ અરહો ણઉં ગણા નઉં ગણહરા હોત્થા । એવં સંતિસ્સ ણ સયંભુસ્સ ણ વાસુદેવસ્સ ણતિં વાસાં વિજએ હોત્થા । સબ્વેસિ ણ વહૃવેયહૃપવ્વયાણ ઉવરિલ્લાતો

સિહરતલાતો સોગંધિયકંડસ્સ હેટ્ટિલ્લે ચરિમંતે એસ ણં નઉતિં જોયણસયાં અબાહાએ અંતરે પણન્તે। [૧૧] ★★★ એક્ઝાણઉં પરવેયાવચ્ચકમ્પડિમાતો પણન્તાતો એક્ઝાણઉં જોયણસયસહસ્સાં સાહિયાં પરિક્રેવેણ પણન્તે। કુંથુસ્સ ણં અરહતો એક્ઝાણઉં આહોહિયસતા હોત્થા। આઉય-ગોયવજાણ છણં કમ્પગડીણ એક્ઝાણઉં ઉત્તરપગડીઓ પણન્તાઓ। [૧૨] ★★★ બાણઉં પડિમાતો પણન્તાઓ। થેરે ણં ઇંદ્રભૂતી બાણઉં વાસાં સવ્વાઉયં પાલિત્તા સિદ્ધે બુદ્ધે [જાવ પ્રહીણે]। મંદરસ્સ ણં પવતસ્સ બહુમજિદેસભાગાતો ગોથુભસ્સ આવાસપવ્વતસ્સ પચ્ચત્થિમિલ્લે ચરિમંતે એસ ણં બાણઉં જોયણસહસ્સાં અબાહાએ અંતરે પણન્તે। એવં ચતુણ વિ આવાસપવ્વયાં। [૧૩] ★★★ ચંદપ્પભસ્સ ણં અરહતો તેણઉં ગણ તેણઉં ગણહરા હોત્થા। સંતિસ્સ ણં અરહતો તેણઉં ચોદ્દસપુબ્વિસયા હોત્થા। તેણઉં તિંડલગતે ણં સૂરિએ અતિવદૃમાણે વા નિયદૃમાણે વા સમં અહોરત્તં વિસમં કરેતિ। [૧૪] ★★★ નિસહ-નેલવંતિયાઓ ણં જીવાતો ચતુણઉં ચતુણઉં જોયણસહસ્સાં એકં છપ્પણં જોયણસતં દોળણ ય એકુણવિસતિભાગે જોયણસ્સ આયામેણ પણન્તા(તો) અજિતસ્સણં ણં અરહતો ચતુણઉં ઓહિનાણિસયા હોત્થા। [૧૫] ★★★ સુપાસસ્સ ણં અરહતો પંચાણઉં ગણ પંચાણઉં ગણહરા હોત્થા। જંબુદ્ધીવસ્સ ણં દીવસ્સ ચરિમંતાઓ ચતુદ્વિસિં લવણસમુદ્દ્રસ્સ ઉભાઓપાસિં પિ પંચાણઉં પંચાણઉં પંચાણઉં જોયણસહસ્સાં ઓગાહિત્તા ચતારિ મહાપાયાલા પણન્તા, તંજહા—વલયામુહે કેઉએ જુયતે ઈસરે। લવણસમુદ્દ્રસ્સ ઉભાઓપાસિં પિ પંચાણઉં પંચાણઉં પદેસા ઉવેધુસ્સેધપરિહાણીએ પણન્તા। કુંથુ ણં અરહા પંચાણઉં વાસસહસ્સાં પરમાઉયં પાલયિત્તા સિદ્ધે બુદ્ધે જાવ પ્રહીણે। થેરે ણં મોરિયપુત્તે પંચાણઉં વાસાં સવ્વાઉયં પાલયિત્તા સિદ્ધે બુદ્ધે જાવ પ્રહીણે। [૧૬] ★★★ એગમેગસ્સ ણં રણો ચાઉરંતચક્કવદ્વિસ્સ છણાણઉં છણાણઉં ગામકોડીઓ હોત્થા। વાયુકુમારાણ છણાણઉં ભવણાવાસસતસહસ્સા પણન્તા। વાવહારિએ ણં દંડે છણાણઉં અંગુલાણિ અંગુલપમાણેણ, એવં ધણૂ નાલિયા જુગે અક્રવે મુસલે વિ। અબ્ભંતરાઓ આઇમુહુતે છણાણઉં અંગુલચ્છાયે પણન્તે। [૧૭] ★★★ મંદરસ્સ ણં પવતસ્સ પચ્ચત્થિમિલ્લાતો ચરિમંતાતો ગોથુભસ્સ ણં આવાસપવ્વયસ્સ પચ્ચત્થિમિલ્લે ચરિમંતે એસ ણં સત્તાણઉં જોયણસહસ્સાં અબાધાતે અંતરે પણન્તે। એવં ચતુદ્વિસિં પિ। અદૃષ્ટં કમ્પગડીણ સત્તાણઉં ઉત્તરપગડીઓ પણન્તાતો। હરિસેણે ણં રાયા ચાઉરંતચક્કવદ્વી દેસૂણાં સત્તાણઉં વાસસહસ્સાં અગારમજ્જાવસિત્તા મુંડે ભવિત્તા ણં અગારાતો જાવ પવ્વતિતે। [૧૮] ★★★ નંદણવણસ્સ ણં ઉવરિલ્લાતો ચરિમંતાતો પંડ્યવણસ્સ હેટ્ટિલ્લે ચરિમંતે એસ ણં અદ્વાણઉં જોયણસહસ્સાં અબાહાએ અંતરે પણન્તે। મંદરસ્સ ણં પવતસ્સ પચ્ચત્થિમિલ્લાતો ચરિમંતાતો ગોથુભસ્સ આવાસપવ્વતસ્સ પુરત્થિમિલ્લે ચરિમંતે એસ ણં અદ્વાણઉં જોયણસહસ્સાં અબાહાએ અંતરે પણન્તે। એવં ચતુદ્વિસિં પિ। દાહિણભરહદ્દુસ્સ ણં ધણુપદ્દે અદ્વાણઉં જોયણસહસ્સાં કિંચૂણાં આયામેણ પણન્તે। ઉત્તરાતો ણં કદ્વાતો સૂરિએ પઢમં છમ્માસં અયમીણે એક્લૂણપન્નાસતિમે મંડલગતે અદ્વાણઉં એક્સસદ્વિભાએ મુહુત્તસ્સ રયણિખેતસ્સ નિવુહેત્તા ણં સૂરિએ ચારં ચરતિ। દક્ખિખણાતો ણં કદ્વાતો સૂરિએ દોચં છમ્માસં અયમીણે એક્લૂણપન્નાસતિમે મંડલગતે અદ્વાણઉં એક્સસદ્વિભાએ મુહુત્તસ્સ રયણિખેતસ્સ નિવુહેત્તા દિવસખેતસ્સ અભિનિવુહેત્તા ણં સૂરિએ ચારં ચરતિ। રેવતિપઢમજેદ્વપજવસાણાણ એક્લૂણવીસાએ નક્કાતાણ અદ્વાણઉં તારાતો તારગ્ગેણ પણન્તાતો। [૧૯] ★★★ મંદરે ણં પવતે ણવણઉં જોયણસહસ્સાં ઉહુંઉચ્ચત્તેણ પણન્તે। નંદણવણસ્સ ણં પુરત્થિમિલ્લાતો ચરિમંતાતો પચ્ચત્થિમિલ્લે ચરિમંતે એસ ણં ણવણઉં જોયણસત્તાં અબાહાતે અંતરે પણન્તે। એવં દક્ખિખણિલ્લાતો ઉત્તરે। પઢમે સૂરિયમંડલે ણવણઉં જોયણસહસ્સાં સતિરેગાં આયામવિકખંભેણ પણન્તે। દોચે સૂરિયમંડલે ણવણઉં જોયણસહસ્સાં સાહિયાં આયામવિકખંભેણ પણન્તે। તતીએ સૂરિયમંડલે નવનઉં જોયણસહસ્સાં સાહિયાં આયામવિકખંભેણ પણન્તે। ઇમીસે ણં રતણપ્પભાએ પુઢવીએ અંજણસ્સ કંડસ્સ હેટ્ટિલ્લાતો ચરિમંતાતો વાણમંતરભોમેજવિહારાણ ઉવરિમંતે એસ ણં નવનઉં જોયણસહસ્સાં અબાહાએ અંતરે પણન્તે। [૧૦૦] ★★★ દસદસમિયા ણં ભિક્રખુપડિમા એગેણ રાંદિયસતેણ અદ્વદ્ધદ્વેહિં ભિક્રખાસતેહિં અહાસુત્ત જાવ આરાહિયા યાવિ ભવતિ। સયભિસયાનક્કાતે સએક્તારે પણન્તે। સુવિધી પુપ્ફદંતે ણં અરહા એણ ધણુસત્ત ઉહુંઉચ્ચત્તેણ હોત્થા। પાસે ણં અરહા પુરિસાદાણીએ એકં વાસસયં સવ્વાઉયં પાલયિત્તા સિદ્ધે જાવ પ્રહીણે। એવં થેરે વિ અજસુહ્મે। સબ્બે વિ ણં દીહવેયહુપવ્વયા એગમેણ ગાઉયસતં ઉહુંઉચ્ચત્તેણ પણન્તે। સબ્બે વિ ણં કંચણગપવ્વયા એગમેણ જોયણસયં ઉહુંઉચ્ચત્તેણ, ચુલ્લાહિમવંત-સિહરિવાસહરપવ્વયા એગમેણ જોયણસતં ઉહુંઉચ્ચત્તેણ એગમેણ ગાઉયસતં ઉહુંઉચ્ચત્તેણ, સબ્બે વિ ણં કંચણગપવ્વયા એગમેણ જોયણસયં ઉહુંઉચ્ચત્તેણ,

એગમેં ગાઉયસતં ઉવેદેણં, એગમેં જોયણસયં મૂલે વિકખંભેણ પણન્તા। [૧૦૧]★☆☆ ચંદપ્પભે ણ અરહા દિવહું ધણુસતં ઉહુંઉચ્ચતેણ હોત્થા। આરણે કપ્પે દિવહું વિમાણાવાસસતં પણન્તા। એવં અચ્ચુએ વિ। [૧૦૨]★☆☆ સુપાસે ણ અરહા દો ધણુસયાં ઉહુંઉચ્ચતેણ હોત્થા। સબે વિ ણ મહાહિમવંત-રૂપીવાસહરપવ્યા દો દો જોયણસતાં ઉહુંઉચ્ચતેણ, દો દો ગાઉયસતાં ઉવેદેણ પણન્તા। જંબુદ્ધીવે ણ દીવે દો કંચણપવ્યતસયા પણન્તા। [૧૦૩]★☆☆ પઉમપ્પભે ણ અરહા અહૃાઇજાં ધણુસતાં ઉહુંઉચ્ચતેણ હોત્થા। અસુરકુમારાણ દેવાણ પાસાયવડેંસગા અહૃાઇજાં જોયણસયાં ઉહુંઉચ્ચતેણ પણન્તા। [૧૦૪]★☆☆ સુમતી ણ અરહા તિણિ ધણુસયાં ઉહુંઉચ્ચતેણ હોત્થા। અરિદુનેમી ણ અરહા તિણિ વાસસયાં કુમારમજ્જાવસિતા મુંડે ભવિત્તા જાવ પવ્યતિતે। વેમાળિયાણ દેવાણ વિમાણપાગારા તિણિ તિણિ જોયણસતાં ઉહુંઉચ્ચતેણ પણન્તા। સમણસ્સ ણ ભગવતો મહાવીરસ્સ તિન્નિ સયાણ ચોદસપુબીણ હોત્થા। પંચધણુસતિયસ્સ ણ અંતિમસારીરિયસ્સ સિદ્ધિગતસ્સ સાતિરેગાળિ તિણિ ધણુસયાણ જીવપ્પદેસોગાહણા પણન્તા। [૧૦૫]★☆☆ પાસસ્સ ણ અરહતો પુરિસાદાણીયસ્સ અદ્ભુદ્વાં સયાં ચોદસપુબીણ હોત્થા। અભિનંદણે ણ અરહા અદ્ભુદ્વાં ધણુસયાં ઉહુંઉચ્ચતેણ હોત્થા। [૧૦૬]★☆☆ સંભવે ણ અરહા ચતારિ ધણુસતાં ઉહુંઉચ્ચતેણ હોત્થા। સબે વિ ય ણ વક્ખારપવ્યા ણિસભ-નીલવંતવાસહરપવ્યય તેણ ચતારિ ચતારિ જોયણસતાં ઉહુંઉચ્ચતેણ, ચતારિ ચતારિ ગાઉયસતાં ઉવેદેણ પણન્તા। આણય-પાણએસુ ણ દોસુ કપ્પેસુ ચતારિ વિમાણસયા પણન્તા। સમણસ્સ ણ ભગવતો મહાવીરસ્સ ચતારિ સતા વાદીણ સદેવમણુયાસુરમ્મિ લોગમ્મિ વાએ અપરાજિતાણ ઉકોસિયા વાદિસંપદા હોત્થા। [૧૦૭]★☆☆ અજિતે ણ અરહા અદ્ભુપંચમાં ધણુસતાં ઉહુંઉચ્ચતેણ હોત્થા। સગરે ણ રાયા ચાઉરંતચક્કવદ્ધી અદ્ભુપંચમાં ધણુસતાં ઉહુંઉચ્ચતેણ હોત્થા। [૧૦૮]★☆☆ સબે વિ ણ વક્ખારપવ્યા સીયા-સીઓયાઓ મહાનર્ઝાઓ મંદરં વા પવ્યય તેણ પંચ જોયણસયાં ઉહુંઉચ્ચતેણ, પંચ ગાઉયસયાં ઉવેહેણ પણન્તા। સબે વિ ણ વાસહરકૂડા પંચ પંચ જોયણસતાં ઉહુંઉચ્ચતેણ, મૂલે પંચ પંચ જોયણસતાં વિકખંભેણ પણન્તા। ઉસમે ણ અરહા કોસલિએ પંચ ધણુસતાં ઉહુંઉચ્ચતેણ હોત્થા। ભરહે ણ રાયા ચાઉરંતચક્કવદ્ધી પંચ ધણુસતાં ઉહુંઉચ્ચતેણ હોત્થા। સોમણસ-ગંધમાદણ-વિજુપ્પભ-માલવંતા ણ વક્ખારપવ્યા ણ મંદરપવ્યય તેણ પંચ પંચ જોયણસયાં ઉહુંઉચ્ચતેણ, પંચ પંચ ગાઉયસતાં ઉવેદેણ પણન્તા। સબે વિ ણ વક્ખારપવ્યયકૂડા હરિ-હરીસહકૂડવજા પંચ પંચ જોયણસતાં ઉહુંઉચ્ચતેણ, મૂલે પંચ પંચ જોયણસતાં આયામવિકખંભેણ પણન્તા। સોહ્મીસાણેસુ કપ્પેસુ વિમાણ પંચ પંચ જોયણસયાં ઉહુંઉચ્ચતેણ પણન્તા। [૧૦૯]★☆☆ સણંકુમાર-માહિદેસુ કપ્પેસુ વિમાણ છ જોયણસતાં ઉહુંઉચ્ચતેણ પણન્તા। ચુલ્લહિમવંતકૂડસ્સ ણ ઉવરિલ્લાઓ ચરિમંતાતો ચુલ્લહિમવંતસ્સવાસહરપવ્યતસ્સ સમે ધરણિતલે એસ ણ છ જોયણસતાં અબાહાતે અંતરે પણન્તે। એવં સિહરિકૂડસ્સ વિ। પાસસ્સ ણ અરહતો છ સતા વાદીણ સદેવમણુયાસુરે લોએ વાએ અપરાજિયાણ ઉકોસા વાદિસંપદા હોત્થા। અભિચંદે ણ કુલગરે છ ધણુસતાં ઉહુંઉચ્ચતેણ હોત્થા। વાસુપુજે ણ અરહા છહિં પુરિસસ્તેહિ મુંડે ભવિતા ણ અગારાતો અણગારિય પવ્યતિતે। [૧૧૦]★☆☆ બંભ-લંતાસુ કપ્પેસુ વિમાણ સત્ત સત્ત જોયણસતાં ઉહુંઉચ્ચતેણ પણન્તા। સમણસ્સ ણ ભગવાઓ મહાવીરસ્સ સત્ત જિણસતા હોત્થા। સમણસ્સ ણ ભગવાઓ મહાવીરસ્સ સત્ત વેઉબ્વિયસયા હોત્થા। અરિદુનેમી ણ અરહા સત્ત વાસસતાં દેસૂણાં કેવલપરિયાં પાઉણિતા સિદ્ધે બુદ્ધે જાવ પ્પહીણે। મહાહિમવંતકૂડસ્સ ણ ઉવરિલ્લાઓ ચરિમંતાતો મહાહિમવંતસ્સ વાસધરપવ્યસ્સ સમે ધરણિતલે એસ ણ સત્ત જોયણસતાં અબાહાતે અંતરે પણન્તે। એવં રૂપિકૂડસ્સ વિ। [૧૧૧]★☆☆ મહાસુક્-સહસ્સારેસુ દોસુ કપ્પેસુ વિમાણ અદૃ જોયણસતાં ઉહુંઉચ્ચતેણ પણન્તા। ઇમીસે ણ રયણપ્પભાએ પુઢવીએ પદમે કંડે અદૃસુ જોયણસતેસુ વાણમંતરભોમેજવિહારા પણન્તા। સમણસ્સ ણ ભગવાઓ મહાવીરસ્સ અદૃ સયા અણુત્તરોવવાતિયાણ દેવાણ ગતિકલ્લાણાણ ઠિનિકલ્લાણાણ આગમેસિમદ્વાણ ઉકોસિયા અણુત્તરોવવાતિયસંપદા હોત્થા। ઇમીસે ણ રયણપ્પભાએ પુઢવીએ બહુસમરમણિજાતો ભૂમિભાગાતો અદૃહિં જોયણસએહિ સૂરિએ ચારં ચરતિ। અરહતો ણ અરિદુનેમિસ્સ અદૃ સતાં વાદીણ

સદેવમણુયાસુરમ્મિ લોગમ્મિ વાતે અપરાજિયાં ઉકોસિયા વાદિસંપદા હોત્થા । [૧૧૨]★☆☆ આણય-પાણય-આરણ-ઇચ્છુતેસુ કપ્પેસુ વિમાણ ણવ જોયણસત્તાં ઉદ્ઘૂંચ્છતેણ પણન્તા । નિસદ્ધકૂડસ્સ ણ ઉવરિલ્લાતો સિહરતલાતો ણિસદ્ધસ્સ વાસહરપવ્વતસ્સ સમે ધરણિતલે એસ ણ નવ જોયણસત્તાં અબાહાએ અંતરે પણન્તે । એવં નીલવંતકૂડસ્સ વિ । વિમલવાહણે ણ કુલગરે ણવ ધણુસત્તાં ઉદ્ઘૂંચ્છતેણ હોત્થા । ઇમીસે રયણપ્પભાએ પુઢ્વીએ બહુસમરમણિજ્જાતો ભૂમિભાગાતો ણવહિં જોયણસતેહિં સબૃપરિમે તારાખ્લે ચારં ચરતિ । નિસદ્ધસ્સ ણ વાસધરપવ્વયસ્સ ઉવરિલ્લાતો સિહરતલાતો ઇમીસે રતણપ્પભાએ પુઢ્વીએ પઢમસ્સ કંડસ્સ બહુમજ્જદેસભાએ એસ ણ ણવ જોયણસત્તાં અબાહાએ અંતરે પણન્તે । એવં નીલવંતસ્સ વિ । [૧૧૩]★☆☆ સબ્વે વિ ણ ગેવેજવિમાણ દસ દસ જોયણસત્તાં ઉદ્ઘૂંચ્છતેણ પણન્તા । સબ્વે વિ ણ જમગપવ્વયા દસ દસ જોયણસત્તાં ઉદ્ઘૂંચ્છતેણ પણન્તા, દસ દસ ગાઉયસત્તાં ઉબ્વેધેણ, મૂલે દસ દસ જોયણસત્તાં આયામવિક્રખંભેણ । એવં ચિત્ત-વિચિત્તકૂડા વિ ભાણિયવ્વા । સબ્વે વિ ણ વટ્વેયહૃપવ્વયા દસ દસ જોયણસત્તાં ઉદ્ઘૂંચ્છતેણ, દસ દસ ગાઉયસત્તાં ઉબ્વેધેણ, મૂલે દસ દસ જોયણસત્તાં વિક્રખંભેણ, સબ્વત્થય સમા પલલગસંઠાણસંઠિયા, દસ દસ જોયણસત્તાં વિક્રખંભેણ પણન્તા । સબ્વે વિ ણ હરિ-હરિસ્સહકૂડા વક્રખારકૂડવજા દસ દસ જોયણસયાં ઉદ્ઘંચ્છતેણ, મૂલે દસ દસ જોયણસયાં વિક્રખંભેણ પણન્તા । એવં બલકૂડા વિ નંદણકૂડવજા । અરહા વિ અરિદ્ધનેમી દસ વાસસયાં સબ્વાઉયં પાલઝ્તા સિદ્ધે બુદ્ધે જાવ પ્પહીણે । પાસસ્સ ણ અરહતો દસ સયાં જિણાણ હોત્થા । પાસસ્સ ણ અરહતો દસ અંતેવાસિસયાં કાલગતાં જાવ સબ્વદુક્રખપહીણાં । પઉમદ્ધા-પુંડરીયહ્રા દસ દસ જોયણસયાં આયામેણ પણન્તા । [૧૧૪]★☆☆ અણુત્તરોવવાતિયાં દેવાણ વિમાણ એકારસ જોયણસત્તાં ઉદ્ઘૂંચ્છતેણ પણન્તા । પાસસ્સ ણ અરહતો એકારસ સત્તાં વેઉબ્વિયાણ હોત્થા । [૧૧૫]★☆☆ મહાપઉમ-મહાપુંડરીયહ્રા ણ દો દો જોયણસહસ્રસાં આયામેણ પણન્તા । [૧૧૬]★☆☆ ઇમીસે ણ રતણપ્પભાએ પુઢ્વીએ વતિરકંડસ્સ ઉવરિલ્લાઓ ચરિમંતાઓ લોહિતક્રખસ્સ કંડસ્સ હેટ્ટિલ્લે ચરિમંતે એસ ણ તિણિ જોયણસહસ્રસાં અબાહાતે અંતરે પણન્તે । [૧૧૭]★☆☆ તિગિંચ્છિ-કેસરિદ્ધા ણ દહા ચત્તારિ ચત્તારિ જોયણસહસ્રસાં આયામેણ પણન્તા । [૧૧૮]★☆☆ ધરણિતલે મંદરસ્સ ણ પવતસ્સ બહુમજ્જદેસભાગાઓ રૂયગણભીતો ચરદિસિં પંચ પંચ જોયણસહસ્રસાં અબાહાએ મંદરે પવતે પણન્તે । [૧૧૯]★☆☆ સહસ્સારે ણ કપ્પે છ વિમાણવાસસહસ્રસા પણન્તા । [૧૨૦]★☆☆ ઇમીસે ણ રતણપ્પભાએ પુઢ્વીએ રયણસ્સ કંડસ્સ ઉવરિલ્લાતો ચરિમંતાઓ પુલગસ્સ કંડસ્સ હેટ્ટિલ્લે ચરિમંતે એસ ણ સત્ત જોયણસહસ્રસાં અબાહાએ અંતરે પણન્તે । [૧૨૧]★☆☆ હરિવસ્સ-રમ્મયા ણ વાસા અદ્વ જોયણસહસ્રસાં સાતિરેગાં વિથરેણ પણન્તા । [૧૨૨]★☆☆ દાહિણહૃભરહસ્સ ણ જીવા પાઈનપડિણાયા દુહતો સમુદ્દ્ર પુદ્ધા ણવ જોયણસહસ્રસાં આયામેણ પણન્તા । [૧૨૩]★☆☆ મંદરે ણ પવતે ધરણિતલે દસ જોયણસહસ્રસાં વિક્રખંભેણ પણન્તે । [૧૨૪]★☆☆ જંબૂદીવે ણ દીવેણ જોયણસયસહસ્રસં આયામવિક્રખંભેણ પણન્તે । [૧૨૫]★☆☆ લવણે ણ સમુદ્દ્રે દો જોયણસતસહસ્રસાં ચક્રવાલવિક્રખંભેણ પણન્તે । [૧૨૬]★☆☆ પાસસ્સ ણ અરહતો તિણિ સયસાહસ્સીતો સત્તાવીસં ચ સહસ્રસાં ઉકોસિયા સાવિયાસંપદા હોત્થા । [૧૨૭]★☆☆ ધાયિસંડે ણ દીવે ચત્તારિ જોયણસતસહસ્રસાં ચક્રવાલવિક્રખંભેણ પણન્તે । [૧૨૮]★☆☆ લવણસ્સ ણ સમુદ્દ્રસ્સ પુરત્થિમિલ્લાતો ચરિમંતાટો પચ્છથિમિલ્લે ચરિમંતે એસ ણ પંચ જોયણસયસહસ્રસાં અબાધાતે અંતરે પણન્તે । [૧૨૯]★☆☆ ભરહે ણ રાયા ચાઉરંતચક્રવર્ણી છ પુષ્વસતસહસ્રસાં રાયમજ્જાવસિત્તા મુંડે ભવિત્તા ણ અગારાતો અણગારિયં પવતિતે । [૧૩૦]★☆☆ જંબૂદીવસ્સ ણ દીવસ્સ પુરત્થિમિલ્લાતો વેઝિયાંતાટો ધાયિસંડચક્રવાલસ્સ પચ્છથિમિલ્લે ચરિમંતે એસ ણ સત્ત જોયણસતસહસ્રસાં અબાધાતે અંતરે પણન્તે । [૧૩૧]★☆☆ માહિંદે ણ કપ્પે અદ્વિમાણવાસસયસહસ્રસા પણન્તા । [૧૩૨]★☆☆ અનિયસ્સ ણ અરહતો સાતિરેગાં નવ ઓહિણાપિસહસ્રસાં હોત્થા । [૧૩૩]★☆☆ પુરિસસીહે ણ વાસુદેવ દસ વાસસતસહસ્રસાં સબ્વાઉયં પાલઝ્તા પંચમાએ પુઢ્વીએ ણરએસુ નેરિયતાટે ઉવવન્ને । [૧૩૪]★☆☆ સમણે ભગવં મહાવીરે તિત્થકરભવગ્ઘળણાતો છદ્દે પોદ્ધિલભવગ્ઘળણે એણ વાસકોડિં સામણપરિયાં પાઉણિત્તા સહસ્સારે કપ્પે સબ્વદ્દે વિમાણે દેવતાતે ઉવવન્ને । [૧૩૫]★☆☆ ઉસભસિરિસ્સ ભગવતો ચરિમસ્સ ય મહાવીરવદ્ધમાણસ્સ એગા સાગરોવમકોડાકોડી અબાધાએ અંતરે પણન્તે । [૧૩૬]★☆☆ દુવાલસંગે ગણપિદગે પણન્તે, તંજહા—આયારે સૂતગડે ઠાણે સમવાએ વિયાહપણન્તી ણાયાધ્મ્મકહાઓ ઉવાસગદસાતો અંતગડદસાતો અણુત્તરોવવાતિયદસાતો પણહાવાગરણાં

विवागसुते दिट्ठिवाए । से किं तं आयारे ? आयारे णं समणाणं निग्नंथाणं आयारगोयर- विणयवेणइयद्वाण -गमणचंकमणपमाण -जोगजुंजणभासासमितिगुती- सेजोवहिभत्तपाण -उग्मउप्पायणएसणा -विसोहिसुद्धासुद्धग्गहण -वयणियभत्तवोवधाण -सुप्पसत्थमाहिज्जति । से समासतो पंचविहे पण्णते, तंजहा—णाणायारे दंसणायारे चरित्तायारे तवायारे वीरियायारे । आयारस्स णं परित्ता वायणा, संखेज्जाअणुओगदारा, संखेज्जातो पडिवत्तीतो, संखेज्जा वेढा, संखेज्जा सिलोगा, संखेज्जातो निज्जुत्तीतो । से णं अंगद्वयाए पढमे अंगे, दो सुतक्खंधा, पणुवीसे अञ्ज्ञयणा, पंचासीती उद्देसणकाला, पंचासीई समुद्देसणकाला, अद्वारस पदसहस्साइं पदग्गेणं पण्णते । संखेज्जा अक्खरा, अणंता गमा, अणंता पज्वा, परित्ता तसा, अणंता थावरा, सासया कडा णिबद्धा णिकाइता जिणपण्णता भावा आघविज्जति पण्णविज्जंति परूविज्जंति दंसिज्जंति निदंसिज्जंति उवदंसिज्जंति । से एवं आता, एवं णाता, एवं विण्णाता । एवं चरणकरणपरूवणया आघविज्जति पण्णविज्जति परूविज्जति दंसिज्जंति निदंसिज्जंति उवदंसिज्जंति । से तं आयारे । [१३७]★☆★ से किं तं सूयगडे ? सूयगडे णं ससमया सूझज्जंति, परसमया सूझज्जंति, ससमया-परसमया सूझज्जंति, जीवा सूझज्जंति, अजीवा सूझज्जंति, जीवाजीवा सूझज्जंति, लोगे सूझज्जंति, अलोगे सूझज्जंति, लोगालोगे सूझज्जंति । सूयगडे णं जीवा-उजीवा-पुण्ण-पावा-८८सव-संवर-णिज्जर-बंध-मोक्खावसाणा पयत्था सूझज्जंति । समणाणं अचिरकालपव्वइयाणं कुसमयमोहमोहमतिमोहिताणं संदेहजायसहजबुद्धिपरिणामसंसइयाणं पावकरमइलमतिगुणविसोहणत्थं आसीतस्स किरियावादिसतस्सचउरासीतीए अकिरियावादीणं सत्तद्वीए अण्णाणियवादीणं बत्तीसाए वेणइयवादीणं तिणहं तेसद्वाणं अण्णदिट्ठियसयाणं वूहं किच्चा ससमए ठाविज्जति । णाणादिट्ठं तवयणणिस्सारं सुद्दु दरिसयंता विविहवित्थाराणुगमपरमसब्मावगुणविसिद्धा मोक्खपहोदारगा उदारा अण्णाणतमंधकारदुग्गेसु दीवभूता सोवाणा चेव सिद्धिसुगतिघरुतमस्स णिक्खोभनिप्पकंपा सुत्तत्था । सूयगडस्स णं परित्ता वायणा, संखेज्जा अणुओगदारा, संखेज्जातो पडिवत्तीतो, संखेज्जा वेढा, [संखेज्जा] सिलोगा, [संखेज्जाओ] निज्जुत्तीतो । से णं अंगद्वताए दोच्चे अंगे, दो सुतक्खंधा, तेवीसं अञ्ज्ञयणा, तेत्तीसं उद्देसणकाला, तेत्तीसं समुद्देसणकाला, छत्तीसं पदसहस्साइं पदग्गेणं पण्णते । संखेज्जा अक्खरा, तं चेव जाव परित्ता तसा, अणंता थावरा, सासया कडा णिबद्धा णिकाइता जिणपण्णता भावा आघविज्जंति जाव उवदंसिज्जंति । से [एवं आता,?] एवं णाते (णाता?) एवं विण्णाते(ता?) जाव चरणकरणपरूवणया आघविज्जति [पण्णविज्जति परूविज्जति निदंसिज्जंति उवदंसिज्जंति ?] से तं सूयगडे । [१३८]★☆★ से किं तं ठाणे ? ठाणे णं ससमया ठाविज्जंति, परसमया ठाविज्जंति, ससमय-परसमया [ठाविज्जंति], जीवा ठाविज्जंति, अजीवा [ठाविज्जंति], जीवाजीवा [ठाविज्जंति], लोगो अलोगो लोगालोगो वा ठाविज्जति । ठाणे णं दव्व-गुण-खेत्त-काल-पज्जवपयत्थाणं । सेला सलिला य समुद्द सूर भवण विमाण आगरा णदीतो । णिधयो पुरिसज्जाया सरा य गोत्ता य जोतिसंचाला ॥६०॥ एक्काविधवत्तव्वयं दुविह जाव दसविहवत्तव्वयं जीवाण पोग्गलाण य लोगद्वाइं च णं परूवणया आघविज्जति जाव ठाणस्स णं परित्ता वायणा जाव संखेज्जा सिलोगा, संखेज्जातो संगहणीतो । से तं(णं) अंगद्वताए ततिए अंगे, एगे सुतक्खंधे, दस अञ्ज्ञयणा, एक्कवीसं उद्देसणकाला, एक्कवीसं समुद्देसणकाला, बावत्तरिं पयसहस्साइं पदग्गेणं पण्णते । संखेज्जा अक्खरा जाव चरणकरणपरूवणया आघविज्जति । से तं ठाणे । [१३९]★☆★ से किं तं समवाए ? समवाए णं ससमया सूझज्जंति, परसमया सूझज्जंति, ससमय-परसमया सूझज्जंति, जीवा सूझज्जंति, अजीवा सूझज्जंति, जीवाजीवा सूझज्जंति, लोगे सूझज्जंति, अलोगे सूझज्जंति, लोगालोगे सूझज्जंति । समवाए णं एकादियाणं एगत्थाणं एगुत्तरिय परिवह्नी य दुवालसंगस्स य गणिपिडगस्स पल्लवग्गे समणुगाइज्जति । ठाणगसयस्स बारसविहवित्थरस्स सुतणाणस्स जगजीवहितस्स भगवतो समासेणं समायारे आहिज्जति । तथ्य य णाणाविहप्पगारा जीवाजीवा य वणिता वित्थरेणं, अवरे वि य बहुविहा विसेसा नरग-तिरिय-मणुय-सुरगणाणं आहारुस्सास-लेस-आवास-संख-आययप्पमाण-उववाय-चवण-ओगाहणोहि-वेयण-विहाण-उवओग-जोग-इंदिय-कसाय, विविहा य जीवजोणी, विक्खंभुस्सेहपरिरयप्पमाणं विधिविसेसा य मंदरादीणं महीधराणं, कुलगरतित्थगरगणधराणं समत्तभरहाहिवाण चक्रीण चेव चक्रहर-हलहराण य, वासाण य निग्गमा य, समाए एते अण्णे य एवमादि एत्थ वित्थरेणं अत्था समाहिज्जंति

। समवायस्स परिता वायणा जाव से णं अंगदृताए चउत्थे अंगे, एगे अज्ज्ञयणे, एगे सुयक्खंधे, एगे उद्देसणकाले, एगे समुद्देसणकाले, एगे चोयाले पदसतसहस्रे पदग्गेण पण्णते । संखेज्जाणि अक्खराणि जाव से तं समवाए । [१४०]★☆★ से किं तं वियाहे ? वियाहे णं ससमया विआहिजंति, परसमया विआहिजंति, ससमय-परसमया विआहिजंति, जीवा विआहिजंति, अजीवा विआहिजंति, जीवाजीवा विआहिजंति, लोए विआहिजति, अलोए विआहिजति, लोगालोगे विआहिजति । वियाहे णं नाणाविहसुरनरिंद्रायरिसिविहसंसइयपुच्छियाणं जिणेण वित्थरेण भासियाणं दब्बगुणखेत्कालपज्जवपदेसपरिणामजहत्थिभावअणुगमनिक्खेवणयप्पमाण-सुनिउणोवक्खमविविहप्पकारपागडपयंसियाणं लोगालोगप्पगासियाणं संसारसमुद्दरुदउत्तरणसमथाणं सुरवतिसंपूजियाणं भवियजणपयहियाभिनंदियाणं तमरयविद्धंसणाण सुदिव्वदीवभूयईहामतिबुद्धिवद्धणाणं छत्तीससहस्रसमणूयाणं वागरणाण दंसणाओ सुयत्थबहुविहप्पगारा सीसहितत्थाय गुणहत्था । वियाहस्स परिता वायणा जाव अंगदृताए पंचमे अंगे, एगे सुतक्खंधे, एगे साइरेगे अज्ज्ञयणसते, दस उद्देसगसहस्साइं, दस समुद्देसगसहस्साइं, छत्तीसं वागरणसहस्साइं, चउरासीति पयसहस्साइं पयग्गेण पण्णते । संखेज्जाइं अक्खराइं, अणंता गमा जाव सासया कडा णिबद्धा णिकाइया जिणपण्णता भावा आघविजंति जाव एवं चरणकरणपरूवण्या आघविजति । से तं वियाहे । [१४१]★☆★ से किं तं णायाध्मकहाओ ? णायाध्मकहासु णं णायाणं णगराइं, उज्जाणाइं, चेतियाइं, वणसंडा, रायाणो, अम्मापितरो, समोसरणाइं, धम्मायरिया, धम्मकहातो, इहलोइया पारलोइया इहुविसेसा, भोगपरिच्चाया, पव्वज्जातो, सुतपरिण्णहा, तवोवहाणाइं, परियागा, संलेहणातो, भत्तपच्चक्खाणाइं, पाओवगमणाइं, देवलोगगमणाइं, सुकुलपच्चायाती, पुण बोहिलाभो, अंतकिरियातो य आघविजंति जाव नायाध्मकहासु णं पव्वइयाणं विणयकरणजिणसामिसासणवरे संजमपतिण्णापालणधिइमतिववसायदुद्धरभरभग्गाण-सहाणिसद्वाणं तवनियमतवोवहाणरणदुद्धरभरभग्गाण-सहाणिसद्वाणं घोरपरीसहपराजियासहप(पा ?)रद्धरुद्धसिद्धालयमग्गनिग्गयाणं विसयसुहतुच्छआसावसदोसमुच्छियाणं विराहियचरित्तणाणदंसणजतिगुणवि-विहप्पगारणिस्सारसुन्नयाणं संसारअपारदुक्खदुग्गतिभवविविहपरंपरापवं चा, धीराण य जियपरीसहकसायसेणधितिधणियसंजमउच्छाहनिच्छियाणं आराहियणाणदंसणचरित्तजोगणिस्सल्लसुद्धसिद्धालयमग्गमभिमुहाणं सुरभवणविमाणसोक्खाइं अणोवमाइं भोत्तूण चिरं च भोगभोगाणि ताणि दिव्वाणि महरिहाणि ततो य कालक्खमचुयाणं जह य पुणो लद्धसिद्धिमग्गाणं अंतकिरिया, चलियाण य सदेवमाणुसधीरकरणकारणाणि बोधणअणुसासणाणि गुणदोसदरिसणाणि, दिद्वंते पच्चये य सोऊण लोगमुणिणो जह य ट्रिय सासणम्मि जरमरणणासणकरे, आराहितसंजमा य सुरलोगपडिनियत्ता उर्वेति जह सासतं सिवं सव्वदुक्खमोक्खं, एते अणे य एवमादित्थ वित्थरेण य । णायाध्मकहासु णं परिता वायणा, संखेज्जा अणुओगदारा जाव संखेज्जातो संगहणीतो । से णं अंगदृताए छडे अंगे, दो सुतक्खंधा, एकूणवीसं अज्ज्ञयणा, ते समासतो दुविहा पण्णता, तंजहा—चरिता य कडता य । दस धम्मकहाणं वग्गा, तथ्य णं एगमेगाए धम्मकहाए पंच पंच अक्खाइयसताइं, एगमेगाए अक्खाइयसताइं, एगमेगाए उवक्खाइयाए पंच पंच अक्खाइयउवक्खाइयसताइं, एवामेव सपुव्वावरेणं अद्भुद्वातो अक्खाइयकोडीओ भवंती मक्खायाओ । एगूणतीसं उद्देसणकाला, एगूणतीसं समुद्देसणकाला, संखेज्जाइं पयसतसहस्साइं पयग्गेण पण्णते । संखेज्जा अक्खरा जाव चरणकरणपरूवण्या आघविजति । से तं णायाध्मकहातो । [१४२]★☆★ से किं तं उवासगदसातो ? उवासगदसासु णं उवासयाणं णगराइं, उज्जाणाइं, चेतियाइं, वणसंडा, रायाणो, अम्मापितरो, समोसरणाइं, धम्मायरिया, धम्मकहाओ, इहलोइया पारलोइया इहुविसेसा, उवासयाणं च सीलव्वयवेरमणगुणपच्चक्खाणपोसहोववासपडिवज्जणतातो, सुयपरिण्णहा, तवोवहाणाइं, पडिमातो, उवसग्गा, संलेहणातो, भत्तपच्चक्खाणाइं, पाओवगमणाइं, देवलोगगमणाइं, सुकुलपच्चायाती, पुण बोहिलाभो, अंतकिरियातो य आघविजंति । उवासगदसासु णं उवासयाणं रिद्धिविसेसा, परिसा, वित्थरधम्मसवणाणि, बोहिलाभ, अभिगमणं, सम्मतविसुद्धता, थिरत्तं, मूलगुणुत्तरगुणातियारा, ठितिविसेसा य बहुविसेसा, पडिमाभिग्गहग्गहणपालणा, उवसग्गाहियासणा, णिरुवसग्गा

य, तवा य चित्ता, सीलब्वयगुणवेरमणपच्कखाणपोसहोववासा, अपच्छिममारणंतियायसंलेहणाज्ञोसणाहिं अप्पाणं जह य भावइत्ता बहूणि भत्ताणि अणसणाए य छेयइत्ता उववण्णा कप्पवरविमाणुत्तमेसु जह अणुभवंति सुरवरविमाणवरपोंडरीएसु सोकखाइं अणोवमाइं कमेण भोत्तूण उत्तमाइं, तओ आउक्खएण चुया समाणा जह जिणमयम्मि बोहिं लद्धूण य संजमुत्तमं तमरयोधविप्पमुक्का उर्वेति जह अक्खयं सव्वदुक्खमोक्खं, एते अन्ने य एवमादी [अथा वित्थरेण य] । उवासयदसासु णं परित्ता वायणा, संखेज्जा अणु ओगदारा जाव संखेज्जातो संगहणीतो । से णं अंगद्वयाए सत्तमे अंगे, एगे सुतक्खंधे, दस अज्ज्यणा, दस उद्देसणकाला, दस समुद्रेसणकाला, संखेज्जाइं पयसयसहस्साइं पयग्गेणं पण्णते । संखेज्जाइं अक्खराइं जाव एवं चरणकरणपरूपण्या आधविज्जति । से तं उवासगदसातो । [१४३]★☆☆ से किं तं अंतगडदसातो ? अंतगडदसासु णं अंतगडाणं णगराइं, उज्जाणाइं, चेतियाइं, वणसंडा, रायणो, अम्मापितरो, समोसरणाइं, धम्मायरिया, धम्मकहातो, इहलोइया पारलोइया इह्विविसेसा, भोगपरिच्चाया, पव्वज्जातो, सुतपरिग्गहा, तवोवहाणाइं, पडिमातो बहुविहातो, खमा, अज्जवं, मद्वं च, सोयं च सच्चसाहियं, सत्तरसविहो य संजमो, उत्तमं च बंभं, आकिंचणिया, तवो, चियातो, किरियातो, समितिगुत्तीओ चेव, तह अप्पमायजोगो, सज्ज्ञायज्ज्ञाणाण य उत्तमाणं दोणहं पि लक्खणाइं, पत्ताण य संजमुत्तमं जियपरीसहाणं चउव्विहकम्मक्खयम्मि जह केवलस्स लंभो, परियाओ जत्तिओ य जह पालिओ मुणीहिं, पायोवगतो य जो जहिं जत्तियाणि भत्ताणि छेयइत्ता अंतगडो मुणिवरो तमरयोधविप्पमुक्को, मोक्खसुहमणुत्तरं च पत्ता, एते अन्ने य एवमादी अथा परू [विज्जंति] जाव से णं अंगद्वयाए अद्वमे अंगे, एगे सुतक्खंधे, दस अज्ज्यणा, सत्त वग्गा, दस उद्देसणकाला, दस समुद्रेसणकाला, संखेज्जाइं पयसतसहस्साइं पयग्गेणं । संखेज्जा अक्खरा जाव एवं चरणकरणपरूपण्या आधविज्जति । से तं अंतगडदसातो । [१४४]★☆☆ से किं तं अणुत्तरोववातियदसातो ? अणुत्तरोववातियदसासु णं अणुत्तरोववातियाणं णगराइं, उज्जाणाइं, चेतियाइं, वणसंडा, रायणो, अम्मापितरो, समोसरणाइं, धम्मायरिया, धम्मकहातो, इहलोइया पारलोइया इह्विविसेसा, भोगपरिच्चाया, पव्वज्जाओ, सुतपरिग्गहा, तवोवहाणाइं, पडिमातो, संलेहणातो, भत्तपच्चक्खाणाइं पाओवगमणाइं, अणुत्तरोववत्ति, सुकुलपच्चायाती, पुण बोहिलाभो, अंतकिरिया [तो] य आधविज्जंति । अणुत्तरोववातियदसासु णं तित्थकरसमोसरणाइं परममंगल्लजगहिताणि, जिणातिसेसा य बहुविसेसा, जिणसीसाणं चेव समणगणपवरगं धहत्थीणं थिरजसाणं परिसहसेणरिवुबलपमद्वणाणं तवदित्तचरित्त-णाण-सम्मत्सारविविहप्पगारवित्थरपसत्थगुणसंजुयाणं अणगारमहरिसीणं अणगारगुणाण वण्णओ उत्तमवरतवविसिद्धणाणजोगजुत्ताणं, जह य जगहियं भगवओ, जारिसा य रिद्धिविसेसा देवासुरमाणुसाण । परिसाणं पाउब्भावा य जिणसमीवं, जह य उवासंति जिणवरं, जह य परिकहेंति धम्मं लोगशुरु अमर-नरा-इसुरगणाणं, सोऊण य तस्स भासियं अवसेसकम्मा विसयविरत्ता नरा जहा अब्मुवेंति धम्मं ओरालं संजमं तवं चावि बहुविहप्पगारं जह बहूणि वासाणि अणुचरित्ता आराहियनाणदंसणचरित्तजोगा जिणवयणमणुगयमहियभासिता जिणवराण हिययेणमणुणेत्ता जे य जहिं जत्तियाणि भत्ताणि छेयइत्ता लद्धूण य समाहिमुत्तमं झाणजोगजुत्ता उववन्ना मूणिवरुत्तमा जह अणुत्तरेसु पावंति जह अणुत्तरं तथ विसयसोक्खं तत्तो य चुया कमेण काहिंति संजया जह य अंतकिरियं, एते अन्ने य एवमादित्थ जाव परित्ता वायणा, संखेज्जा अणुओगदारा, [जाव] संखेज्जातो संगहणीतो । से णं अंगद्वयाए नवमे अंगे एगे सुयक्खंधे, दस अज्ज्यणा, तित्ति वग्गा, दस उद्देसणकाला, दस समुद्रेसणकाला, संखेज्जाइं पयसयसहस्साइं पयग्गेणं पण्णते । संखेज्जाणि अक्खराणि जाव एवं चरणकरणपरूपण्या आधविज्जति । से तं अणुत्तरोववातियदसातो । [१४५]★☆☆ से किं तं पण्हावागरणाणि ? पण्हावागरणेसु अद्वतरं पसिणसतं, अद्वतरं अपसिणसतं, अद्वतरं पसिणापसिणसतं, विज्जातिसया, नागसुपणेहिं सद्धिं दिव्वा संवाया आधविज्जंति । पण्हावागरणदसासु णं ससमय-परसमयपण्णवयपत्तेयबुद्धविविधत्थभासाभासियाण अतिसयगुणउवसमणाणपगारआयरियभासियाण वित्थरेण वीरमहेसीहिं विविहवित्थारभासियाण च जगहिताणं अद्वागंगुद्वबाहुअसिमणिखोमआइच्चमातियाण विविहमहापसिणविज्जामणपसिणविज्जाद्वयपयोगपाहणणगुणप्पगासियाण सब्भूयबिगुणप्पभावनरगणमतिविम्हयकरीणं अतिसयमतीतकालसमये

दमतित्थकरुत्तमस्स थितिकरणकारणाणं दुरभिगमदुरोवगाहस्स सब्बसब्बणुसम्मतस्साबुधजणविबोहकरस्स पच्चकखयप्पच्यकरीणं पण्हाणं विविहगुणमहत्था निणवरप्पणीया आधविज्जंति । पण्हावागरणेसु णं परित्ता वायणा, संखेज्जा जाव संखेज्जातो संगहणीतो । से णं अंगद्वताए दसमे अंगे, एगे सुतक्खंधे, [पणतालीसं अज्ज्ययणा], पणतालीसं उद्देसणकाला, पणतालीसं समुद्देसणकाला, संखेज्जाणि पयसयसहस्साणि पयग्गेणं पण्णत्ते, संखेज्जा अक्खरा, अणंता गमा जाव चरणकरणपर्खवण्या आधविज्जति । से त्तं पण्हावागरणाणि । [१४६]★★★ से किं तं विवागसुते ? विवागसुए णं सुकदुक्कडाणं कम्माणं फलविवागे आधविज्जति । से समासओ दुविहे पण्णत्ते, तंजहा—दुहविवागे चेव सुहविवागे चेव, तथ्य णं दह दुहविवागाणि, दह सुहविवागाणि । से किं तं दुहविवागाणि ? दुहविवागेसु णं [दुहविवागाणि] णगराइं, चेतियाइं, उज्जाणाइं, वणसंडा, रायणो, अम्मापितरो, समोसरणाइं, धम्मायरिया, धम्मकहातो, नरगगमणाइं, संसारपवंचदुहपरंपराओ य आधविज्जंति, से त्तं दुहविवागाणि । से किं तं सुहविवागाणि ? सुहविवागेसु सुहविवागाणं णगराइं जाव धम्मकहातो, इहलोइयपारलोइया इह्विविसेसा, भोगपरिच्याया, पव्वज्जाओ, सुयपरिग्गहा, तवोवहाणाइं, पडिमातो, संलेहणातो, भत्तपच्चक्खाणाइं, पाओवगमणाइं देवलोगगमणाइं, सुकुलपच्चायाती, पुण बोहिलाभो, अंतकिरियातो य आधविज्जंति । दुहविवागेसु णं पाणातिवायअलियवयण चोरिक्ककरण-परदारमेहुण-ससंगताए महतिव्वकसाय-इंद्रिय-प्पमायपावप्पओय-असुहज्जवसाणसंचियाणं कम्माणं पावगाणं पावअणुभागफलविवागा णिरयगति-तिरिक्खजोणिबहुविहवसणस्यपरंपरापबद्धाणं मणुयत्ते वि आगताणं जह पावकम्मसेसेण पावगा होंति फलविवागा वह- -वसणविणास -णास -कण्णोदुंगुद्वकर -चरण -नहच्छेयण -जिभच्छेयण -अंजण -कडिगिदाहण -ग्यचलणमलण -फालण -उल्लंबण -सूल -लता -लउड -लट्टिभंजण -तउ -सीसग -तत्तेल्लकलकलअभिसिंचण -कुंभि -पाग -कंपण -थिरबंधण -वेह -वज्ज्ञकत्तण -पतिभयकरकरपलीवणादिदारुणाणि दुक्खाणि अणोवमाणि, बहुविहवपरंपराणुबद्धा ण मुच्चंति पावकम्मवल्लीए, अवेयइत्ता हु णत्थि मोक्खो, तवेण थितिधणियबद्धकच्छेण सोहणं तस्स वा वि होज्जा । एत्तो य सुभविवागेसु सील-संजम-णियम-गुण-तवोवहाणेसु साहुसु सुविहिएसु अणुकं पासयप्पयोगतिकालमतिविसुद्धभत्तपाणाइं पययमणसा हितसुहनीसेसतिव्वपरिणामनिच्छियमती पयच्छिऊणं पयोगसुद्धाइं जह य निव्वत्तेंति उ बोहिलाभं जह य परित्तीकरेंति णर -णिरय -तिरिय -सुरगतिगमणविपुलपरियहु -अरति -भय -विसाय -सोक -मिच्छत्तसेलसंकडं अण्णाणतमंधकारचिक्खल्लसुदुत्तारं जर -मरण -जोणिसंखुभितचक्कवालं सोलसकसायसावयपयंडचंडं अणातियं अणवयणं संसारसागरमिणं, जह य णिबंधंति आउगं सुरगणेसु, जह य अणुभवंति सुरगणविमाणसोक्खाणि अणोवमाणि, ततो य कालंतरे चुयाणं इहेव नरलोगमागयाणं आउ -वपु -वण्ण -रुव -जाति -कुल -जम्म -आरोग्ग -बुद्धि -मेहाविसेसा मित्तजण -सयण -धणधण्णविभवसमिद्धिसारसमुदयविसेसा बहुविहकामभोगुभवाण सोक्खाण सुहविवागुत्तमेसु, अणुवरयपरंपराणुबद्धा असुभाणं सुभाणं चेव कम्माणं भासिया बहुविहा विवागा विवागसुयम्मि भगवता जिणवरेण संवेगकारणत्था, अन्ने वि य एवमादिया, बहुविहा वित्थरेणं अथपर्खवण्या आधविज्जति । विवागसुयस्स णं परित्ता वायणा, संखेज्जा जाव संखेज्जातो संगहणीतो । से णं अंगद्वताए एक्कारसमे अंगे, वीसं अज्ज्ययणा, वीसं उद्देसणकाला, वीसं समुद्देसणकाला, संखेज्जाइं पयसयसहस्साइं पयग्गेणं पण्णत्ते, संखेज्जाणि अक्खराणि, जाव एवं चरणकरणपर्खवण्या आधविज्जति से तं विवागसुए । १४७★★★ से किं तं दिद्धिवाए ? दिद्धिवाए णं सब्बभावपर्खवण्या आधविज्जति । से समासतो पंचविहे पण्णत्ते, तंजहा—परिकम्मं सुत्ताइं पुव्वगयं अणुओगो चूलिया । से किं तं परिकम्मे ? परिकम्मे सत्तविहे पण्णत्ते, तंजहा—सिद्धसेणियापरिकम्मे मणुस्ससेणियापरिकम्मे पुद्दसेणियापरिकम्मे ओगहणसेणियापरिकम्मे उवसंपज्जणसेणियापरिकम्मे विप्पजहणसेणियापरिकम्मे चुताचुतसेणियापरिकम्मे । से किं तं सिद्धसेणियापरिकम्मे ? सिद्धसेणियापरिकम्मे चोद्दसविहे पण्णत्ते, तंजहा—माउयापदाणि १, एगद्विताति २, पाढो ३, अद्वपयाणि ४, (अद्वपयाणि ३, पाढो ४,) आगासपदाणि ५, केउभूयं ६, रासिबद्धं ७, एगगुणं ८, दुगुणं ९, तिगुणं १०, केउभूतपडिण्णहो ११, संसारपडिण्णहो १२, नंदावत्तं १३, सिद्धावत्तं १४, से त्तं सिद्धसेणियापरिकम्मे । से किं तं मणुस्ससेणियापरिकम्मे ? मणुस्ससेणियापरिकम्मे चोद्दसविहे पण्णत्ते, तंजहा—ताइं चेव माउयापयाइं

જાવ નંદાવતં મણુસ્સાવત્તં, સે તં મણુસ્સસેણિયાપરિકમ્મે । અવસેસાં પરિકમ્માં પાઢાઇયાં એકારસવિહાણિ પન્ત્તાં । ઇચ્છેતાં સત્ત પરિકમ્માં, છ સસમઝયાણિ, સત્ત આજીવિયાણિ । છ ચઉકણઝયાણિ, સત્ત તેરાસિયાણિ । એવામેવ સપુબ્વાવરેણ સત્ત પરિકમ્માં તે સીતિં ભવંતીતિ મક્ખાયાતિં । સે તં પરિકમ્માં । સે કિં તં સુત્તાં ? સુત્તાં અદ્વાસીતિં ભવંતીતિ મક્ખાયાતિં, તંજહા—ઉજગં પરિણયાપરિણયં બહુભંગિયં વિપચ્વવિયં અણંતરપરંપરં સામાણં સંજૂં ભિન્ન આહ્વાયં સોવત્થિતં ઘંટં જાવનંદાવતં બહુલં પુઢાપુઢં વિયાવત્તં એવંભૂતં દુયાવત્તં વત્તમાણુપ્પયં સમભિરૂઢં સવ્વતોભદ્વં પણસં દુપડિગ્ગહં ૨૨ । ઇચ્છેતાં બાવીસં સુત્તાં છિણણચ્છેયણઝયાણિ સસમયસુત્તપરિવાડીએ, ઇચ્છેતાં બાવીસં સુત્તાં અચ્છિન્નચ્છેયનઝયાણિ આજીવિયસુત્તપરિવાડીએ, ઇચ્છેતાં બાવીસ સુત્તાં તિકણઝયાણિ તેરાસિયસુત્તપરિવાડીએ, ઇચ્છેતાં બાવીસં સુત્તાં ચુકણઝયાણિ સસમયસુત્તપરિવાડીએ । એવામેવ સપુબ્વાવરેણ અદ્વાસીતી સુત્તાં ભવંતીતિ મક્ખાયાં । સે તં સુત્તાં । સે કિં તં પુબ્વગાએ ? પુબ્વગાએ ચોદ્વસવિહે પણસે, તંજહા—ઉપ્પાયપુબ્વં અગેણિયં વીરિયં અત્થિણથિપ્પવાયં ણાણપ્પવાયં સચ્ચપ્પવાયં આતપ્પવાયં કમ્મપ્પવાયં પચ્ચક્ખાણં અણુપ્પવાયં અવંઝં પાણાઉં કિરિયાવિસાલં લોગબિંદુસારં ૧૪ । ઉપ્પાયપુબ્વસ્સ ણં દસ વત્થૂ, ચત્તારિ ચૂલિયાવત્થૂ પણન્તા । અગેણિયસ્સ ણં પુબ્વસ્સ ચોદ્વસ વત્થૂ, બારસ ચૂલિયાવત્થૂ પણન્તા । વીરિયપુબ્વસ્સ અદૃ વત્થૂ, અદૃ ચૂલિયાવત્થૂ પણન્તા । અત્થિણથિપ્પવાયસ્સ ણં પુબ્વસ્સ અદ્વારસ વત્થૂ, દસ ચૂલિયાવત્થૂ પણન્તા । ણાણપ્પવાયસ્સ ણં પુબ્વસ્સ બારસ વત્થૂ પણન્તા । સચ્ચપ્પવાયસ્સ ણં પુબ્વસ્સ દો વત્થૂ પણન્તા । આતપ્પવાયસ્સ ણં પુબ્વસ્સ સોલસ વત્થૂ પણન્તા । કમ્મપ્પવાયસ્સ ણં પુબ્વસ્સ તીસં વત્થૂ પણન્તા । પચ્ચક્ખાણસ્સ ણં પુબ્વસ્સ વીસં વત્થૂ પણન્તા । અણુપ્પવાયસ્સ ણં પુબ્વસ્સ પણરસ વત્થૂ પણન્તા । અવંઝસ્સ ણં પુબ્વસ્સ બારસ વત્થૂ પણન્તા । પાણાઉસ્સ ણં પુબ્વસ્સ તેરસ વત્થૂ પણન્તા । કિરિયાવિસાલસ્સ ણં પુબ્વસ્સ તીસં વત્થૂ પણન્તા । લોગબિંદુસારસ્સ ણં પુબ્વસ્સ પણવીસં વત્થૂ પણન્તા । “દસ ચોદ્વસ અદૃદૃારસેવ બારસ દુવે ય વત્થૂણિ । સોલસ તીસા વીસા પણરસ અણુપ્પવાયમ્મિ” ॥૬૧॥ “બારસ એકારસમે બારસમે તેરસેવ વત્થૂણિ । તીસા પુણ તેરસમે ચોદ્વસમે પણવીસાઓ” ॥૬૨॥ “ચત્તારિ દુવાલસ અદૃ ચેવ દસ ચેવ ચૂલવત્થૂણિ । આતિલાણ ચઉણં સેસાણં ચૂલિયા ણત્થિ” ॥૬૩॥ સે તં પુબ્વગતં । સે કિં તં અણુઓગે ? અણુઓગે દુવિહે પણસે, તંજહા—મૂલપદમાણુઓગે ય ગંડિયાણુઓગે ય । સે કિં તં મૂલપદમાણુઓગે ? મૂલપદમાણુઓગે એથં ણં અરહંતાણં ભગવંતાણં પુબ્વભવા, દેવલોગગમણાણિ, આઉં, ચયણાણિ, જમ્મણાણિ ય, અભિસેયા, રાયવરસિરીઓ, સીયાઓ, પવ્વજાઓ, તવા ય, ભત્તા, કેવલણાણુપ્પાતા, તિત્થપવત્તણાણિ ય, સંઘયણં, સંઠાણં, ઉચ્વત્તં, આઉં, વણવિભાગો, સીસા, ગણા, ગણહરા ય, અજ્ઞા, પવત્તિણીઓ, સંઘસ્સ ચઉબ્બિહસ્સ જં વા વિ પરિમાણં, જિણા, મણપજવાઓહિણાણિ-સમત્તસુયણાણિણો ય વાદી અણુત્તરગતી ય જત્તિયા, જત્તિયા સિદ્ધા, પાતોગતો ય જો જહિં જત્તિયાં ભત્તાં છેયિત્તા અંતગડો મુણિવરુત્તમો, તમરતોઘવિપ્પમુંકા સિદ્ધિપહમણુત્તરં ચ પત્તા, એટે અન્ને ય એવમાદી ભાવા પદમાણુઓગે કહિયા આઘવિજંતિ પણવિજંતિ પરૂવિજંતિ [દંસિજંતિ નિંદસિજંતિ ઉવદંસિજંતિ] । સે તં મૂલપદમાણુઓગે । સે કિં તં ગંડિયાણુઓગે ? ગંડિયાણુઓગે અણેગવિહે પણસે, તંજહા—કુલકરગંડિયાઓ તિત્થકરગંડિયાઓ ગણધરગંડિયાઓ ચક્રવિદ્વિંગંડિયાઓ દસારગંડિયાઓ બલદેવગંડિયાઓ વાસુદેવગંડિયાઓ હરિવંસગંડિયાઓ ભદ્રબાહુગંડિયાઓ તવોકમ્મગંડિયાઓ ચિત્તતરગંડિયાઓ ઓસપ્પિણિગંડિયાઓ ઉસ્સપ્પિણિગંડિયાઓ અમર-નર-તિરિય-નિરયગતિ-ગમણવિવિહપરિયદૃણાણુયોગે, એવમાતિયાતો ગંડિયાતો આઘવિજંતિ પણવિજંતિ પરૂવિજંતિ [ દંસિજંતિ નિંદસિજંતિ ઉવદંસિજંતિ ] । સે તં ગંડિયાણુઓગે । સે કિં તં ચૂલિયાઓ ? જણણાં આઇલાણં ચઉણં પુબ્વાણં ચૂલિયાઓ, સેસાં પુબ્વાણં અચૂલિયાં । સે તં ચૂલિયાઓ । દિદ્વિવાયસ્સ ણં પરિજ્ઞા વાયણા, સંખેજ્ઞા અણુઓગદારા જાવ સંખેજ્ઞાતો નિજુત્તીઓ । સે ણં અંગદૂતાએ બારસમે અંગે, એણે સુતક્ખંધે, ચોદ્વસ પુબ્વાં, સંખેજ્ઞા વત્થૂ, સંખેજ્ઞા ચૂલવત્થૂ, સંખેજ્ઞા પાહુડા, સંખેજ્ઞાતો પાહુડિયાતો, સંખેજ્ઞાતો પાહુડપાહુડિયાતો, સંખેજ્ઞાણિ પયસયસહસ્રાણિ પદગ્રોણં, સંખેજ્ઞા અક્રખરા, અણંતા ગમા, અણંતા પજવા, પરિજ્ઞા તસા, અણંતા થાવરા, સાસતા કડા ણિબદ્ધા ણિકાઇયા જિણપણન્તા ભાવા આઘવિજંતિ પણવિજંતિ પરૂવિજંતિ દંસિજંતિ નિંદસિજંતિ ઉવદંસિજંતિ । એવં ણાતે, એવં વિણાતે, એવં ચરણકરણપરૂવણા આઘવિજતિ । સે તં દિદ્વિવાતે

। સે તં દુવાલસંગે ગળિપિડગે । [૧૪૮] ★★★ ઇચ્છેતં દુવાલસંગ ગળિપિડગ અતીતે કાલે અણંતા જીવા આણાએ વિરાહેત્તા ચાઉરંતં સંસારકંતારં અણુપરિયદ્વિંસુ, ઇચ્છેતં દુવાલસંગ ગળિપિડગ પદુપ્પને કાલે પરિત્તા જીવા આણાએ વિરાહેત્તા ચાઉરંતં સંસારકંતારં અણુપરિયદ્વંતિ, ઇચ્છેતં દુવાલસંગ ગળિપિડગ અણાગતે કાલે અણંતા જીવા આણાએ વિરાહેત્તા ચાઉરંતં સંસારકંતારં અણુપરિયદ્વસ્સંતિ । ઇચ્છેતં દુવાલસંગ ગળિપિડગ અતીતે કાલે અણંતા જીવા આણાએ આરાહેત્તા ચાઉરંતં સંસારકંતારં વિતિવિતિસુ, એવં પદુપણે વિ, અણાગતે વિ । દુવાલસંગે ણ ગળિપિડગે ણ કયાતિ ણ આસી, ણ કયાતિ ણ ણથિ, ણ કયાતિ ણ ભવિસ્સઝ, ભુવિં ચ ભવતિ ય ભવિસ્સતિ ય, ધુવે ણિતિએ સાસતે અક્ખએ અબ્વએ અવદ્વિતે ણિચે । સે જહાણામણ પંચ અસ્થિકાયા ણ કયાઇ ણ આસિ, ણ કયાઇ ણ ણથી, ણ કયાઇ ણ ભવિસ્સતિ, ભુવિં ચ ભવતિ ય ભવિસ્સતિ ય, ધુવા ણિતિયા જાવ ણિચ્ચા, એવામેવ દુવાલસંગે ગળિપિડગે ણ કયાતિ ણ આસિ, ણ કયાતિ ણ ણથી, ણ કયાતિ ણ ભવિસ્સતિ, ભુવિં ચ ભવતિ ય ભવિસ્સઝ ય, જાવ અવદ્વિતે ણિચે । એથ ણ દુવાલસંગે ગળિપિડગે અણંતા ભાવા, અણંતા અભાવા, અણંતા હેઊ, અણંતા અહેઊ, અણંતા કારણા, અણંતા અકારણા, અણંતા જીવા, અણંતા અજીવા, અણંતા ભવસિદ્ધિયા, અણંતા અભવસિદ્ધિયા, અણંતા સિદ્ધા, અણંતા અસિદ્ધા આઘવિજંતિ પણવિજંતિ પરૂબિજંતિ દંસિજંતિ નિદંસિજંતિ ઉવદંસિજંતિ । [૧૪૯] ★★★ દુવે રાસી પણન્તા, તંજહા—જીવરાસી ય અજીવરાસી ય । અજીવરાસી દુવિહા પણન્તા, તંજહા—રૂબિઅજીવરાસી ય અરૂબિઅજીવરાસી ય । સે કિંતં અરૂબિઅજીવરાસી ? અરૂબિઅજીવરાસી દસવિહા પણન્તા, તંજહા—ધ્રમત્થિકાએ જાવ અદ્વાસમણ, જાવ સે કિંતં અણુત્તરોવવાતિયા ? અણુત્તરોવવાતિયા પંચવિહા પણન્તા, તંજહા—વિજય-વેજયંત-જયંત-અપરાજિય-સવ્બદુસિદ્ધિયા, સે તં અણુત્તરોવવાતિયા, સે તં પંચેદિયસંસારસમાવણજીવરાસી દુવિહા પણન્તા, તંજહા—પંચવિહા પણન્તા, તંજહા—પંચવિહા અપજન્તા ય, એવં દંડાઓ ભાણિયબ્વો જાવ વેમાણિય તિ । ઇમીસે ણ રયણપ્પભાએ પુઢવીએ કેવિયં ઓગાહેત્તા કેવિયા ણિરયા પણન્તા ? ગોયમા ! ઇમીસે ણ રયણપ્પભાએ પુઢવીએ આસીઉત્તરજોયણસયસહસ્સબાહલ્લાએ ઉવરિં એગ જોયણસહસ્સં ઓગાહેત્તા હેટ્ટા ચેગં જોયણસહસ્સં વજેત્તા મજ્જે અદ્વહત્તરે જોયણસયસહસ્સે એથ ણ રયણપ્પભાએ પુઢવીએ ણેરઝયાણ તીસં નિરયાવાસસયસહસ્સા ભવંતીતિ મક્ખાયા । તે ણ ણરયા અંતો વદ્ધા, બાહિં ચાઉરંસા, જાવ અસુભા નિરયા અસુભાતો ણરએસુ વેયણાતો । એવં સત્ત વિ ભાણિયબ્વાઓ જં જાસુ જુજ્જતિ— આસીયં બત્તીસં અદ્વાવીસં તહેવ વીસં ચ । અદ્વારસ સોલસંગ અદ્વુત્તરમેવ બાહલ્લાં ॥૬૪॥ તીસા ય પણવીસા પણરસ દસેવ સયસહસ્સાઇં । તિણેગં પંચૂણ પંચેવ અણુત્તરા નરગા ॥૬૫॥ ચાસદ્ધી અસુરાણ ચારાસીતિં ચ હોતિ નાગાણ । બાવત્તરિં સુવર્ણાણ વાઉકુમારાણ છણણતિં ॥૬૬॥ દીવ-દિસા-ઉદર્ધીણ વિજુકુમારિંદ-થણિય-મગ્નીણ । છણહં પિ જુવલગાણ છાવત્તરિ મો સતસહસ્સા ॥૬૭॥ બત્તીસડ્વાવીસા બારસ અદ્વ ચારો સતસહસ્સા । પણા ચત્તાલીસા છચ્ચ સહસ્સા સહસ્સારે ॥૬૮॥ આણય-પાણયકપે ચત્તારિ સયાડરણચુતે તિન્નિ । સત્ત વિમાણસતાઇં ચાસુ વિ એસુ કપ્પેસુ ॥૬૯॥ એકારસુતરં હેટ્ટિમેસુ સત્તુતરં ચ મંજ્ઞિમણે । સયમેગં ઉવરિમણ પંચેવ અણુત્તરવિમાણા ॥૭૦॥ દોચ્ચાએ ણ પુઢવીએ તચ્ચાએ ણ પુઢવીએ ચાઉત્થી [એ ણ પુઢવીએ] પંચમી [એ ણ પુઢવીએ] છદ્ધી [એ ણ પુઢવીએ] સત્તમી [એ ણ પુઢવીએ] ગાહાહિં ભાણિયબ્વા । સત્તમાણ ણ પુઢવીએ પુઢ્છા, ગોતમા ? સત્તમાણ પુઢવીએ અદ્વુત્તરજોયણસતસહસ્સબાહલ્લાએ ઉવરિં અદ્વદેવણં જોયણસહસ્સાઇં ઓગાહેત્તા હેટ્ટા વિ અદ્વદેવણં જોયણસહસ્સાઇં વજેત્તા મજ્જે તિસુ જોયણસહસ્સેસુ એથ ણ સત્તમાણ પુઢવીએ નેરઝયાણ પંચ અણુત્તરા મહિતિમહાલયા મહાનિરયા પણન્તા, તંજહા—કાલે, મહાકાલે, રોસુતે, મહારોસુતે, અપતિદ્વાળે ણામં પંચમણે । તે ણ નિરયા વદ્ધે ય તંસા ય, અધે ખુરપ્પસંઠાણસંઠિતા જાવ અસુભા નરગા અસુભાઓ નરએસુ વેયણાતો । ૧૫૦. કેવતિયા ણ ભંતે ! અસુરકુમારાવાસા પણન્તા ? ગોતમા ! ઇમીસે ણ રયણપ્પભાએ પુઢવીએ અસીઉત્તરજોયણસહસ્સબાહલ્લાએ ઉવરિં એગ જોયણસહસ્સં ઓગાહેત્તા હેટ્ટા ચેગં જોયણસહસ્સં વજેત્તા મજ્જે અદ્વહત્તરે જોયણસતસહસ્સે એથ ણ રયણપ્પભાએ પુઢવીએ ચાસસં અસુરકુમારાવાસસતસહસ્સા પણન્તા । તે ણ ભવણા બાહિં વદ્ધા, અંતો ચાઉરંસા, અહે પોક્ખરકણિયાસંઠાણસંઠિતા, ઉક્રિણાંતરવિપુલગંભીરખાવફલિહા અદ્વાલયચરિયદારગોઉરકવાડતોરણપદિદુવારદેસભાગા જંતમુસલમુસંદિસતઘિપરિવારિતા અઉજ્જા અડયાલકોદ્દુયરઝયા અડયાલકતવણમાલા લાઉલ્લોઝયમહિયા ગોસીસસરસરતચં દણદદરદિણણપંચગુલિતલા



कालागुरुपवरकुंदुरुक्ततुरुक्कडज्ञंतधूवमघमघेंतगंधुब्धुराभिरामा सुगंधवरगंधगंधिया गंधवद्विभूता अच्छा सणहा घट्टा मट्टा नीरया णिम्मला वितिमिरा विसुद्धा सप्पभा समिरीया सउज्जोया पासादीया दरिसणिज्जा अभिरूवा पडिरूवा । एवं जस्स जं कमती तं तस्स जं जं गाहाहिं भणियं तह चेव वण्णओ । केवतिया णं भंते ! पुढविकाइयावासा पण्णत्ता ? गोतमा ! असंखेज्जा पुढविकाइयावासा पण्णत्ता । एवं जाव मणूस त्ति । केवतिया णं भंते ! वाणमंतरावासा पण्णत्ता ? गोतमा इमीसे णं रतणप्पभाए पुढवीए रयणामयस्स कंडस्स जोयणसहस्सबाहल्लस्स उवरिं एगं जोयणसंतं ओगाहेत्ता हेट्टा चेगं जोयणसंतं वजेत्ता मज्जे अद्वसु जोयणसतेसु एथ णं वाणमंतराणं देवाणं तिरियमसंखेज्जा भोमेज्जणगरावाससतसहस्सा पण्णत्ता । ते णं भोमेज्जा नगरा बाहिं वट्टा अंतो चउरंसा, एवं जहा भवणवासीणं तहेव णेयब्बा, णवरं पडागमालाउळा सुरम्मा पासादीया **[दरिसणिज्जा अभिरूवा पडिरूवा]** । केवतिया णं भंते ! जोतिसियावासा पण्णत्ता ? गोयमा ! इमीसे णं रयणप्पभाए पुढवीए बहुसमरमणिज्जाओ भूमिभागाओ सत्तनउयाइं जोयणसयाइं उहुं उप्पतित्ता एथ णं दसुत्तरजोयणसतबाहल्ले तिरियं जोतिसविसए जोतिसियाणं देवाणं असंखेज्जा जोतिसियविमाणावासा पण्णत्ता । ते णं जोतिसियविमाणावासा अब्भुग्यभूसियपहसिया विविहमणिरयणभत्तिचित्ता वाउब्दुतविजयवेजयंतीपडागच्छतातिच्छतकलिया तुंगा गगणतलमणुलिहंतसिहरा जालंतररयणपंजरुमिलित व्व मणिकणगथूभियागा विगसितसतवत्तपुंडरीयतिलयरयणच्छचंदचित्ता अंतो बहिं च सणहा तवणिज्जवालुगापत्थडा सुहफासा सस्सीरीयरूवा पासादीया दरिसणिज्जा अभिरूवा पडिरूवा । केवइया णं भंते ! वेमाणियावासा पण्णत्ता ? गोयमा ! इमीसे णं रयणप्पभाए पुढवीए बहुसमरमणिज्जाओ भूमिभागाओ उहुं चंदिमसूरियगहणनक्खततारारूवा णं वीतिवइत्ता बहूणि जोयणाणि बहूणि जोयणसताणि **[बहूणि]** जोयणसहस्साणि **[बहूणि]** जोयणसयसहस्साणि **[बहुगीतो]** जोयणकोडाकोडीतो **[बहुगीतो]** जोयणकोडाकोडीतो असंखेज्जाओ जोयणकोडाकोडीतो उहुं दूरं वीइवइत्ता एथ णं वेमाणियाणं देवाणं सोहम्मीसाण-सणंकुमार-माहिंद-बंभ-लंतग-सुक्क-सहस्सार-आणय-पाणय-आरण-उच्चुएसु गेवेज्जमणुत्तरेसु य चउरासीति विमाणावाससयसहस्सा सत्ताणउतिं च सहस्सा तेवीसं च विमाणा भवंतीति मक्खाया । ते णं विमाणा अच्चिमालिप्पभा भासरासिवण्णाभा अरया नीरया णिम्मला वितिमिरा विसुद्धा सब्बरयणामया अच्छा सणहा लणहा घट्टा मट्टा णिप्पंका णिक्कंकडच्छाया सप्पभा समिरिया सउज्जोया पासादीया दरिसणिज्जा अभिरूवा पडिरूवा । सोअम्मे णं भंते ! कप्पे केवतिया विमाणावासा पण्णत्ता ? गोयमा ! बत्तीसं विमाणावाससयसहस्सा पण्णत्ता । एवं ईसाणाइसु २८। १२। ८। ४। एयाइं सयसहस्साइं, आणए पाणए चत्तारि, आरणच्चुए तिणि, एयाणि सयाणि, एवं गाहाहिं भाणियब्बं । **[१५१]**☆☆☆ नेरइयाणं भंते ! केवतियं कालं ठिती पण्णत्ता ? गोयमा ! जहन्नेणं दस वाससहस्साइं, उक्कोसेणं तेत्तीसं सागरोवमाइं ठिती पण्णत्ता । अपज्जत्तगाणं भंते ! नेरइयाणं केवतियं कालं ठिती पण्णत्ता ! गोयमा ! जहन्नेणं अंतोमुहुत्तं, उक्कोसेण वि अंतोमुहुत्तं । पज्जत्तगाणं जहन्नेणं दस वाससहस्साइं अंतोमुहुत्तूणाइं, उक्कोसेणं तेत्तीसं सागरोवमाइं अंतोमुहुत्तूणाइं । इमीसे णं रयणप्पभाए पुढवीए एवं विजय-वेजयंत-जयंत-अपराजियाणं देवाणं केवइयं कालं ठिती पण्णत्ता ? गोयमा ! जहन्नेणं बत्तीसं सागरोवमाइं, उक्कोसेणं तेत्तीसं सागरोवमाणि । सब्बद्वे अजहण्णमणुक्कोसेणं तेत्तीसं सागरोवमाइं ठिती पण्णत्ता । **[१५२]**☆☆☆ कति णं भंते ! सरीरा पण्णत्ता ? गोतमा ! पंच सरीरा पण्णत्ता, तंजहा—ओरालिए जाव कम्मए । ओरालियसरीरे णं भंते ! कतिविहे पण्णत्ते ? गोयमा ! पंचविहे पण्णत्ते, तंजहा—एगिंदियओरालियसरीरे जाव गब्भवक्कंतियमणुस्सपंचिदियओरालियसरीरे य । ओरालियसरीरस्स णं भंते ! केमहालिया सरीरोगाहणा पण्णत्ता ? गोयमा ! जहन्नेणं अंगुलस्स असंखेज्जतिभागं, उक्कोसेणं सातिरेंग जोयणसहस्सं । एवं जहा ओगाहणसंठाणे ओरालियपमाणं तहा निरवसेसं, एवं जाव मणुस्से उक्कोसेणं तिणि गाउयाइं । कतिविहे णं भंते ! वेउव्वियसरीरे पण्णत्ते ? गोयमा ! दुविहे पण्णत्ते, तंजहा—एगिंदियवेउव्वियसरीरे य पंचिंदियवेउव्वियसरीरे य । एवं जाव सणंकुमारे आढत्तं जाव अणुत्तरा भवधारणिज्जा जा तेसिं रयणी रयणी परिहायति । आहारसरीरे णं भंते ! कतिविहे पण्णत्ते ? गोयमा ! एगाकारे पण्णत्ते । जइ एगाकारे पण्णत्ते किं मणुस्सआहारयसरीरे अमणुस्सआहारसरीरे ? गोयमा ! मणुस्साहारगसरीरे, णो अमणूसाहारगसरीरे । एवं जति मणूस० किं गब्भक्कंतिय०संमुच्छिम० ?



ગોયમા ! ગબ્ભવક્ષણીયો, નો સંમુચ્છિમો | જિ ગબ્ભવક્ષણીયો કિં કમ્મભૂમગો અકમ્મભૂમગો ? ગોયમા ! કમ્મભૂમગો નો અકમ્મભૂમગો | જિ કમ્મભૂમગો કિં સંખેજવાસાઉયો અસંખેજવાસાઉયો ? ગોયમા ! સંખેજવાસાઉયો નો અસંખેજવાસાઉયો, | જિ સંખેજવાસાઉયો કિં પજત્તયો અપજત્તયો ? ગોયમા પજત્તયો, નો અપજત્તયો | જિ પજત્તયો કિં સમ્મદિદ્વીં મિચ્છદિદ્વીં સમ્મામિચ્છદિદ્વી ? ગોયમ ! સમ્મદિદ્વીં, નો મિચ્છદિદ્વી નો સમ્મામિચ્છદિદ્વી | જિ સમ્મદિદ્વીં કિં સંજતો અસંજતો સંજતાસંજતો ? ગોયમા ! સંજતો, નો અસંજતો નો સંજતાસંજતો | જિ સંજતો કિં પમત્તસંજતો અપમત્તસંજત ? ગોયમા ! પમત્તસંજતો, નો અપમત્તસંજતો | જિ પમત્તસંજત કિં ઇછૃપત્તો અણિછૃપત્તો ? ગોયમા ! ઇછૃપત્તો, નો અણિછૃપત્તો | વયણ વિ ભણિયવ્બા | આહારયસરીરે સમચતુરસંઠાણસંઠિતે | આહાર [યસરીરસ્સ કેમહાલિયા સરીરોગાહણા પચ્ચતા ? ગોયમા !] જહન્નેણ દેસૂણા રયણિ, ઉકોસેણ પડિપુણા રયણી | તેયાસરીરે ણ ભંતે ! કતિવિહે પણતે ? ગોયમા ! પંચવિહે પણતે, તંજહા—એંદિયતેયસરીરે ય બેઝંદિયતેયસરીરે ય તેઝંદિયતેયસરીરે ય ચરંદિયતેયસરીરે ય પંચંદિયતેયસરીરે ય એવં જાવ ગેવેજ્યસ્સ ણ ભંતે ! દેવસ્સ મારણંતિયસમુઘાતેણં સમોહતસ્સ સમાણસ્સ [તેયાસરીરસ્સ] કેમહાલિયા સરીરોગાહણા પચ્ચતા ? ગોયમા ! સરીરપ્પમાણમેત્તા વિક્ખંભબાહ્લેણ, આયામેણ જહન્નેણ અહે જાવ વિજાહરસેઢીઓ, ઉકોસેણ અહે જાવ અહોલોઝ્યા ગામા, ઉછું જાવ સયાં વિમાણાં, તિરિયં જાવ મણુસ્સખેત્તં, એવં જાવ અણુત્તરોવવાઇયા વિ | એવં કમ્મયસરીરં પિ ભાણિયવ્બં | ભેદે વિસય સંઠાણે અબ્ધંતર બાહિરે દેસોથી | ઓહિસ્સ વહૃ હાણી પડિવાતી ચેવ અપડિવાતી ||૭૧||

**[૧૫૩]☆☆☆** કતિવિહે ણ ભંતે ! ઓહી પણતે ? ગોયમા ! દુવિહે પણતે—ભવપચ્છઇએ ય ખાઓવસમિએ ય | એવં સ્વં ઓહિપદં ભાણિયવ્બં | સીતા ય દ્વબ સારીર સાત તહ વેણા ભવે દુક્ખા | અબ્ધુવગમુવક્મિયા ણિતાં ચેવ અણિદાતિં ||૭૨|| નેરઝ્યા ણ ભંતે ! કિં સીતવેદણ વેયતિં, ઉસિણવેયણ વેયંતિ, સીતોસિણવેયણ વેયતિ ? ગોયમા ! નેરઝ્યા૦ એવં ચેવ વેણાપદં ભાણિયવ્બં | કતિ ણ ભંતે ! લેસાતો પણત્તાતો ? ગોયમા ! છલ્લેસાતો પણત્તાતો, તંજહા—કિણહલેસા નીલલેસા કાઉલેસા તેઊલેસા પમ્હલેસા સુક્લેસા | એવં લેસાપદં ભાણિયવ્બં | અણંતરા ય આહારે આહરાભોયણા વિ ય | પોગલા નેવ જાણંતિ અજ્ઞવસાણા ય સામ્મતે ||૭૩|| નેરઝ્યા ણ ભંતે ! અણંતરાહારા તતો નિબ્વત્તણયા તતો પરિયાતિયણતા તતો પરિણામણતા તતો પરિયારણયા તતો પચ્છા વિકુબ્વણયા ? હંતા ગોયમા ! એવં આહારપદં ભાણિયવ્બં |

**[૧૫૪]☆☆☆** કતિવિહે ણ ભંતે ! આઉગબંધે પણતે ? ગોયમા ! છબ્બિહે આઉગબંધે પણતે, તંજહા—જાતિનામનિધત્તાઉએ, એવં ગતિનામો ઠિતિનામો પદેસનામો અણુભાગો ઓગાહણાનામો | નેરઝ્યાં ભંતે ! કતિવિહે આઉગબંધે પચ્ચતે ?, ગોયમા ! છબ્બિહે પણતે, તંજહા—જાતિનામો જાવ ઓગાહણાનામો | એવં જાવ વેમાણિય ત્તિ | નિરયગતી ણ ભંતે ! કેવતિયં કાલં વિરહિતા ઉવવાએણ પણત્તા ? ગોયમા ! જહન્નેણ એક્સ સમયં, ઉકોસેણ બારસ મુહુતે, એવં તિરિયગતિ મણુસ્સ [ગતિ] દેવ [ગતિ] | સિદ્ધિગતી ણ ભંતે ! કેવઝયં કાલં વિરહિયા સિજ્જણયાએ પણત્તા ? ગોયમા ! જહન્નેણ એક્સ સમયં, ઉકોસેણ છમ્માસે | એવં સિદ્ધિવજ્જા ઉવવદૃણા | ઇમીસે ણ ભંતે ! રયણપ્પભાએ પુઢ્હીએ નેરઝ્યા કેવઝયં કાલં વિરહિયા ઉવવાએણ ? એવં ઉવવાયદંડો ભાણિયવ્બો ઉવવદૃણાદંડો ય | નેરઝ્યા ણ ભંતે ! જાતિનામનિધત્તાઉં કતિહિં આગરિસેહિં પગરેંતિ ? ગો૦ ! સિય ૧, સિય ૨|શા|૪|૫|દા|૭, સિય અદૃહિં, નો ચેવ ણ નવહિં | એવં સેસાણ વિ આઉગાળિ જાવ વેમાણિય ત્તિ |

**[૧૫૫]☆☆☆** કહિવિહે ણ ભંતે ! સંઘયણે પણતે ? ગોયમા ! છબ્બિહે સંઘયણે પણતે, તંજહા—વહરોસભનારાયસંઘયણે રિસભનારાયસંઘયણે નારાયસંઘયણે અદ્ધનારાયસંઘયણે ખીલિયાસંઘયણે છેવદૃસંઘયણે | નેરઝ્યા ણ ભંતે ! કિંસંઘયણી [પણત્તા] ? ગોયમા ! છણહં સંઘયણાં અસંઘયણી, ણેવદ્વી ણેવ છિરા ણવિ ણહારુ, જે પોગલા અણિદ્વા અકંતા અપ્પિયા અમણુણા અમણાવા તે તેસિં અસંઘયણત્તાએ પરિણમંતિ | અસુકુમાર ણ [ભંતે] ! કિંસંઘયણી પણત્તા ? ગોયમા ! છણહં સંઘયણાં અસંઘયણી, ણેવદ્વી ણેવ છિરા જાવ જે પોગલા ઇદ્વા કંતા પિયા મણુણા મણામા મણાભિરામા તે તેસિં અસંઘયણત્તાએ પરિણમંતિ | એવં જાવ થણિયકુમાર ત્તિ | પુઢવિ [કાઝયાં ભંતે ! કિંસંઘયણી પણત્તા ? ગોયમા !] સેવદૃસંઘયણી પણત્તા, એવં જાવ સંમુચ્છિમપચેંદિયતિરિક્ખજોણિય ત્તિ | ગબ્ભવક્ષણી છબ્બિહસંઘયણી | સંમુચ્છિમમણુસ્સા ણ સેવદૃસંઘયણી | ગબ્ભવક્ષણી પણત્તા છબ્બિહસંઘયણી | જહા અસુરકુમારા તહા વાણમંતરા જોતિસિયા વેમાણિયા | કતિવિહે ણ ભંતે ! સંઠાણે

पण्णते ? गोयमा ! छब्बिहे संठाणे पण्णते, तंजहा—समचउरंसे, णगोहपरिमंडले, साति, खुजे, वामणे, हुंडे | णेरइया णं भंते ! किं [संठाणी पण्णता ?] गोयमा ! हुंडसंठाणी पण्णता | असुरकुमारा [णं भंते] ! किं [संठाणी पण्णता ?] गोयमा ! समचउरंसंठाणसंठिया पण्णता जाव थणिय त्ति | पुढवि [काइया] मसूरयसंठाणा पण्णता | आऊ [काइया] थिबुयसंठाणा पण्णता | तेऊ [काइया] सूइकलावसंठाणा पण्णता | वाऊ [काइया] पडातियासंठाणा पण्णता | वणप्फति [काइया] णाणासंठाणसंठिता पण्णता | बेंतिया तेंतिया चउरिंदिया संमुच्छिमपंचेंदियतिरिक्खजोणिया हुंडसंठाणा पण्णता | गब्भवक्कंतिया छब्बिहसंठाणा [पण्णता] | सम्मुच्छिममणूसा हुंडसंठाणसंठिता पण्णता | गब्भवक्कंतियाणं [मणूसाण] छब्बिहा संठाणा [पण्णता] | जहा असुरकुमारा तहा वाणमंतरा जोतिसिया वेमाणिया | [१५६] कतिविहे णं भंते ! वेए पण्णते ? गोयमा ! तिविहे वेए पण्णते, तंजहा—इत्थिवेदे पुरिसवेदे णपुंसगवेदे | णेरतियाणं भंते १ किं इत्थिवेए पुरिसवेए णपुंसगवेए पण्णते ? गोयमा ! णो इत्थि [वेदे], णो पुंवेदे, णपुंसगवेदे [पण्णते] | असुरकुमा [राणं भंते] ! किं [इत्थिवेए पुरिसवेए णपुंसगवेए पण्णते] ? गोयमा ! इत्थि [वेए], पुमं [वेए], णो णपुंसग [वेए] जाव थणिय त्ति | पुढवि [काइया] आउ [काइया] तेउ [काइया] वाउ [काइया] वण [प्फति काइया] बे [इंदिया] ते [इंदिया] चउ [रिंदिया] संमुच्छिमपंचेंदियतिरिक्ख [जोणिया] संमुच्छिममणूसा णपुंसगवेया | गब्भवक्कंतियमणूसा पंचेंदियतिरिया तिवेया | जहा असुरकुमारा तहा वाणमंतरा जोतिसिया वेमाणिया | [१५७] तेणं कालेणं तेणं समएणं कपपस्स समोसरणं णेतव्वं जाव गणहरा सावच्चा णिरवच्चा वोच्छिन्ना | जंबुद्दीवे णं दीवे भारहे वासे तीताए उस्सप्पिणीते सत्त कुलकरा होत्था, तंजहा—मित्तदामे सुदामे य, सुपासे य सयंपभे | विमलधोसे सुधोसे य, महाधोसे य सत्तमे ||७४॥ जंबुद्दीवे णं दीवे भारहे वासे तीताए उस्सप्पिणीए दस कुलकरा होत्था, तंजहा—सतजले सताऊ य, अजितसेणे अणंतसेणे य | कक्षसेणे भीमसेणे, महासेणे य सत्तमे ||७५॥ दढरहे दसरहे सतरहे | जंबुद्दीवे णं दीवे भारहे वासे इमीसे ओसप्पिणीए समाते सत्त कुलगरा होत्था, तंजहा—पढमेत्थ विमलवाहण० [चकखुम जसमं चउत्थमभिचंदे | तत्तो पसेणर्ईए मरुदेवे चेव नाभी य ||७६॥] गाहा | एतेसि णं सत्तणं कुलगराणं सत्त भारियातो होत्था, तंजहा—चंदजस चंद० [कंता सुरुव पडिरुव चकखुकंता य | सिरिकंता मरुदेवी कुलगरपत्तीण णामाइं ||७७॥] गाहा | जंबुद्दीवे णं दीवे भारहे वासे इमीसे णं ओसप्पिणीए चउवीसं तित्थकराण पितरो होत्था, तंजहा—णाभी जियसतू या० जियारी संवरे इ य | मेहे धरे पझ्डे य महसेणे य खत्तिए ||७८॥ सुग्गीवे दढरहे विण्हू वसुपुज्जे य खत्तिए | कयवम्मा सीहसेणे य भाणू विस्ससेणे इ य ||७९॥ सूरे सुदंसणे कुंभे सुमित्तविजए समुद्दविजये य | राया य आससेणे सिद्धत्ये च्यिय खत्तिए ||८०॥ गाहा उदितोदितकुलवंसा विसुद्धवंसा गुणेहिं उववेया | तित्थप्पवत्तयाणं एते पितरो जिनवराणं ||८१॥ जंबुद्दीवे एवं मातरो—मरुदेवा० विजय सेणा सिद्धत्था मंगला सुसीमा य | पुहर्ई लक्खण रामा नंदा विण्हू जया सामा ||८२॥ सुजसा सुव्यय अहरा सिरि देवी य पभावर्ई | पउमावती य वप्पा सिव वम्मा तिसिला इ य ||८३॥ गाहातो | जंबुद्दीवे णं दीवे भारहे वासे इमीसे ओसप्पिणीए चउवीसं तित्थकरा होत्था, तंजहा—उसभ १ अजित २ जाव वद्धमाणो २४ य | एतेसि चउवीसाए तित्थकराणं चउवीसं पुव्वभविया णामधेजा होत्था, तंजहा—पढमेत्थ वतिरणाभे विमले तह विमलवाहणे चेव | तत्तो य धम्मसीहे सुमित्त तह धम्ममित्ते य ||८४॥ सुंदरबाहू तह दीहबाहु जुगबाहु लट्टबाहू य | दिणे य इंददिणे सुंदर माहिंदरे चेव ||८५॥ सीहरहे मेहरहे रूप्पी य सुदंसणे य बोधव्वे | तत्तो य णंदणे खलु सीहगिरी चेव वीसन्तिमे ||८६॥ अद्विणसत्तु संखे सुदंसणे णंदणे य बोधव्वे | ओसप्पिणीए एते तित्थकराणं तु पुव्वभवा ||८७॥ एतेसि णं चउवीसाए तित्थयराणं चउवीसं सीयाओ होत्था, तंजहा—सीया सुदंसणासुप्पभा य सिद्धत्थ सुप्पसिद्धा य | विजया य वेजयंती जयंती अपराजिया ||८८॥ अरुणप्पभ सूरप्पभ सुंकप्पभ अग्नि सप्पभा चेव | विमला य पंचवणा सागरदत्ता तह णागदत्ता य ||८९॥ अभयकर पिव्वुतिकरी मणोरमा तह मणोहरा चेव | देवकुरु उत्तरकुरा विसाल चंदप्पभा सीया ||९०॥ एतातो सीयातो सब्वेसिं चेव जिणवरिंदाणं | सव्वजगवच्छलाणं सव्वोतुकसुभाए छायाए ||९१॥ पुव्विं उक्खित्ता माणुसेहिं सा हट्टरोमकूवेहिं | पच्छा वहंति सीयं असुरिंद-सुरिंद-नागिंदा ||९२॥ चलचवलकुंडलधरा सच्छंदविउव्वियाभरणधारी | सुर-असुरवंदियाणं वहंति सीयं जिणिंदाणं ||९३॥ पुरतो वहंति देवा नागा पुण दाहिणम्मि पासम्मि | पच्चत्थिमेण असुरा गरुला पुण

उत्तरे पासे ॥१४॥ उसभो य विणीताए बारवतीए अरिष्टवरणेमी । अवसेसा तित्थकरा णिकखंता जम्मभूमीसु ॥१५॥ सब्बे वि एगदूसेण **[णिग्या जिणवरा चउवीसं]** । ण य णाम अण्णलिंगे ण य गिहिंलिंगे कुलिंगे य ॥१६॥] गाहा । एको भगवं वीरो पासो मल्ली य तिहिं तिहिं सएहिं । भगवं पि वासुपुजो छहिं पुरिससएहिं निकखंतो ॥१७॥] गाधा । उग्गाणं भोगाणं रातिणा णं च खत्तियाणं च । चउहिं सहस्सेहिं उसभो सेसा उ सहस्सपरिवारा ॥१८॥ गाहा । सुमतित्थ णिच्चभत्तेण **[णिग्यो वासुपुजो जिणो चउत्थेण]** । पासो मल्ली वि य अद्वमेण सेसा उ छडेण ॥१९॥ गाहा । एतेसि णं चउवीसाए तित्थकराणं चउवीसं पढमभिकखादेया होत्था, तंजहा—सेजंसं बंभदत्ते सुरिंदत्ते य इंददत्ते य । तत्तो य धम्मसीहे सुमित्ते तह धम्ममित्ते य ॥१००॥ पुस्से पुणव्वसू पुण णंदे सुणदे जाए य विजए य । पउमे य सोमदेवे महिंददत्ते य सोमदत्ते य ॥१०१॥ अपरातिय वीससेणे वीसतिमे होति उसभसेणे य । दिणे वरदत्ते धन्ने बहुले य आणुपुव्वीए ॥१०२॥ एते विसुद्धलेसा जिणवरभत्तीय पंजलिउडाओ । तं कालं तं समयं पडिलाभेंती जिणवरिंदे ॥१०३॥ संवच्छरेण भिकखाऽ **[लद्धा उसभेण लोगणाहेण]** । सेसेहिं बीयदिवसे लद्धाओ पढमभिकखाओ ॥१०४॥] गाहा । उसभस्स पढमभिकखाऽ **[खोयरसो आसि लोगणाहस्स]** । सेसाणं परमणं अमयरसरसोवमं आसि ॥१०५॥] गाहा । सब्बेसिं पि जिणाणं जहियं लद्धातो पढमभिकखातो । तहियं वसुधारातो सरीरमेत्तीओ वुद्धातो ॥१०६॥ एतेसि णं चउवीसाए तित्थकराणं चउवीसं चेतियरुकखा होत्था, तंजहा—णग्गोह सत्तिवणे साले पियते पियंगु छत्तोहे । सिरिसे य णागरुकखे माली य पिलुंकखुरुकखे य ॥१०७॥ तेंदुग पाडलि जंबू आसोत्थे खलु तहेव दथिवणे । णंदीरुकखे तिलए अंबगरुकखे असोगे य ॥१०८॥ चंपय बउले य तहा वेडसरुकखे तहा य धायर्झरुकखे । साले य वद्धमाणस्स चेतियरुकखा जिणवराणं ॥१०९॥ बत्तीसतिं धण्णूङ्ँ चेतियरुकखो उ वद्धमाणस्स । णिच्चोउगो असोगो ओच्छन्नो सालरुकखेण ॥११०॥ तिणेव गाउयाइं चेतियरुकखो जिणस्स उसभस्स । सेसाणं पुण रुकखा सरीरतो बारसगुणा उ ॥१११॥ सच्छत्ता सपडागा सवेइया तोरणे उववेया । सुरअसुरगरुलमहियाण चेतियरुकखा जिणवराणं ॥११२॥ एतेसि णं चउवीसाए तित्थकराणं चउवीसं पढमसीसा होत्था, तंजहा—पढमेत्थ उसभमेणे बितिए पुण होइ सीहसेणे उ । चारू य वजणाभे चमरे तह सुव्वय विदब्भे ॥११३॥ दिणे वाराहे पुण आणंदे गोत्थुभे सुहम्मे य । मंदर जसे अरिष्टे चक्राउह सयंभु कुंभे य ॥११४॥ भिसए य इंद कुंभे वरदत्ते दिणे इंदभूती य । उदितोदितकुलवंसा विसुद्धवंसा गुणेहिं उववेया । तित्थप्पवत्तयाणं पढमा सिस्सा जिणवराणं ॥११५॥ एतेसि णं चउवीसाए तित्थकराणं चउवीसं पढमसिस्सिणीओ होत्था, तंजहा—बंभी फण्ण सम्मा अतिराणी कासवी रती सोमा । सुमणा वारुणि सुलसा धारणि धरणी य धरणिधरा ॥११६॥ पउमा सिवा सुयी अंजू भावितप्पा य रकिखया । बंधू पुफ्फवती चेव अज्ञा वणिला य आहिया ॥११७॥ जक्खिणी पुफ्फचूला य चंदणज्ञा य आहिता । उदितोदितकुलवंसा विसुद्धवंसा गुणेहिं उववेया । तित्थप्पवत्तयाणं पढमा सिस्सी जिणवराणं ॥११८॥ १५८. जंबुद्दीवे णं दीवे भरहे वासे इमीसे ओसप्पिणीए बारस चक्रवट्टिपितरो होत्था, तंजहा— उसभे सुमितविजए समुद्दविजए य विस्ससेणे य । सूरिते सुदंसणे पउमुत्तर कत्तवीरिए चेव ॥११९॥ महाहरी य विजए य पउमे राया तहेव य । बंभे बारसमे वुते पिउनामा चक्रवट्टीणं ॥१२०॥ जंबुद्दीवे णं दीवे भरहे वासे इमाए ओसप्पिणीए बारस चक्रवट्टिमायरो होत्था, तंजहा— सुमंगला जसवती भद्वा सहदेवा अतिरा सिरि देवी । जाला तारा मेरा वप्पा चुलणी य अपच्छिमा । जंबुद्दीवे णं दीवे भरहे वासे इमाए ओसप्पिणीए बारस चक्रवट्टी होत्था तंजहा— भरहे सगरे मघवं० **[साणंकुमारो य रायसद्वूलो]** । संती कुंथू य अरो हवइ सुभूमो य कोरव्वो ॥१२१॥ नवमो य महापउमो हरिसेणो चेव रायसद्वूलो । जयनामो य नरवई बारसमो बंभदत्तो य] ॥१२२॥ गाधातो । एतेसि णं बारसणं चक्रवट्टीणं बारस इत्थिरयणा होत्था, तंजहा— पढमा होइ सुभद्वा भद्वा सुणंदा जया य विजया य । कणहसिरी सूरसिरी, पउमसिरी वसुंधरा देवी । लच्छिमती कुरुमती, इत्थीरतणाण नामाइ ॥१२३॥ जंबुद्दीवे णं दीवे भरहे वासे इमाए ओसप्पिणीए नव बलदेव-वासुदेवपितरो होत्था, तंजहा- पयावती य बंभे **[रुदे सोमे सिवे ति त]** । महसीह अग्निसीहे, दसरहे नवमे त वासुदेवे ॥१२४॥] गाहा । जंबुद्दीवे णं दीवे भरहे वासे इमीसे ओसप्पिणीए णव वासुदेवमातरो होत्था, तंजहा- मियावती उमा चेव, पुढवी सीया य अम्मया । लच्छिमती सेसमती, केकई देवई इ य ॥१२५॥ जंबुद्दीवे णं दीवे भरहे वासे इमाए ओसप्पिणीए णव बलदेवमायरो होत्था,

तंजहा- भद्रा सुभद्रा य सुप्पभा सुदंसणा विजया य वेजयंती । जयंती अपरातिया णवमिया य रोहिणी बलदेवाणं मातरो ॥१२६॥ जंबुद्दीवे णं दीवे भरहे वासे इमीसे ओसप्पिणीए नव दसारमंडला होत्था, तंजहा— उत्तमपुरिसा मज्जिमपुरिसा पहाणपुरिसा ओयंसी तेयंसी वच्चंसी जसंसी छायंसी कंता सोमा सुभगा पियदंसणा सुरुवा सुहसील-सुहाभिगम-सव्वजण-णयणकंता ओहबला अतिबला महाबला अणिहता अपरातिया सत्तुमद्वणा रिपुसहस्समाणमध्यणा साणुकोस्सा अमच्छरा अचवला अचंडा मितमंजुपलावहसित-गंभीर-मधुरपडिपुण्णसच्चवयणा अबभुवगयवच्छला सरणा लक्खणवंजणगुणोवेता माणुम्माणपमाणपडिपुण्णसुजातसव्वंगसुंदरंगा ससिसोमागारकंतपियदंसणा अमसणा पयंडदंप्पयारगंभीरदरिसणिजा तालद्वयोव्विद्वग्रुलकेऊ महाधणुविकह्या महासत्तसागरा दुद्वरा धणुद्वरा धीरपुरिसा जुद्वकित्तिपुरिसा विपुलकुलसमुभवा महारयणविहाडगा अद्वभरहसामी सोमा रायकुलवंसतिलया अजिया अजितरहा ह्ल-मुसल-कणगपाणी संख-चक्र-गय-सत्ति-णंदगधरा पवरुज्जलसुकंतविमलगोत्थुमतिरीडधारी कुंडलउज्जोवियाणणा पुंडरीयणयणा एकाबलिकंठलइतवच्छा सिरिवच्छसुलंछणा वरजसा सव्वोउयसुरभिकुसुमसुरचितपलंबसोभंतकंतविकसंतचित्तवरमालरइयवच्छा अद्वसयविभत्तलक्खणपस्त्थसुंदरविरतियंगमंगा मत्तगयवरिंदललिय-विक्रमविलसियगती सारतनवथणियमधुरगंभीरकोंचनिघोसदुंदभिसरा कडिसुत्तगनीलपीयकोसेज्जवाससा पवरदित्ततेया नरसीहा नरवती नरिंदा नरवसहा मरुयवसभकप्पा अभ्महियं रायतेयलच्छिए दिप्पमाणा नीलग-पीतगवसणा दुवे दुवे रामकेसवा भायरो होत्था, तंजहा— तिविद्व य जाव कण्हे ॥१२७॥ अयले विं० जाव रामे यावि अपच्छिमे ॥१२८॥ एतेसि णं णवणहं बलदेव-वासुदेवाणं पुव्वभविया नव नामधेजा होत्था, तंजहा— विस्सभुती पव्वयए धणदत्त समुद्रदत्त सेवाले । पियमित्त ललियमित्ते पुणव्वसू गंगदत्ते य ॥१२९॥ एताइं नामाइं पुव्वभवे आसि वासुदेवाणं । एतो बलदेवाणं जहक्रमं कित्तइस्सामि ॥१३०॥ विस्सनंदी सुबंधू य सागरदत्ते असोग ललिए य । वाराह धम्मसेणे अपराइय रायललिए य ॥१३१॥ एतेसि णं णवणहं बलदेवासुदेवाणं पुव्वभविया नव धम्मायरिया होत्था, तंजहा— संभुत्त सुभद्रा सुदंसणे य सेयंस कण्ह गंगदत्ते य । सागर समुद्रनामे दुमसेणे य णवमए ॥१३२॥ एते धम्मायरिया कितीपुरिसाण वासुदेवाणं । पुव्वभवे आसिणहं जत्थ निदाणाइं कासीय ॥१३३॥ एतेसि णं णवणहं वासुदेवाणं पुव्वभवे णव णिदाणभूमीतो होत्था, तंजहा— महुरा जाव हत्थिणपुरं च ॥१३४॥ एतेसि णं णवणहं वासुदेवाणं नव णिदाणकारणा होत्था, तंजहा— गावी जुए जाव मातुका ति य ॥१३५॥ एतेसि णं णवणहं वासुदेवाणं णव पडिस्तू होत्था, तंजहा— अस्सग्गीवे जाव जरासंधे ॥१३६॥ एते खलु पडिस्तू जाव सचकेहिं ॥१३७॥ एक्को य सत्तमाए पंच य छट्टीए पंचमा एक्को । एक्को य चउत्थीए कण्हो पुण तच्चपुढवीए ॥१३८॥ अणिदाणकडा रामा० 【सव्वे वि य केसव नियाणकडा । उहुंगामी रामा केसव सव्वे अहोगामी ॥१३९॥】 गाहा । अहुंतकडा रामा, एगो पुण बंभलोयकप्पम्मि । एक्का से गब्भवसही, सिज्जिस्सति आगमिस्सेण ॥१४०॥ जंबुद्दीवे णं दीवे एरवते वासे इमीसे ओसप्पिणीए चउवीसं तिथगरा होत्था, तंजहा— चंदाणणं सुचंदं अगिसेण च नंदिसेण च । इसिदिणं वयहारिं वंदिमो सामचंदं च ॥१४१॥ वंदामि जुत्तिसेण अजितसेण तहेव सिवसेण । बुद्धं च देवसम्मं सययं निकिखित्तसत्थं च ॥१४२॥ अस्संजलं जिणवसभं वंदे य अणंतयं अमियणाणिं । उवसंतं च धुयरयं वंदे खलु गुत्तिसेण च ॥१४३॥ अतिपासं च सुपासं देवीसरवंदियं च मरुदेवं । निव्वाणगयं च धरं खीणदुहं सामकोदुं च ॥१४४॥ जियरागमग्गिसेण वंदे खीणरयमग्गिउतं च । वोकसियसियपेज्जदोसं च वारिसेण गतं सिद्धिं ॥१४५॥ जंबुद्दीवे दीवे भरहे वासे आगमेसाते उस्सप्पिणीए सत्त कुलगरा भविस्संति, तंजहा— मित्तवाहणे सुभूमे य सुप्पभे य सयंपभे । दत्ते सुहुमे सुबंधू य आगमेसाणं होक्खति ॥१४६॥ जंबुद्दीवे णं दीवे 【भरहे वासे】 आगमेसाते उस्सप्पिणीते दस कुलकरा भविस्संति, तंजहा— विमलवाहणे सीमंकरे सीमंधरे खेमंकरे खेमंधरे दद्वधू दसधू सयधू पडिसुई सम्मुई त्ति । जंबुद्दीवे णं दीवे भरहे वासे आगमेसाए उस्सप्पिणीए चउवीसं तिथकरा भविस्संति, तंजहा— महापउमे १ सुरादेवे २ सुपासे य ३ सयंपभे ४ । सव्वाणुभूती ५ अरहा देवउत्ते य होक्खति ६ ॥१४७॥ उदए ७ पेढालपुत्ते य ८ पोट्टिले ९ सतए ति य १० । मुणिसुव्वते य अरहा ११ सव्वभावविदू जिणे १२ ॥१४८॥ अममे १३ णिक्कसाए य १४, निप्पुलाए य १५ निम्ममे १६ । चित्तउत्ते १७ समाही य १८ आगमिस्सेण होक्खई ॥१४९॥ संवरे १९ अणियद्वी य २०, विवाए २१ विमले ति य २२ । देवोववाए अरहा २३ अणंतविजए ति य २४ ॥१५०॥ एते वुत्ता चउवीसं भरहे वासम्मि केवली । आगमिस्साण होक्खति

धर्मतित्थस्स देसगा ॥१५१॥ एतेसि णं चउवीसाए तित्थकराणं पुब्वभविया चउवीसं नामधेजा भविस्संति, तंजहा— सेणिय सुपास उदए, पोद्विल अणगारे तह दढाऊय। कत्तिय संखे य तहा, णंद सुणंदे सतए य बोधवा ॥१५२॥ देवई चेव सच्चति तह वासुदेवे बलदेवे। रोहिणि सुलसा चेव य तत्तो खलु रेवती चेव ॥१५३॥ तत्तो हवति मिगाली बोधवे खलु तहा भयाली य। दीवायणे य कण्हे तत्तो खलु नारए चेव ॥१५४॥ अमंडे दारुमडे या सातीबुद्धे य होति बोधवे। उस्सप्पिणि आगमेसाए तित्थकराणं तु पुब्वभवा ॥१५५॥ एतेसि णं चउवीसं तित्थकराणं चउवीसं पितरो भविस्संति, चउवीसं मातरो भविस्संति, चउवीसं पढमसीसा भविस्संति, चउवीसं पढमसिस्सिणीतो भविस्संति, चउवीसं पढमभिक्खादा भविस्संति, चउवीसं चेतियरुक्खा भविस्संति। जंबुद्धीवे णं दीवे भरहे वासे आगमेसाए उस्सप्पिणीए बारस चक्रवट्टी भविस्संति, तंजहा— भरहे य दीहृदंते गूढदंते य सुदंते य। सिरिउत्ते सिरिभूती सिरिसोमे य सत्तमे ॥१५६॥ पउमे य महापउमे विमलवाहणे विपुलवाहणे चेव। रिड्वे बारसमे वुत्ते आगमेसा भरहाहिवा ॥१५७॥ एतेसि णं बारसण्हं चक्रवट्टीणं बारस पितरो भविस्संति, बारस मातरो भविस्संति, बारस इथीरयणा भविस्संति। जंबुद्धीवे णं दीवे भरहे वासे आगमेसाए उस्सप्पिणीए णव बलदेव-वासुदेवपितरो भविस्संति, णव वासुदेवमातरो भविस्संति, णव बलदेवमातरो भविस्संति णव दसारमंडला भविस्संति, तंजहा— उत्तिमपुरिसा मज्जिमपुरिसा पहाणपुरिसा ओयंसी एवं सो चेव वण्णतो भाणियव्वो जाव नीलगपीतगवसणा दुवे दुवे रामकेसवा भातरो भविस्संति, तंजहा— णंदे य १ णंदमित्ते २ दीहबाहू ३ तहा महाबाहू ४। अझबले ५ महब्बले ६ बलभदे य सत्तमे ७ ॥१५८॥ दुविठ्य ८ तिब्बिठ्य ९ आगमेसाणं वण्णिणो। जयंते विजए भद्वे सुप्पभे य सुदंसणे। आणंदे णंदणे पउमे संकरिसणे य अपच्छिमे ॥१५९॥ एतेसि णं नवण्हं बलदेव-वासुदेवाणं पुब्वभविया णव नामधेजा भविस्संति, णव धर्मायरिया भविस्संति, णव नियाणभूमीओ भविस्संति, णव नियाणकारणा भविस्संति, णव पडिसत्तू भविस्संति, तंजहा— तिलए य लोहजंधे वइरजंधे य केसरी य पहराए। अपराजिये य भीमे महाभीमसेणे य सुर्जीवे य अपच्छिमे ॥१६०॥ एते खलु पडिसत्तू कित्तीपुरिसाण वासुदेवाणं। सव्वे य चक्रजोही हम्मिहिंति सचक्रेहिं ॥१६१॥ जंबुद्धीवे णं दीवे एरवते वासे आगमेसाए उस्सप्पिणीए चउवीसं तित्थकरा भविस्संति, तंजहा— सुमंगले अत्थसिङ्घे य, णेव्वाणे य महाजसे। धर्मज्ञाए य अरहा, आगमेसाण होक्खति ॥१६२॥ सिरिचंदे पुफ्केऊ य, महाचंदे य केवली। सुयसागरे य अरहा, आगमेसाण होक्खती ॥१६३॥ सिद्धत्थे पुण्णघोसे य, महाघोसे य केवली। सच्चसेणे य अरहा, अणंतविजए इ य ॥१६४॥ सूरसेणे महासेणे, देवसेणे य केवली। सव्वाणंदे य अरहा, देवउत्ते य होक्खती ॥१६५॥ सुपासे सुव्वते अरहा, महासुक्खे य कोसले। देवाणंदे अरहा णं विजये विमल उत्तरे ॥१६६॥ अरहा अरहा य महायसे। देवोववाए अरहा आगमेस्साण होक्खती ॥१६७॥ एए वुत्ता चउवीसं, एरवतवासम्मि केवली। आगमेसाण होक्खंति, धर्मतित्थस्स देसगा ॥१६८॥ बारस चक्रवट्टिपितरो मातरो चक्रवट्टित्थीरयणा भविस्संति, नव बलदेव-वासुदेवपितरो मातरो णव दसारमंडला भविस्सति, तंजहा— उत्तिमपुरिसा जाव रामकेसवा भायरो भविस्संति, नामा, पडिसत्तू, पुब्वभवणामधेजाणि, धर्मायरिया, णिदाणभूमीओ, णिदाणकारणा, आयाए, एरवते आगमेसा भाणियव्वा, एवं दोसु वि आगमेसा भाणियव्वा। १६९. इच्चेतं एवमाहिज्जति, तंजहा— कुलगरवंसे ति य एवं तित्थगरवंसे ति य चक्रवट्टिवंसे ति य दसारवंसे ति य गणधरवंसे ति य इसिवंसे ति य जतिवंसे ति य मुणिवंसे ति य सुते ति वा सुतंगे ति वा सुतसमासे ति वा सुतखंधे ति वा समाए ति वा संखेति वा। समत्तमंगमक्खायं, अज्ज्ञयणं ति त्ति बेमि ॥ [॥ समवाओ चउत्थमंगं सम्मतं ॥] ग्रं० १६६७ ॥

सौजन्यः श्री खामगाम नैन संधं